

## 證治摘要目次

## 卷上

傷寒	一	癲癇狂健忘驚悸不寐	三〇
傷風	三	勞病失精盜汗陰痿	三一
瘧附斑疹	三	肺痿肺癰	三四
中寒	四	腸癰	三六
喝霍亂	五	諸失血	三七
中濕	七	痰飲咳嗽	三九
瘧	八	喘哮	四二
痢	一〇	眩暈	四三
泄瀉	一三	大便閉	四四
傷食宿食	一四	小便閉	四四
嘔吐反胃膈噎	一四	淋	四五
噦	一八	消渴	四七
水腫	一九	中風	四八
鼓脹腹滿	二二	脚氣痿躄	五二
黃疸	二四	痛風諸膝風	五四
黃胖	二六	頭痛	五六
癰疽疔	二六	肩背痛	五八
蟲	二九	心痛胸痹結胸	五八

腹痛	六〇	疳癖	九六
腰痛	六二	痘瘡	九八
眼	六三	麻疹	一〇二
耳	六五	打撲金瘡破傷風	一〇三
鼻	六六	蟲獸傷	一〇六
牙齒	六八	湯火傷灸瘡漆瘡	一〇八
口舌	七〇	諸骨哽竹木刺	一〇九
咽喉	七二	微瘡	一一〇
卷下		癰疽	一一三
妊娠	七五	疔瘡	一一五
產前後	七六	凍瘡	一二六
經閉	八〇	疥癬膿瘡	一二九
赤白帶下崩中漏下	八二	痔脫肛	一二一
乳病	八四	卒死	一二五
小兒初生雜治	八七	癩	一二八
鵝口	九〇	附錄	
吐衄	九〇	家方	一三〇
丹毒	九一	製鐵粉法	一三二
夜啼客忤	九二	方輿所載後世方	一三三
馬脾風	九三	辨附子瞑眩與中毒	一五五
急慢驚	九四		

# 證治摘要卷上

東都 中川成章斐卿輯

## 傷寒

夫傷風寒治法。本論已盡矣。傷寒論。則吾門日夜所講習也。今雖似蛇足。爲蒙生記傷寒傷風治法之梗概。如左。

麻黃湯 大青龍湯 傷寒頭痛發熱。身疼腰痛。無汗者。用麻黃湯。尙不

汗出而煩躁。脈浮緊者。用大青龍湯。又初麻黃湯症。而有渴者。又發熱而渴。不惡寒。脈浮者。皆用大青龍湯而發汗。汗流則以手巾拭之。休息半時許。而復取汗。如此凡三日三夜而止。至四日有頭微痛。微惡寒。微渴。寒熱往來等證。則用小柴胡加桂枝石膏湯等。

小柴胡湯 大柴胡湯 傷寒五六日。往來寒熱。胸脇苦滿。心下痞硬而嘔者。用小柴胡湯。若鬱鬱微煩。大便硬者。兼用大柴胡湯。若清便自調。而有渴者。小柴胡加石膏湯。漸加渴者。小柴胡合白虎湯。

小承氣湯 調胃承氣湯 張子和曰。一日一便。乃常度也。按病人亦然。殊傷寒者。以大便快通爲佳。故陽明篇曰。大便硬。則譫語。小承氣湯主之。若一服譫語止。更莫復服。又曰。胃氣不和。譫語者。少與調胃承氣湯。方極以腹滿。與急迫區別此二方。凡用柴胡及白虎等之症。宜腹滿而大便硬者。兼用小承氣湯。急迫而大便硬者。兼用調胃承氣湯也。

白虎湯 大承氣湯 傷寒六七日。大渴引飲。舌上乾燥而煩者。用白虎湯。至七八日。舌上黑胎乾燥。潮熱便秘。腹滿譫語者。用大承氣湯。此症而有。大渴引飲。則白虎承氣並用。重者白虎五貼。承氣五貼。胃實甚者。用承氣五貼。而僅有大便一行。此症強人可治。羸者危矣。是初用達原飲。及柴胡桂枝湯等。而失取汗。是以十分之邪氣。皆輻湊腹。故見此症。初起用麻黃大青龍。而三日發汗。則邪氣半從汗去。決不至此重症也。余累試累驗。凡傷寒陽症初起。十之八九宜用大青龍。麻黃分量極多。發汗之神方。無長於斯。但大便滑利。一二行者。亦有變陰疑。故用麻黃湯爲佳。近來信吳又可徒。不知發汗有效於外邪。初與達原輩而誤人性命者多矣。故表而出之。至汗下後變症之治法。則詳于本論。故不贅于此。

麻黃附子細辛湯 麻黃附子甘草湯 陰症初發。以此二湯微汗之。若陰陽疑似之症。則先用麻黃湯。服後不微汗。但惡寒者。宜撰用此二湯微汗後。變症之治法。詳于本論。

按外臺祕要。療大行病及溫病。一二日者。用麻黃石膏葛根等。厚覆取汗。以當知吳又可之非。

千金方云。傷寒雅士之辭云。天行溫疫。是田舍間號耳。肘後方云。貴勝雅言。總呼傷寒。世俗因號爲時行。外臺許仁則論天行病云。此病方家呼爲傷寒。傷寒論集成云。王叔和以冬時者。爲傷寒。以他時者。爲時行。

寒疫。大非古義也。蓋疫卽傷寒。傷寒卽疫。其謂之疫。取諸役役不住。其謂之傷寒。取諸所感之源。下略按溫疫論。邪在膜原之說。如捕風捉影。妄誕附會。迷後人。不可從矣。

### 傷風

本事方云。今傷風。古謂之中風。按後世又謂之感冒。

桂枝湯 太陽病。頭痛發熱。汗出惡風者。

桂枝加葛根湯 太陽病。項背強几几。反汗出惡風者。

桂枝加厚朴杏子湯 桂枝湯證。而胸滿微喘者。

葛根湯 太陽病。項背強几几。無汗惡風者。

桂枝麻黃各半湯 桂枝湯。麻黃湯。二方證相合者。

桂枝二麻黃一湯 桂枝湯證多。麻黃湯證少者。

桂枝二越婢一湯 桂枝湯證多。越婢湯證少者。

柴胡桂枝湯 小柴胡湯。與桂枝湯二方證相合者。

小柴胡湯 胸脇苦滿。或寒熱往來。或嘔者。

柴胡姜桂湯 小柴胡湯症。而不嘔不痞。上衝而渴。腹中有動者。

小柴胡加桂枝湯 小柴胡湯證。而上衝者。

小青龍湯 或加石膏 咳喘上衝。頭痛發熱惡風。乾嘔者。

### 瘟疫

大青龍湯 葛根湯加石膏或桔梗 小柴胡加石膏湯 大柴胡湯。或

加芒消石膏。 蟬針 表裏俱解。腫不消者。日以水蛭八九枚。令吮腫上。

白虎湯 治發斑口燥。煩躁而渴者。應鐘散。

按丹溪耳下頤頰腫爲蝦蟇瘟。回春頭頂腫起曰大頭瘟。正合二症名時毒。曰夫時毒者。天行時氣之病也。初起與風寒相類。惟頭面耳項發腫爲眞。云云初用大青龍而發汗。後小柴胡加石膏湯。施蟬針。十二三日而愈。偶有膿潰者。宜從外治之法。發斑初發。葛根湯。熱劇者大青龍湯。煩躁而渴者。白虎湯。或兼用犀角。後藤香川二翁治時毒。初用七味敗毒散。十味敗毒去人參前胡獨活。和田氏療時毒內陷咽喉腫痛者。用桔梗湯或涼膈加石膏湯。方輿載六物敗毒散。及連翹湯。牛蒡葶連湯。

中寒

附子理中湯 治五藏中寒。口噤四肢強直。失音不語。昔有武士守邊。大雪出帳外。觀膽。忽然暈倒。時林繼作隨行。醫官灌以此藥兩劑。遂醒。

乾姜附子湯 治中寒卒然暈倒。或吐逆涎沫。狀如暗風。手脚攣搐。口噤。

四肢厥冷。或復燥熱。三因方只載此二方。中寒病門。蓋始于此。

中寒之證。由平素體氣虛弱。冬月出外。一時爲嚴寒所中。則口噤失音。偏體拘急。四肢厥冷。畏寒腹痛。脈息沉微。昏沉不知人事者。宜急用熱酒入生薑汁和而灌之。候少甦醒。然用姜酒。脈出者生。不出者死。灸法。神闕丹

田、關元用艾火各灸三七壯。手足暖，脈至，知人事，汗出即生。如無汗，手足不暖，不省人事者死。危證簡便。謙齋曰：中寒者，後世所謂傷寒直中陰症也。有持亦云。按病源：千金及翼外臺聖濟皆無中寒病門。至宋末始立一病門。予意中寒者，凍死之輕者也。良山翁云：中寒者，凍病也。樓窓先生編輯急救選方，合中寒與凍死爲一病門。大得予意。世俗稱中寒者，傷風症或兼痧者，間亦有焉。宜隨證治之。方輿載桂枝湯及桂枝人參湯，當歸四逆，同加吳茱萸生薑湯，四逆湯。

喝霍亂 宜與傷食門參考

白虎加人參湯 金匱云：太陽中熱者，喝是也。汗出惡寒，身熱而渴。

按聖濟中喝門初載白虎湯，其主治云：治中熱喝，頭痛汗出，惡寒發熱而渴。

五苓散 脈浮，小便不利，微熱消渴者。治傷暑煩渴，引飲無度。三因方

治傷暑身熱，口乾煩渴，心神恍惚，小便赤澀，大便泄瀉者。回春按水

瀉加滑石散。霍亂頭痛發熱，身疼痛，熱多欲飲水者，五苓散主之。寒

多不用水者，理中丸主之。渴欲飲水，水入則吐者，名曰水逆。按嘔

吐或加半夏生薑，去桂。

理中湯 按千金霍亂門治中湯，即此方也。方後文云：若轉筋者，加石膏

三兩。三因方亦加石膏。醫通云：脈雖沉細而轉筋，煩躁發熱者，當作熱

治。大抵霍亂一毫口渴轉筋者，即係熱症。謙齋云：轉筋皆熱症。聖濟霍

亂轉筋門。無附子劑。外治有淋足附子湯。東郭云。四逆湯證。有轉筋。輕而不甚者也。別錄及活人書。濟世本草。轉筋或用附子劑。宜詳察而處方也。

吳茱萸湯 少陰病吐利。手足厥冷。煩躁欲死者。

按此方。主嘔吐煩躁。四逆湯主下利厥冷。有持曰。霍亂後。手足厥逆者。四逆湯之所主也。此症而嘔不止。煩躁者。吳茱萸湯症也。此湯以嘔吐爲準。世醫用小半夏等無效。術盡束手時。用此方。奏意外之效。然藥苦烈。宜少少頻服之。

桂枝湯 吐利止而身痛不休者。

小半夏湯 或加茯苓 茯苓四逆湯 四逆湯或加參 通脈四逆加

豬膽汁湯。

雞屎白散 治轉筋入腹者。治霍亂轉筋入腹欲死。聖傳

生薑五兩切 右一味。用無灰酒一升。煎取八合。頓服便差。

灸足外踝骨尖上七壯。治轉筋十指拘攣。不能屈伸。景岳

霍亂吐瀉不已。灸天樞氣海中脘。四穴立愈。正傳

霍亂已死而胸中尚有煖氣者。灸之立甦。其法以鹽填滿臍孔灸之。不計

壯數。正傳

按此灸極妙。吐利厥冷。煩躁。冷汗出者。灸神闕數十壯。屢得效。霍亂治法。無捷於斯。



轉筋不止起死之方灸承筋又不止則灸湧泉

外

又轉筋灸承山

針經指南

千金方霍亂治四逆吐少嘔多者用附子粳米湯心下痞用甘草瀉心湯凡此病定一日不食爲佳

備急圓 大承氣湯 此二方治乾霍亂

乾霍亂之狀心腹脹滿攪刺疼痛煩悶不可忍手足逆冷甚者流汗如水大小便不通求吐不出求利不下須臾不救便有性命之慮宜急與巴豆等三味丸服之服取快利

外臺許仁別論三味丸即備急丸也

病源云其腸胃先挾實故不

吐利名爲乾霍亂也案奇效厚朴湯療乾霍亂即大承氣加良姜湯也

千金治乾霍亂有鹽吐方正傳云乾霍亂死在須臾升降不通故也宜吐

以提其氣最良法

景岳

舌捲囊縮轉筋入腹者死

內

和田氏轉筋甚者

用良方吳茱萸湯吳茱萸木瓜食鹽三味等分同炒令焦水煎服 回春

云夏月有四證傷寒傷風中暑熱病疑似難明

按夏月不拘遠行家居壯熱無汗者傷風寒之類也宜用麻黃大青龍等而發汗也有汗而渴者中喝也宜用白虎五苓等也 古云暑傷氣分汗如傾 方輿載香薷飲及消暑湯生脈散

### 中濕

麻黃加朮湯 濕家身煩疼發其汗爲宜

麻黃杏仁薏苡甘草湯 一身盡痛發熱日晡所劇者 濕家始得病時

可與此方。外臺

桂枝附子湯 身體疼煩不能自轉側者。

桂枝附子去桂加朮湯 前方證而大便堅小便自利者。

甘草附子湯

主治見痛風

病因考及說約中濕門載五苓散香川氏云小便不利

利四肢浮腫而渴者。艮山翁云濕氣從小便去也。和田氏中濕初發有

汗者用桂枝加朮湯。

按金匱云。中濕之脈沉而細。小便不利。大便反快。此中濕之一候也。中

濕初一身盡痛。不異痛風。然如法施治。則不踰月而瘥。不似痛風。桂枝

彌歲月。金匱謂中濕死症者。因其誤治也。意中濕者。痛風之輕者也。

瘥

桂枝麻黃各半湯 桂枝二麻黃一湯 桂枝二越婢一湯 柴胡桂枝

湯 柴胡姜桂湯

論證為濕瘥宜誤用此二方。

柴胡去半夏加括蕒湯 瘥病發渴者。

亦治久瘥。

柴胡加芒消湯 欲成瘥母者。

白虎加桂枝湯 溫瘥者。

牡蠣湯 蜀漆散 夾鐘丸 大柴胡湯 張會卿云。小柴胡湯加常山

二錢。截瘥如神。

截瘥湯。方家常山 草菓 知母 貝母。各等分。右四味以酒二勺漬之。夜露

一宿。發日早晨以水二合。煮取一合服。臨發查再煎服。或草菓代檳榔

最效。

又截瘧方 發日早晨用備急丸一分或用吐劑亦效。

按外臺有單常山湯煎法服法如截瘧湯。間日瘧五六發則宜服截某。每日發者宜候十四五日後邪氣漸衰而截之。截某宜陽瘧不宜陰瘧。陰瘧者宜候數發之後爲陽瘧而截之。陰陽謂晝夜也。小兒瘧疾因蟲者或兼服鷓鴣菜湯瘧用附子劑者希有焉。千金瘧門有附子劑三方。外臺八方宜隨證治之。凡瘧瘵後禁飲酒房事遠行。瘧并瘧母灸法。脊際自七九至十三四椎。瘧振寒少熱面青大便澹泄者用某附湯。生漢和田氏截瘧灸法灸大椎尖頭七壯或灸章門不截則灸承山。尙無效者灸湧泉。又云凡瘧者惡寒始於足指頭有此症者瘧症不具亦爲瘧治而可也。又云瘧用常山劑不愈者化毒丸二分發日早晨冷水服有效者必下黑便也。若暝眩則輕者用冷水重者冷水內朱或石膏攪服或藍葉煎服。又云瘧母用鼈甲類難治者用化毒丸二分效。按醫方考云瘧發時獨寒無熱脈遲者用七棗湯卽附子大棗生薑也。又云瘧發時頭疼身熱脊強脈浮者大陽症也麻黃羌活湯主之。麻黃羌活防風甘草四味也。瘧疾寒熱轉大者從卯至午發宜柴胡湯從午至酉發者邪在內宜大承氣湯從酉至子或至寅發者邪在血宜桃仁承氣湯下之微利後更以小柴胡湯撤其邪可也。兼方 規矩治瘧病苦渴。外烏梅二十右一味以水三盞煎取一盞半去烏梅和蜜一

匙分二服。瘧脈弦而緊宜下。浮大者宜吐。弦遲者宜溫。正牛山云。凡瘧疾。二三發之中。宜用發散劑。方輿載柴胡龍甲湯及龍甲一味酒服散菓。

痢

葛根湯 痢有表證者。用此湯。三四日宜發汗。

葛根加半夏湯 前方證而嘔者。

葛根黃連黃芩湯 痢惡寒止有熱者。或下利脈促。喘而汗出者。

黃芩湯 痢腹拘急。心下痞者。

黃芩加半夏生薑湯 前方症而嘔者。

大柴胡湯 心下痛有身熱者。

論曰。發熱。云云心下痞。嘔吐而下利者。按之心下滿痛者。

厚朴七物湯 痢腹滿者。或中脘否塞者。云云

大承氣湯 身熱腹滿。心下痛甚。口舌乾燥者。論曰。自利清水。云云心下

必痛。口乾燥者。下利三部。云云按之心下堅者。下利脈遲而滑者。

白頭翁湯 熱利下重者。下利欲飲水者。以有熱故也。熱多難用下

劑者。云云

白頭翁加甘草阿膠湯 熱利下重。帶膿血者。產後下利虛極。金匱按產

後痢妙。

黃連湯 半夏瀉心湯 熱解痢減。心下痞。或痞嘔。食不進者。宜撰用此

二方。

六物黃芩湯 桂枝人參湯 眞武湯 痢陰症或遺尿者。

桂枝加芍藥大黃湯 大實痛者。

小建中湯 桃花湯 赤石脂禹餘糧湯 禹餘糧丸方家 治久痢久瀉。

無熱無後重用附子不止灸腹不愈飲湯直下食粥直下日羸瘦向死

者禹餘糧 赤石脂各五分 阿片小豆粒許

右三味糊丸一劑二度白湯下即愈起死回生累用累驗勿多服多服

則發嘔吐。

黃連阿膠湯 久痢心下悸而煩不得眠便膿血者。

大黃牡丹皮湯 膿血痢下赤白如魚腦者。

桃核承氣湯 下紫黑色腹痛後重異常者瘀血也。門入

鯽魚鱠 痢五六日腹痛不止者承氣丸。

紫丸 痢腹痛甚者。

奧村翁云痢疾久不愈者腸中裏面外皮爛而下赤白如魚腦用大黃牡丹湯或薤白附子敗醬散等則速愈此微腸癰之治法者也和田氏贊之曰卓見也。按和田氏實候而下如魚腦者用牡丹湯虛候者用千金駐車湯其方黃連六兩當歸阿膠各三兩乾姜二兩右四味煎服凡此二方及右之諸方皆痛在臍以上者禁用止瀉之藥常識此勿誤。入門云凡痢在小腹者也痛在臍以上者禁用止瀉之藥常識此勿誤。

下如竹筒或如屋漏水。塵腐色氣短饒逆者。不治。或純下血小便不通唇紅下後身熱脈弦洪者。俱不治。又云。無積不成痢也。我邦之先輩說痢病因者。多端。外邪挾宿食爲得。痢脈細數者凶。痢脈沉實爲吉候。痢初發。不忌脈浮數。數日後見浮數者凶。脈大者邪氣進也。脈遲或沉者。不日下利止也。腹痛始終不止者。惡候。下重無附子症。古人赤屬熱。白屬寒之說難信。赤白俱有下重者。皆熱也。膿血利者。赤痢白痢是也。痢舌純紅者。惡症也。舌紅如無皮狀。有渴者。惡症也。或真武湯症。亦有此舌候。痢七八日不問陰陽。灸足三里。則利減者也。痢冷服萊菔汁妙。治痢煎湯中加萊菔汁亦佳。謙齋云。予有一得。療痢。脈實者。不拘症爲實。宜踈滌。脈虛者。不論症可爲虛。腸僻下膿血。脈沉小細。安靜者生。洪大數身熱者死。經脈療純下白如鼻涕者方。後附灸臍下一寸。五十壯良。說約灸法。素有宿癰。惡藥氣者。或腰力罷者。宜灸中脘。天樞。腰眼。自十一至十六。兼治疳痢不了者。血痢用膠艾四物加厚朴。藥方按和田氏噤口痢。用參連湯。參連各等分也。休息痢用子和無憂散。奧村氏試效也云。蘭醫云。赤白痢。不用下劑。白痢最禁之云。牛山云。老人小兒。痢入九十行者。必死也。和田氏云。小兒痢疾。至百行者。宜先與如神丸。不然。暴脫者也。又云。痢數日之後。發熱者。多死也。按如神阿片丸也。艮山翁亦用。方輿載桂枝湯。及河間芍藥湯。四逆散。參連湯。藜皮湯。千金駐車圓。錢氏白朮散。無憂散。當歸湯。

泄瀉

葛根湯 桂枝湯 泄瀉有表症者宜選用此二方或加朮茯苓

五苓散 治傷暑身熱口乾煩渴心神恍惚小便赤澀大便泄瀉者回春

按水瀉加滑石效

猪苓湯 少陰病下利六七日欬而嘔渴心煩不得眠者

生薑瀉心湯 心下痞硬乾噦食臭脇下有水氣腹中雷鳴下利者

甘草瀉心湯 下利日數十行穀不和腹中雷鳴心下痞硬而滿按此湯雷鳴爲準若無雷鳴穀不和下利者四逆等之所主也

桂枝人參湯 利下心下痞硬表裏不解者

人參湯 前方證而無表症者

四逆湯 下利清穀者 眞武湯 白通湯 少陰病下利脈微者

赤石脂禹餘糧湯 醫以理中與之利益甚理中者理中焦此利在下焦

禹餘糧丸家方見病 當歸四逆加吳茱萸生薑湯 泄瀉因疝者 予屢患

疝瀉輟食食鯉魚膽二碗即愈

紹氏云五更瀉入味丸有效泄瀉灸十一二三四腰眼病因考

古云泄而腹脹脈弦者死 三因方云古方泄利與滯下共爲一門千金

又以宿食不消在熱痢類門類混濫後學難明不可甄別也泄瀉病門始于此 按泄

瀉久不愈者宜每日餌食雞肉大效鯉魚亦效 謙齋云泄瀉有用下劑

宜詳腹診腹底有塊者可下之 方輿載桂枝加朮湯四逆散錢氏白朮

散紫散。高良姜湯。調中湯。

沼田侯留務加川太平妻。患泄瀉半年。其症微熱。微渴。晝夜十一二行。清川氏療之。三月不治。高井氏療之。三月不治。請予。予到則妻曰。二醫食禁甚嚴。不肉食半年。食不進。羸瘦如此。予答曰。草根木皮有治病者。則禽獸魚蟲亦豈莫治病者。悉禁之者。不學之甚者耳。魚鳥治泄瀉者。雞肉鯉魚鮑魚等也。內人此中何嗜。答曰。雞肉也。即與猪苓湯兼赤石脂禹餘糧湯。三食之間。亦令餌食雞肉與卵。廿日許半愈。一月而全愈。

傷食宿食

瓜蒂散 宿食在上脘。當吐之。

大承氣湯 腹滿甚者。論曰。脈數而滑者。實也。此有宿食。下之愈。病

腹中滿痛者。此爲實也。當下之。

小承氣湯 走馬湯 備急圓 鹽湯 探而吐之 張介賓 桂枝加芍藥湯 桂枝

加芍藥大黃湯 橘皮大黃朴消湯 一切魚腥食傷宜此湯 吳茱萸

湯 理中加附子湯 吳崑曰。中焦痛甚。脈沉遲者。

四逆湯 治吐下而汗出。小便復利。或下利清穀。裏寒外熱。脈微欲絕。或

發熱惡寒。四肢拘急。手足厥方。千金靈

療菌毒方 千金 掘地作坎。以水沃中。攪令濁。名地漿。飲之。

解河豚毒 一時倉卒無藥。急以清麻油。多攪取吐出毒物。即愈。

獨嘯庵云。中河豚魚毒者。少覺懊惱。須直探吐。急服藍汁一盞。若人糞少



許。若瓜蒂末一錢。須臾吐盡。則十治八九。

一書云。河豚魚毒。用砂糖有效。

宿食不吐不利。腹痛甚者。多灸上脘。中脘。天樞。吐利爲度。若吐瀉後。痛不

止者。概屬疝瘕。宜灸天樞及十一至十四。方乾霍亂用走馬湯等不

吐下者。多死。令多飲酒。至醉有效。和傷食之症。胸膈痞塞。吐逆噯酸。

噫敗卵臭。畏食。頭痛。發熱。惡寒。病似傷寒。但身不痛爲異也。要菌毒

宜先用地漿水。和田氏方輿載桂枝藿香湯。及平胃散。養脾湯。

### 嘔吐反胃膈噎

小半夏湯。諸嘔吐穀不得下者。方極云。治吐而不渴者。

小半夏加茯苓湯。大半夏湯。胃反嘔吐者。外臺云。治嘔心下痞硬。

半夏瀉心湯。嘔而腸鳴。心下痞者。

生薑瀉心湯。心下痞硬。乾噯食臭。脇下有水氣。腹中雷鳴。下利者。

旋覆花代赭石湯。心下痞硬。噯氣不除者。

吳茱萸湯。食穀欲嘔者。嘔而胸滿者。紀聞云。大小半夏者。常嘔也。

此湯食則嘔也。又嘔吐有錯雜者。用此。

甘草乾姜湯。煩躁吐逆者。紀聞云。無煩躁亦可用。嘔吐苦味之藥。不應

者。或宜此湯。

大黃甘草湯。食已卽吐者。方極云。治大便秘閉急迫者。

猪苓散。嘔吐而病在膈上。後思水者。解。急與之思水者。惡阻并產後

嘔逆大效。和田氏

五苓散 渴欲飲水。水入則吐者。名曰水逆。

茯苓澤瀉湯 胃反吐而渴。欲飲水者。

附子粳米湯 主治見腹痛。主治見 紀聞云。此湯腹痛爲準。

甘遂半夏湯 主治見飲門 心下堅滿爲準。反胃嘔吐俱用。紀聞

小柴胡湯 因腹候用之。

真武湯 水氣爲準。與甘遂半夏湯。及姑洗丸。相反腹濡弱。脈沈細。又有

搏擊見緊狀者。脈與症不相應者。爲虛候也。反胃及辭囊。亦有用之。紀聞

橘皮湯 乾嘔噦。若手足厥者。和田氏云。霍亂嘔吐不止。用四逆輩不

治。急用此湯得效。

生薑半夏湯 胸中似喘不喘。似嘔不嘔。似噦不噦。微心中。憤憤然無奈

者。有持云。此湯主治。要之惡心之症耳。素問傷寒金匱無惡心字。蓋

仲景後之病名也。按肘後方有惡心字

桃核承氣湯 膈噎因瘀血者。膈噎因瘀血者。十中八九因飲者。二三

也。故有用桃核承氣或乾漆丸等。吐血而治者。紀聞

濕漆丸 姑洗丸 夾鐘丸 紫圓 烏梅丸 仲景 治反胃。維岡子病之說

七寶丸 治反胃。實一

化毒丸 治反胃。實一

古云。嘔家聖藥。是生薑。千金之說信矣。然氣逆作嘔。生薑散之。痰與水作

嘔半夏逐之。嘔有熱有寒。生薑於寒症最佳。若遇熱嘔不可無烏梅也。

治久患反胃。

聖濟

硫黃細研半兩與水銀一分再研姜汁糊丸服。

本草反胃門云。靈砂鎮墜反胃神丹也。

本草反胃門云。砒石同巴豆。

附子黃蠟丸服。噎膈門云。雄黃輕粉石鹼蓬砂砒石並化積垢通噎膈。由是觀之。聖濟治嘔吐。輒紅丸反胃。噎膈用之定有效。方見附錄。

易簡方。膈噎反胃。用養生丹。要訣用靈砂丹。皆水銀劑也。

醫通云。瘀

血在膈。阻滯氣道而成者。代抵當丸作芥子大服。二錢去枕仰臥細細嚥之。但飲熱湯及椒姜。輒呃者。即瘀血也。反胃而胸中嘈雜不寧。或

作或止。其人懊懣。面上有白點者。作蟲積治之。

王肯堂云。瘀血則脈

澁。桃仁承氣湯下之。

脈浮緩者生。沉澁者死。

正傳

大便如羊糞者。不

治。年過五十者。多不治。口中多出沫者。必死。

世濟

和田氏云。餅囊局方

安中散有效。南陽亦云。其方甘草十兩。宿砂延胡良姜乾姜茴香桂枝

各五兩。牡蠣四兩。右八味爲末。每二錢熱酒調下。南陽去宿砂三倍牡

蠣水煎服。方後云。忌酒肉麵餅一切厚味鹽茶。又小言有治膈噎。河豚

魚方。和田氏云。反胃者。朝食暮吐。暮食朝吐也。餅囊者。二三日。或四

五日。十餘日而吐也。又有三日亦吐不止者。多吐水也。反胃無腹痛。吐

時無煩悶。餅囊有腹痛。吐有煩。蓋餅囊亦屬反胃也。今世真反胃者少

也。多餅囊之類也。膈噎者。噎食。胃反無噎食。膈噎難治。反胃間有愈者。

反胃有腹痛者。膈噎之變症也。一男子患膈噎。諸藥無效。思食河豚

而死。煮食之。不死。翌日復食之。通計食之三日而全愈。反胃證不強以食。絕其湯水。飢則以飯炒香乾啖之。一些湯水不可進。兩三日後竟不復吐。飲食如初。然後用甘蔗湯七升。姜汁一升和勻服。經方 貓胞衣治反胃。燒灰入硃砂末少許。壓舌下。一醫用之甚效 千金治反胃。飲白馬尿即止。外臺治反胃。服鹽小便二合。有效。翌日復服二合而愈。病若深。七日服之良。按辟囊之名。始于千金。至宋盛稱之。方輿載千金吳茱萸湯及安廩湯。安中散。破棺湯。獨參湯。滾痰丸。治反胃大驗方。

噦

橘皮竹茹湯 噦逆者。

生薑半夏湯 予不拘金匱煮法。半夏一兩。生薑二兩。以水一合半。煮取八勺服。屢得效。

橘皮湯 乾嘔噦若手足厥者。噦之重者用之。

小承氣湯 治噦便秘。數譫語。呃逆雖有手足厥逆。大便堅者。定屬火

熱。下之則愈。醫方

半夏瀉心加吳茱萸湯 心下痞硬者。

吳茱萸湯 一男子下利。未全已。發噦吐衄。服此湯得愈。方輿

黃連解毒湯 熱毒或瘡腫內攻。發噦者。經方

四逆湯 真武湯 七寶丸 南呂丸 治噦 柿蒂 丁香 各二錢 加生

姜五片。水煎服。

又方 刀豆 右一味剉水煎服。

醫林云。噦以紙燃鼻嚏而止。或云猪膽汁。熊膽治噦。

治噦服藥無效者。世濟

硫黃 乳香各等分 爲末以酒煎。急令患人嚥之。

又方 用雄黃二錢。酒一盞。煎七分。服之。世濟

灸 期門 關元 腎俞 痞根

一男子痢重噦起。灸痞根及數處得愈。方輿 產後呃逆。最爲惡候。急灸期

門。宜服四逆加人參湯。或桂心五錢。姜汁三合。和水煎服。通醫 和田氏云。

吳茱萸噦之聖藥。古人云。痢病後。及諸病後。發噦者難治。脈緩者易治。

脈代者危。正傳

聖濟噦門有水銀丸。麝香丸。主治云。治諸般噦發。方輿載滾痰丸。

### 水腫

越婢湯 風水惡風。一身悉腫。脈浮不渴。續自汗出。無大熱。腫在上部。

發汗可解者。考審其症而後可與。說始 先生曰。欬喘不已。小便漸短少。遂爲腫滿者。當與大小青龍。麻杏甘石。

厚朴麻黃湯等。或兼施神祐丸。滾痰丸之類。方輿

越婢加朮湯 皮水。越婢加朮湯主之。甘草麻黃湯亦主之。金匱

甘草麻黃湯 千金云。有人患氣急。積久不瘥。遂成水腫。如此者衆。諸皮

浮水攻面目身體從腰以上腫皆以此湯發汗悉愈。金匱云諸有水者腰以下腫當利小便腰以上腫當發汗乃愈。按入門古麻甘湯即此湯方後云如肢冷屬少陰加附子。

麻黃附子湯

水之爲病其脈沉小屬少陰浮者爲風無水虛脹者爲風

水發其汗即已脈沉者宜麻黃附子湯浮者宜杏子湯

金匱小註云杏子湯未見恐是麻杏甘石

湯。金匱載杏子湯。麻黃甘草杏仁三味也。蓋佐雞註。

越婢加水附湯

治水腫惡寒無大熱骨節微疼小便清利大便自調或

滑者

大陷胸湯

水飲在胸腹而腫者兼用之不拘痛有無也

桃花湯

丸散方

水腫兼用下劑

木防己湯

水病心下痞鞭煩渴者

氣急心下痞堅爲準爲脚氣衝心狀者用之

紀

木防己去石膏加茯苓芒消湯木防己湯症而不煩渴二便不利者

防己黃耆湯

治水病身重汗出惡風小便不利者

防己茯苓湯

治四肢聶聶動水氣在皮膚而上衝者

真武湯

按腫上陷而不起無熱腹濡弱大便滑或澹者

八味丸

腰以下腫者按此丸緩症也氣急之證勿用之

牡蠣澤瀉散

大病後腫者

五苓散

感濕而腫者

要訣

猪苓湯 和田氏用之。

桂枝茯苓丸合五苓散湯 大黃牡丹湯 右二方主產後腫。

本草云。血腫。紅花二兩杵爛入水半盞。取汁服之。不過三服便痊。

鯉魚湯 鯉魚長七八寸者一頭去鱗與腸 昆布方三寸三片 山椒錢一 右以水一升八合。煮

取四合。吞其汁。日食鯉。每日一劑。

赤小豆藥 赤小豆合一 生商陸根二十錢 右二味以水四合煮爛。去商陸

食小豆。

加減麻黃連軀赤小豆湯 治瘡疥內攻腫滿者。依本方去生梓白皮。

加商陸 赤小豆錢二 商陸錢五 大棗錢三 麻黃連軀杏仁生薑各二分

甘草一分 右八味以水二合。煮取六分。或加反鼻。或兼用犀角。

仲呂丸 發寶丸 紫圓 元生丸方家 七寶丸 犀角一老醫云。水腫

心下苦悶者。大橫榔湯四苓散合方有效。或兼犀角。和田氏遍身流腫。

用千金麻子湯。附子劑也。流腫先右手腫。又左足腫之類。不定處。遂及一

身。內攻腫用東洋赤小豆湯。及連翹湯。產後腫用琥珀湯。五苓散加琥珀

反鼻。以水一合。冬瓜汁一合。煎服。水不可治者有五。唇黑。缺盆平。臍出。

背平。足下平滿。水病忌腹上出水。出水者一月死。千金 古云。身有熱者。水

氣在表。可汗之。身無熱者。水氣在裏。可下之。患人腹上用手按之有窩者。

可治濕也。又云。餘處有腫。肩項水氣去。瘦削者。死在近。腹脹如鏡光

者惡。無腫呼吸促迫者惡。腫卒消者。禍在反掌。水腫卒發大熱者。

後必衝心。水氣一旦減，再腫滿者惡。水腫腹見青筋者惡。小言云。水腫有咳者，動悸劇者，自心下催水氣者，脈數者皆惡。準繩云。血腫者，皮膚間有紅縷赤痕，入門云。四肢浮腫，皮肉赤紋，名曰血分。醫林溫白丸方後。血腫，其人有赤黑紫文，用桃仁、紅花、赤豆、蘇木煎湯下。按水腫秘結者，兼用承氣丸及仲呂丸。瘡疥內攻腫滿者，麻黃連軀赤小豆湯。劇者，兼用紫圓、實腫，兼赤小豆藥。虛腫，兼鯉魚湯。虛腫，右側臥則直，左多腫者，必死矣。勞病并諸病，後瘦極而後腫者，必不治。和田氏云。水腫有如拳者在心下，名水結，不治症也。縱一旦得治，亦再發而死。醫林水腫門有輕粉丸、巴豆丸。方輿載單香薷湯及郁李仁湯、紫蘇子湯、麻子湯、麻子小豆湯、連翹湯、赤小豆湯，防己散、琥珀湯、瓜子仁湯、實脾飲。

鼓脹腹滿

厚朴七物湯 腹滿發熱十日脈浮而數，飲食如故。

主腹滿氣脹方。千金

厚朴三物湯 痛而閉者。

梔子厚朴湯 心煩腹滿臥起不安者。廣義云。心煩當做虛煩看。腹滿

亦非實滿。

厚朴生薑半夏甘草人參湯 發汗後腹脹滿者。此亦虛滿也

大承氣湯 腹滿不減，減不足言，當下之。



大柴胡湯 按之心下滿痛者此爲實也當下之

大黃甘遂湯 婦人少腹滿如敦狀小便微難而不渴生後者此爲水與血俱結在血室也

抵當湯

見經

大黃牡丹湯 鼓脹因瘀血者 按方輿載瓜子仁湯牡丹湯去消黃加薏苡湯也其主治云治瘀血致腹滿鼓脹者又云腹脹有塊按之痛不移處口不惡食小便自利大便黑面黃手掌赤紋肌膚甲錯有此等之候者決爲血症也宜擇用下瘀血藥

甘遂半夏湯

見痰飲

人參湯加附子 腹平滿大便滑者

赤小豆藥

仲呂丸

七寶丸

紫圓

鼓脹灸法

梁山孝庵傳

先以味噌填滿神闕別取土器錐鑿小孔於其心以安臍

上熟艾一錢分爲三炷灸於孔上令火氣通臍味噌甚厚則火氣不通甚

薄則灸後臍爛火氣微通爲度徹之一日三回盡一錢艾也灸前須以繩

度腹圍病深者灸後七日腹減五分以爲驗焉至輕者則得減減三寸二

便隨多或下如赤小豆汁者腹滿漸減六七十日外全愈 按此灸法原

出外臺及景岳全書陰症最有效云

雞矢醴

醫林

治鼓脹

雄雞矢

臘月內收取晒乾

川芎

各研末各一兩

右酒煮麵糊丸梧

子大每服五十丸溫酒下

一方同

治鼓脹身乾黑瘦多渴煩悶

馬鞭草

細剉曝乾勿令見火

以酒或水煎至味出去相溫服

六月

皂莢主腹脹滿胸腹脹滿煨研丸服取利甚妙

本

金匱曰病者腹滿按之不痛爲虛痛者爲實可下之

畜血成脹腹上青

紫筋見或手足有紅縷赤痕小水利大便黑金匱下瘀血湯或抵當丸

服

古云鼓脹臂細臍凸手足心及背平滿青筋繞腹皆不治手足羸瘦

腹膨脹者名蜘蛛蠱不治脈浮大者生虛小危急按本草云水銀治

積滯鼓脹宜用七寶丸大抵脹滿腹高脹者宜下劑腹平滿者有可附子

者兼灸或一醫云脹滿初發用大黃甘遂湯有效又云初起用生漆丸身

體生瘡發疹後可用桃核牡丹湯等或有愈者病因考鼓脹門治方用

熊膽灸自九至十六方輿載瓜子仁湯及分消湯壯原湯

### 黃疸

茵陳蒿湯 黃疸初起宜用此湯 茵陳五苓散

梔子蘗皮湯 身黃發熱者

梔子大黃湯 酒黃疸心中懊憹或熱痛

大黃消石湯 黃疸腹滿小便不利而赤自汗出此爲表和裏實當下之

小柴胡湯 諸黃腹滿而嘔者

大柴胡湯 前方證而劇者

服

小建中湯 男子黃小便自利心中悸而煩或腹痛者主之

服

桂枝加黃耆湯 諸病黃家但利其小便假令脈浮當以汗解之 黃疸

有表症者用之。見經

麻黃醇酒湯 按本草綱目麻黃條載此湯方後云頓服取小汗同書黃疸門云麻黃傷寒發黃表熱煎酒取汗由是考之金匱脫取汗二字宜補之 三因此湯主治云脈浮緊者以汗解之

紅礬丸

家方見黃汗經云黃疸心下痞堅者兼用之

消礬散

療黃疸方

千金

取生小麥苗搗絞取汁飲六七合晝夜三四飲三四日便

愈無小麥苗積麥苗亦得

范註三月小麥苗勝也

四逆湯加茵陳

醫名錄  
東四逆湯

一物瓜蒂湯

備急圓

大承氣湯

以上三

方主急黃

病源急黃候云卒然發黃心滿氣喘命在頃刻故云急黃也又云得病但發熱心戰者是急黃也外臺瓜蒂散主治云急黃心下堅硬渴欲得水嗅氣息喘鼻眼黃聖濟瓜蒂散主治云急黃煩熱口乾醫林急黃用巴豆丸聖濟治急黃藥品有瓜蒂巴豆消黃犀角石膏按外臺許仁則療急黃始得大類天行病者用麻黃劑取汗

金匱云額上黑微汗出手足中熱薄暮即發膀胱急小便自利名曰女勞疸腹如水狀不治疸而渴者難治疸而不渴者其疸可治心中懊憹而熱不能食時欲吐名曰酒疸酒疸心中熱欲吐者吐之愈瓜按等穀疸之爲病寒熱不食食即頭眩心胸不安久久發黃按茵陳傷症五疸實熱脈必洪數其或微瀉證屬虛弱丹溪曰不必分五等是溫熱

如蠶麤相似。

五疸久久變黑者皆難治。

大便利而渴者死小便

利不渴者生。

按黃疸腹中有塊者年過五十者多難治。

黃胖

茯苓飲加厚朴湯

四苓散加橘皮湯

梔子厚朴湯

腹滿者

紅礬丸

方家

治黃疸黃胖并嬰孩疳氣好食生米土炭及下血家動悸甚

者

茯苓飲去人參生薑加厚朴黃連綠礬

茯苓 朮 橘皮 厚

朴

黃連

各八錢

綠礬

燒赤紅

枳實

六錢枳實代甘草益佳

右七味爲末醋糊爲丸

梧子大每服七八十丸白湯下

身面黃白浮腫手足爪甲枯皺專爲短氣身體倦怠目中淡白此病以首

認氣急爪反爲第一證決卽是黃胖也

行餘

此病好食生米茶葉之類

又云腫及四肢者腫及腹者飲食減少者皆難治又云黃腫多因蟲積食

積之爲害也

王

按黃胖一名黃腫久不愈則下血虛里動悸甚地黃劑

無效紅礬丸多服大效久年不愈而腫則可從水腫之治法難治方與

載外臺半夏湯及平胃散

癰疽

苓桂甘棗湯

臍下悸者欲作奔豚

按腹滿衝胸者用厚朴

桂枝加桂湯

氣從少腹上衝心者

按世俗所謂志古矣者有效

茯苓甘草湯

厥而心下悸者

心下悸上衝而嘔者

方

苓桂朮甘湯

心下逆滿氣上衝胸起則頭眩

大黃黃連瀉心湯 心煩心下痞按之濡者。

半夏瀉心湯 心下滿而不痛者此爲痞此方主之。

黃連湯 見腹 按心下痞痛者此湯心下痞硬不痛者半夏瀉心湯。

小柴胡湯 大柴胡湯 柴胡桂枝湯 治寒疝腹痛。

柴胡姜桂湯 桂枝加芍藥湯 桂枝加芍藥生薑人參 小建中湯

大建中湯 大烏頭煎 治寒疝繞臍痛若發則自汗出手足厥冷脈

沉緊者。

烏頭桂枝湯 寒疝腹中痛逆冷手足不仁若身疼痛灸刺諸藥不能治。

治寒疝腹中絞痛拘急不得轉側發作有時使人陰縮手足厥逆。

腹引強痛  
厥發緊者效

當歸四逆加吳茱萸生薑湯 內有久寒者 治烏頭桂枝湯證而緩者。

又治陰癰。

大黃附子湯 脇下偏痛發熱其脈緊弦者。

吳茱萸湯 痛從陰囊上衝脇下者 劇者加烏頭。

苓姜朮甘湯 腰重冷者。

仲呂丸 夾鐘丸 元生膏 蟬針 備急圓 七寶丸 化毒丸

行餘醫言云蓋癰即積積即癰同一而非有異又謂之癰癰即聚聚即癰亦是同一而非有異又謂之疝又謂之疝究竟癰癰即積聚之異名耳同書疝門云疝即聚又即癰又云疝者鬱氣之凝滯而爲痛者也多在少腹。

張介賓曰。能大能小。能左能右。近胸肋而如臂如指。則謂之痿痺。下臍腹而爲脹爲急。則爲之疝瘕。方輿載小品牡蠣奔豚湯。及千金瀉脾湯。同書云。寒疝附子粳米湯證。而痛在心胸者。用小品蜀椒湯。附子粳米湯。加蜀椒乾姜方也。又疝氣用附子劑。或當歸四逆等。而無效。腰不伸者。有用五苓散加茴香。而奏效者。又同書疝用禹功散及無憂散。又云。疝忌葷。愈後亦勿食。按凡治心腹痛及諸痛。諸方中有甘草。則勿減甘草分量。甘草少則無效。靈樞本藏篇云。腎下則腰尻痛。不可以俛仰。爲狐疝。聖濟云。疝氣。臍腹疼痛。腰曲不伸。此症食時。及二便轉側之時。假人手甚爲清擾之患。予得妙法。攤元生膏於綿片。徑四寸許。以貼于腰。日二次發水泡。則鍼而取水。復貼膏。二三日而能屈伸。坐臥復故。奇奇妙妙。屢試屢效。久年積聚疝。有脊骨突出。或背肉隆起者。難治者也。治之法。內與對症方。秘結者。時時用丸散下之。外隆起上貼元生膏。六七日。糜爛處施蟬針。去惡血。復施元聖蟬針如前。四五度。則無不愈矣。又久年腹痛。有七寶化毒之證。日本橋第四街。梁州店。老嫗年六十五。患疝。腰不得屈伸。衆治無效。牀頭常置瘦器。扶于人尿已三年。請予。即與當歸四逆加茱萸生姜湯。兼承氣丸。而腰部貼元生膏。徑四寸。日日取毒。七日而半愈。半月而全治。此症元生之功大。蘭醫某詰予曰。子能用發泡膏。蘭書有發泡七方。子知其用法乎。答曰。予所用者。漢方而荒荏一味也。非蘭方也。某曰。未聞漢有此方。其出何書乎。答曰。千金。外臺。聖濟。皆有此方。子何不學之甚。

某閉口去。方輿載牡蠣奔豚湯。及瀉脾湯。柴胡鱉甲湯。寬中湯。當歸大黃湯。千金吳茱萸湯。桂心湯。蜀椒湯。五苓加茴香湯。禹攻散。無憂散。一婦年四十。自每月經行六七日。前左少腹痛甚。呻吟聲徹四隣。經行後六七日而痛漸止。每月廿日在病牀。衆治無效。已十年。請予。予視其背。左腰肌肉僅隆起。方三寸許。乃與當歸四逆加吳茱萸生薑湯兼甘遂丸。腰肉隆起處。貼大元生膏。廿日許而愈。後月不再發。此症元生之功大。橫沙侯臣湯河氏妻也。

蟲

烏梅圓 治蛇厥。

烏梅圓去附子湯 不可附子者。

鷓鴒菜湯

一方 鷓鴒菜錢二 忍冬錢一 桂枝分二 甘草 丁子各一分 右五味。漬水

少時。去渣煮一兩沸。頓服。或以水一合。煮取七合。去渣冷服。

甘草粉蜜湯 蚘蟲之爲病。令人吐涎心痛。發作有時。毒藥不止。

大建中湯 或加烏梅。

烏梅丸方家 烏梅 蜀椒 乾姜各等分

右三味。爲末糊丸。梧子大。每服

四五十丸。白湯送下。

濕漆丸 作癩癩狀者。記

紫圓 七寶丸

靈樞云。中熱則胃中消穀。消穀則蟲上下作。金匱云。腹中痛。其脈當沉。若弦。反洪大。故有蛇蟲。病源云。蛇蟲長一尺。亦有長五六寸。其發動則腹中痛。去來上下。痛有休息。亦攻心痛。口喜吐涎。及吐清水。貫傷心者則死。入門云。凡蟲症。眼眶耳下青黑。面色痿黃。臉上有幾條血絲。如蟹爪分明。飲食不進。肌肉不生。沉重寒熱。若不早治。相生不已。貫心殺人。醫通云。諸蟲嗜食米紙茶葉泥炭之類。又云。心腹中痛。上下往來。發作有休息。喜涎出者。蟲也。按蟲門載金匱九痛丸玄治翁云。小兒夜熱者蟲也。南陽云。唇色如塗朱。眉目間蒼黃色者。爲蟲候。東郭翁云。小兒頭痛劇者。十中八九蟲也。有時大食。有時不食者。時時卒倒者。手足難屈伸者。多蟲症。皆宜鷓鴣菜湯。此湯症多臍傍有塊。凡用此湯則止。夕餐哺時。臨臥。平日三服。七日用之。而不下蟲者。非此湯症也。按腹痛發作有時者。爲蟲候。用鷓鴣菜湯。或粉蜜湯。而嘔者。宜大建中加烏梅湯。或烏梅圓去附子湯。或兼家方烏梅丸。凡相殺蟲諸藥。而蟲難下者。兼用紫圓粉。鉛粉也。藥肆稱唐土者是也。家翁所著粉辨詳論之。方輿載檳榔鷓鴣散。及奧村氏烏梅丸。

癰癩狂健忘驚悸不寐

小柴胡湯 大柴胡湯 柴胡姜桂湯 此三方因腹候用之。健忘或用之。

柴胡龍骨牡蠣湯 胸滿煩驚。小便不利。譫語者。  
桂枝加龍骨牡蠣湯 腹中拘急。動悸劇者。



小建中湯 心中悸而煩者。

大黃黃連瀉心湯 心煩心下痞按之濡者。

瀉心湯 心氣不定心下痞按之濡者。或加朱砂石膏。

黃連解毒湯 喜笑不止者。

白虎湯 狂癪煩渴者。

甘麥大棗湯 婦人藏躁喜悲傷欲哭象如神靈所作數欠伸。

梔子豉湯 虛煩不得眠。

酸棗仁湯 煩躁不得眠者。

鷓鴒菜湯 因蟲者。

桃核承氣湯 抵當湯 右二方因瘀血者健忘或用之。

瓜蒂散 狂癪壯實者。

大承氣湯 醫通發狂去厚朴加鐵落。

石膏黃連甘草加鐵砂湯 主治見急慢驚門加辰砂益佳。

姑洗丸 南呂丸 七寶丸 紫圓 一老醫云狂在五瀉心皆效。古云

癪脈大滑者生沉小緊急者不治熱狂脈實大者生沉小者死。子和狂

癪用吐劑。正傳云癪可吐狂宜下又用水銀劑。要訣入門癪狂用抱

膽圓即水銀劑也。全書發狂用巴豆丸苦參丸。醫通狂用瓜蒂癪用

靈砂丹養生丹皆水銀劑也。方輿發狂狂走用將軍湯大黃一味也。又

用防己地黃湯癱瘓者用風引湯不寐用千金酸棗湯流水湯健忘用歸

脾湯又發狂。古金五兩。以水五合。煮取一合。入朱砂一七服有效。一貫云。癩癰有蛇蟲之候者。鵝鶩菜湯兼用濕漆丸。穢物下蟲亦下者。愈不下者。難治也。癩癰卒厥之時。脈平也。健忘多因瘀血者。扶苓杏仁甘草湯有效。田中氏云。癩癰用三聖散一吐後。用入鉛方有效。不寐。龜井氏用甘草瀉心湯。按行餘醫言。癰病門後。載不食之症云。不食之症云。予所見及餘三十人。多是婦女。而男子只有二三。其症他無所苦。不思飢食。或食麥飯糯米粉。或豆腐屑。云或終日不喫食。餌而不飢。而自數日。至數月。以及數年。然形體不瘠。脈多平緩。間或痞。或痛。若強與之食。必吐。云遇此症以措而不治。乃爲真治法。云予見此症二人。皆婦女也。一人者。好食。食他物則吐。三年而復故。一人者。只飲湯與他食則吐。一年許而復故。皆措而不治。真奇疾也。

勞病 失精盜汗陰痿

小建中湯 治虛勞裏急。悸衄。腹中痛。夢失精。四肢痠痛。手足煩熱。咽乾口燥者。千金云。凡男女因積勞虛損。或大病後。不復常。苦四體沉滯。骨肉疼酸。吸吸少氣。行動喘悒。或少腹拘急。腰背強痛。心中虛悸。咽乾唇燥。面體少色。或飲食無味。陰陽痿弱。悲憂慘感。多臥少起。久者積年。輕者百日。漸致瘦削。五藏氣竭。則難可復振。治之方。

黃耆建中湯 虛勞裏急。諸不足。按大病後。或產後。盜汗不止。加龍骨牡蠣或當歸。

當歸生薑羊肉湯 治腹中寒疝。虛勞不足。按我邦無羊。可代用朝鮮

產乾牛肉。中神氏。以雞肉代羊肉。

桂枝加龍骨牡蠣湯 脈得諸動微緊。男子失精。女子夢交。按發汗後。盜汗不止。不可

附子者。用之量效。

炙甘草湯 治虛勞不足。汗出而悶。脈結心悸者。從千金翼補心字

八味丸 虛勞腰痛。少腹拘急。小便不利者。紀聞云。此方腰痛爲準。今

之虛勞。此方症少矣。冷勞定有效。

小柴胡湯 柴胡姜桂湯 大柴胡湯 三物黃芩湯 麥門冬湯 大

逆上氣。咽喉不利。止逆下氣。

酸棗仁湯 虛勞虛煩不得眠。

加減當歸芍藥散料 去澤加地黃五味麥門。或加參耆桂之類。

顙肝散後附 治冷勞。又主鬼注一門相染。紀聞云。此方勞瘵初發。冷熱

俱用。虛勞不用此方。虛勞者。有裏急腹痛。手掌煩熱等症。瘵者。自初無

如斯症。有脈細數咳嗽吐沫之症。

濕漆丸 治失精久不愈。介壯蠟妙 右一味以酢糊爲丸。桐子大。每五七

十丸。空心溫湯下。

千金云。夢泄精。灸三陰交二七壯。又灸腎俞百壯。

治陰痿 露蜂房。燒研酒服。此方出本草本朝醫考宗嗣經驗。

治自汗盜汗 五倍子錢一 枯礬五 右爲末。用津唾調。填滿臍中。以絹

帛繫縛一宿。即止。又有龍骨五倍子酢調貼臍方。

古云陰虛生內熱。又曰勞傷心腎而得之。心主血。腎主精。精竭血燥。則勞疾生。明醫雜著云。午後發熱。咳嗽盜汗。飲食少進。甚則痰涎帶血。脈沉數。肌肉消瘦。此名勞瘵。最重難治。又曰。到脈細數。則難爲矣。回春云。虛勞不受補者。聲啞者生。眠瘡者。發熱不休。形體瘦者。不治。紀聞云。疝久不愈。爲虛勞狀者。宜歸姜羊肉湯。然我邦無羊。代牛肉。惡牛肉之臭氣者。當歸建中湯。令餌食牛肉佳。方輿輓云。女子十七八歲。經閉爲勞瘵者。金匱大黃廬蟲丸有效。主治中腹滿二字眼目也。又有如此症。用鼈甲芒消劑而全愈者。方輿勞病煩熱者。用五蒸湯。乾血勞。苦煩熱者。用三物黃芩湯。又用本事方。鼈甲五味子地骨皮三味丸。及朝鮮干牛丸。逍遙散。按急勞之名。在聖惠及聖濟。或謂之暴急勞疾。又云。與熱勞相似。半月或一月死。人多不知也。予所見者。月餘而死。聖惠蝦蟆丸治急勞煩熱。蝦蟆一枚。胡黃連三錢。麝香龍腦各一錢。右糊丸。予弱齡治勞病。用輕粉丸日一分。二三日惡症蜂起。不日而死。勞病忌峻藥。慎之慎之。凡勞病內與對症方。宜餌食鰻鱺魚。間有愈者。

肺痿肺癰

桂枝去芍藥加皂莢湯 治肺痿吐涎沫。  
炙甘草湯 治肺痿涎唾多。心中溫溫液液者。  
生薑甘草湯 治肺痿欬唾涎沫不止。咽燥而渴。  
甘草乾姜湯 肺痿吐涎沫而不欬者。其人不渴。必遺尿。小便數。所以然

者。以上虛不能制下故也。此爲肺中冷。必眩。多涎唾。

金匱云。寸口脈數。其人欬。口中反有濁唾涎沫者。爲肺痿。聖濟肺痿門

云。或欲欬不得效。欬則出乾沫。胸中隱隱痛者是也。回春云。無膿者。肺

痿也。外臺蘇遊。傳屍論云。氣急欬者。名曰肺痿。良方劫勞散證治云。

勞嗽。寒熱盜汗。唾中有紅線。名曰肺痿。由是觀之。肺痿者。爲勞病一症可

徵。香川氏丹波氏南陽亦云。

本草云。諸魚肺痿咳血有效。

桔梗湯。加苡薏尤效。欬而胸滿。振寒脈數。咽乾不渴。時出濁唾腥臭。

久久吐膿。如米粥者。爲肺癰。桔梗湯主之。千金作桔梗三兩。今從之。

子和依此方。加薏苡糯米。正宗依此方。加貝母紫苑杏仁。名四順散。

桔梗白散。主治同桔梗湯葶藶湯。效有微熱。煩滿胸中甲錯。是爲肺

癰。

葶藶大棗瀉肺湯。肺癰喘不得臥。

犀角。鯉魚膾。正宗有犀角。鯉及金鯉湯。薏苡仁粥。代飯日食之。乾柿。宜日食之。

一男兒六歲。患肺癰。吐膿血。與桔梗湯加薏苡。兼犀角。每日令食薏苡仁

粥及鯉魚膾。乾柿十餘日。膿血日減。月餘而全愈。栗山先生患肺癰。服

黃昏湯而全愈。黃昏合歡木也。用皮而佳。此方出千金及外臺。黃昏手澤大

右一味以水二合。煮取一合服。方與肺癰用薏苡根搗汁。頓熱服之。其

效最捷。已潰未潰。皆可挽回。諸方不及也。又云薏苡爲肺癰專藥。根汁最

效。可轉元一方同治肺癰。蘆荈芽。大甘草。中右二味濃煎服。又方

尊生乳三糊丸。七日服。

金匱云。欬即胸中隱隱痛。脈反滑數。此爲肺癰。欬唾膿血。

按枯梗湯主治也。

潘

氏續論。試肺癰法。凡人覺胸中隱隱痛。欬嗽有臭痰。吐在水內。沉者是癰。膿浮者是痰。集義云。今驗果如其言。又以雙箸斷之。其斷爲兩段者是膿。其粘著不斷者是痰。亦一試法也。醫通云。肺癰初起。脈不宜數大。潰後最忌短澀。脈緩滑面白者生。脈弦急面赤者死。若潰後大熱不止。胸中隱痛。痛在左畔。喘汗面赤。膿痰腥穢不已者。難治。若喘鳴不休。唇反咯吐膿血色如敗油。臭異常。飲食難進。爪甲紫而帶彎。手掌皮如枯樹。面艷頰紅。聲啞。鼻爛者。不治。按肺癰五十以上者。難治。一書云。一老儒患肺癰。用正宗金鯉湯。全愈。方輿初用四順散。或錄驗桔梗湯。後用葦莖湯。或黃昏湯。

腸癰

大黃牡丹皮湯。腸癰者。小腹腫痞。按之即痛。如淋。小便自調。時時發熱。自汗出。復惡寒。其脈遲緊者。膿未成。可下之。當有血。脈洪數者。膿已成。不可下也。

薏苡附子敗醬散。腸癰之爲病。其身甲錯。腹皮急。按之濡。如腫狀。腹無積聚。身無熱。脈數。此爲腸內有癰膿。

排膿散。排膿湯。

大黃牡丹湯。去消黃加薏苡湯。即千金腸癰湯也。

伯州散 按陽癰外潰者。陽癰湯兼伯州。或桂枝丸料。加薏苡黃耆。若盜汗出者。耆歸建中。或附子劑等。餌食。鷄卵。鰻鱺。鯽魚。重者。宜託外科。千金云。腸癰之爲病。小腹重而強抑之則痛。小便數似淋。時時汗出。復惡寒。其身皮皆甲錯。腹皮急。如腫狀。其脈數者。少有膿也。其脈遲緊者。未有膿也。甚者腹脹大。轉側聞水聲。或繞臍生瘡。或膿從臍中出。或大便出膿血。入門云。癰生小腸分尤可。大腸分近肛門者。難治。肛門破者。卽死。正宗云。潰後膿腥臭穢。或流敗水濁瘀。虛熱更增。不食者死。本草云。薏苡仁。冬瓜仁。甜瓜仁。皆治腸癰。敗醬除癰腫。黃耆除腸胃間惡血。皂角刺治腹內血瘡。

### 諸失血

瀉心湯 心氣不定。吐血衄血。心下痞爲準。九竅出血皆用。輕者加地黃。重者加生地黃汁。

黃連解毒湯 瀉心湯症而重者。尿血重者亦用。

小柴胡湯 或加連。諸失血。胸脇苦滿者。

麥門冬湯 或加地黃或石膏。治咳血并血症後上逆。

柏葉湯 吐血不止者。吐血用諸方不止者。下血不止者亦效。馬通汁代童便佳。

黃土湯 下血先便後血。此遠血也。亦主吐血衄血。不拘先便後血而可也。吐衄血共脈緊者。有此湯之症。又崩漏脈緊者。用之有效。

猪苓湯 治尿血重者兼用黃連解毒湯尿血無痛血淋有痛治方一也

芎歸膠艾湯 香川氏吐血效血尿血用之

桃核承氣湯 治吐血覺胸中氣塞上吐紫血

世毒

童便 褚氏遺書云效血飲洩瀉則百不死又集解云治效血吐血及

產後血暈陰虛久嗽火蒸如燼昔者一醫患吐血百治無效日服童

便五合月餘而全愈

犀角 治吐血衄血下血

時珍

紅礬丸 治久下血面色青黃動悸劇者

荊芥湯 金方 治九孔出血荊芥一味煎服鼻衄不止用之

方

治下血奇方 亂髮霜 每服五分白湯下日三

聖濟唾血不止蒲黃一味研細每服三錢七冷水調下吐血門有單人

參散 治衄血龍骨末五倍子末枯礬少許各一味吹鼻中食治門治

吐血用大豆濃煎汁治下血又食野猪肉舌上出血黃栢一味爲散每

服二錢七正傳舌上出血如線槐花炒末摻之又蒲黃炒焦傳之諸

失血皆是陽盛陰虛悉宜四物湯加知栢爲主治治衄血灸大椎啞門

二三壯方輿灸法治下血無度脊中對臍一穴五壯或十壯衄血亦可

又灸足三里二穴古云失血大概俱是熱症脈宜沉細設見洪大後必

難治要訣吐血嗽血用養正丹靈砂丹皆水銀劑也山脇氏和田氏

吐衄咳血用參連湯謙齋曰專音聲人吐血者多有焉和田氏云大



吐血其血不止者。或昏暈者。俱灸鳩尾穴。其艾大如中指頭。數百壯。開其閉塞。血能止。數得效。又云失血瀉心湯加荊芥一二錢。大效。又云大吐血症。用麥門冬湯。加連石膏。屢得效。五竅出血。以井花水。當面連噴幾口。急分開頭髮。用粗紙數層。蘸醋令透。搭在顙門。其血即止。一書云。明礬治諸失血。每服半錢。大麥煎湯送下。多用則嘔。少許度度可用。又蘭書有明礬血竭二味方。蘭書云。吐血出於肺者。胸中微痛而熱。口中甘。咽喉中痒。咳血。其血必爲泡沫。甚則立死。血線亦出於肺。惡候也。吐血出於胃者。惡心而吐血。血反多。其色黯赤。凝結。與食物交出。其血不爲泡沫。此症無不愈矣。醫言云。吐血從胃脘逆升。上出於口也。衄從頭中滲漉。下流道出於鼻也。吐血逆上。故多死。衄順下。故死者至希。古人並稱吐衄俱爲劇症者非矣。方輿親云。吐血後。惡心嘔吐者。瘀血在內未盡也。又瀉心湯。治九竅出血。拔萃加生地黃犀角。名犀角地黃湯。按吐血後。不寐。黃連阿膠湯有效。又吐衄血不止。茅花加甘草少許。煎服有效。此方在外臺。又蒿雀霜亦有效。要訣衄血。用單茅花湯。山脇氏二白湯。治吐血。唐白及白茅根二味。水煎服。方輿載獨參湯。及參連湯。犀角地黃湯。

### 痰飲咳嗽

大青龍湯 小青龍湯 病溢飲者。當發其汗。大青龍湯主之。小青龍湯亦主之。

小青龍加石膏湯 肺脹欬而上氣。煩躁而喘。脈浮者。心下有水。咳嗽

吐白沫。殆欲成勞者。又喘哮多用之。

越婢加半夏湯 咳而上氣。此爲肺脹。其人喘。目如脫狀。脈浮大者。乾

咳者。又哮喘多用之。

射干麻黃湯 欬而上氣。喉中如水雞聲。外臺水上。有如字。

皂莢丸 欬逆上氣。時時唾濁。但坐不得臥。痰粘著胸中難出者。

麥門冬湯 大逆上氣。咽喉不利。止逆下氣者。聲啞者效。

麻黃甘草加杏仁生薑湯 治風寒咳嗽多痰。語音不出者。麻甘杏三味等分生薑減半。傷

風咳嗽。語音不出者。先服此湯取微汗。熱解後。語音不出者。服麥門冬

湯。

甘遂半夏湯 病者脈伏。其人欲自利。利反快。雖利心下續堅滿。此爲留

飲欲去故也。利反快與心下堅滿爲準。

十棗湯 脈沉而弦者。懸飲內痛。病懸飲者。欬家其脈弦爲有水。

夫有支飲家。欬煩胸中痛者。夫心下有留飲。其人背寒冷。如手大。

此諸症之中。有一症則宜用此湯。

姑洗丸 十棗湯證輕者。

木防己湯 膈間支飲。其人喘滿。心下痞堅。面色黧黑。其脈沈緊。得之數

十日。醫吐下之不愈。木防己湯主之。虛者即愈。實者三日復發。復與不

愈者。宜木防己湯去石膏加茯苓芒消湯主之。

苓桂朮甘湯 短氣有微飲。當從小便去之。

扶苓飲 治心胸中有停痰宿水。自吐出水。後心胸間虛氣滿。不能食。消痰氣。令能食。吐宿水爲準。

枳朮湯 心下堅大如盤。邊如旋杯。水飲所作。此湯症按腹則轉轉有聲。此湯效遲。或兼用甘遂半夏湯。紀

小柴胡湯 柴胡姜桂湯 四逆散 此三方久咳或因腹候用之。

苓桂五味甘草湯 苓甘五味姜辛湯 苓甘姜味辛夏湯 苓甘姜味

辛夏仁湯 苓甘姜味辛夏仁黃湯

以上五方咳嗽無表症者可用之。金匱證治有可疑者。宜從方極主治。

真武湯加乾姜細辛五味子 水飲與裏寒合而作嗽。腹痛下利。直指

瓜蒂散 子和痰飲咳嗽用之。

南呂丸 秘結者兼用之。

七寶丸 紫圓

金匱云。其人素盛今瘦。水走腸間。漚漚有聲。謂之痰飲。飲後水結在脇下。欬唾引痛。謂之懸飲。飲水流行。歸於四肢。當汗出而不汗出。身體疼重。謂之溢飲。欬逆倚息。短氣不得臥。其形如腫。謂之支飲。夫心下有留飲。其人背寒冷如手大。胸中有留飲。其人短氣而渴。四肢歷節痛。膈上之病。滿延欬吐。發則寒熱。背痛腰疼。目眩自出。其人振振身瞤劇。必有伏飲。按後世以痰懸溢支留伏爲六飲。方輿載厚朴麻黃湯。澤漆湯。清肺湯。百合知母湯。三拗湯。紀聞曰。將成勞咳者。用小青龍加石膏湯有效。痰

邪解後。或瘧後。咳嗽不已。巨里動悸劇。將成勞狀者。百合知母湯有效。世稱痰瘤者似瘰癧。內用滾痰散。外用傅藥。其方大黃、芒消、五倍子、天南星各等分。南星生則大效。要訣咳用犀角、鹿茸、胡桃。諸嗽加喘。氣急者。用水銀劑。治三十年嗽。金百部根二十斤搗取汁。煎如飴。服方寸匕。日三服。深師加蜜二斤。外臺加飴一斤。治咳嗽不止。必效方生薑五兩。錫半升。火煎熟食。盡瘵。段侍御用之有效。又千金有姜汁砂糖方。治失音不語。晉萊菔汁入姜汁服。

喘哮

桂枝加厚朴杏子湯

小青龍加石膏湯 欬而上氣。煩躁而喘。脈浮者。心下有水。

大青龍湯 喘有表症者。

麻杏甘石湯 喘惡寒止者。

越婢加半夏湯 欬而上氣。此爲肺脹。其人喘。目如脫狀。脈浮大者。

醫宗必讀云。一令愛久嗽而喘。百治無效。一日喘甚。煩躁。余視其目則脹出。鼻則鼓扇。脈則浮而大。肺脹無疑。以此投之。一劑而減。再劑而愈。

射干麻黃湯 喘已作咳者。

木防己湯 心下痞堅。氣急者。

皂莢丸 哮喘不得臥者。

南呂丸 姑洗丸 七寶丸

紫圓

化毒丸

救喘丸

方家

治哮喘用

苧麻根和砂糖爛煮時時嚼嚥下。永絕病根。又用貓兒頭骨燒灰酒調二  
三錢。一服便止。正傳

上氣喘嗽。沙糖姜汁煎嚥。

又喘息欲絕。飲韭汁一升。本

哮喘輕粉丸有效。言小

喘脈宜浮遲。不宜急疾數。直視譫語。喘滿者不治。正傳凡喘作於大病之

後者。上喘咳而下泄瀉者。婦人產後因亡血過多者。多危殆。醫統方輿載

千縉湯。及參連湯。喘四君子湯。

### 眩暈

苓桂朮甘湯 心下逆滿。氣上衝胸。起則頭眩者。頭眩發作有時為暈

澤瀉湯 心下有支飲。其人苦冒眩者。頭眩不止為準。

五苓散 臍下有悸。吐涎沫而顛眩。此水也。夏日眩有效。

小半夏加茯苓湯 卒嘔吐。心下痞滿。間有水眩悸者。嘔吐而眩者效

應鐘散 秘結者兼用之。

眩暈不可當者。以大黃酒炒為末。茶清調下。正傳

苓桂朮甘湯合瀉心湯 治失血後并產後眩暈。

當歸芍藥散料中。三倍芍歸煎服。兼用回生散。

真武湯 此湯症希有焉。

南陽云眩暈。白虎湯有效。

元生膏方家 貼百會。

聖濟有灸百會塗蓖麻子取膿血之法。此元生爲勝。要訣用靈砂丹。

大便閉

三承氣湯 隨證用之。

麻仁丸 或爲湯加桃仁。

蜜煎導 承氣丸 三黃湯 或加甘草煎服。

按平生秘結之人。大黃甘草湯加芍藥爲散服。或煉蜜服。芍黃散。煉蜜服亦佳。

甘遂丸 輕粉丸 巴豆丸 聖惠治大小便閉。脹悶欲死。

輕粉錢一 生麻油合一 相和服。

本草燥結門。治冷閉。附子爲末。蜜水服。按是希有之證。若有此症。則宜

與對證附子劑。聖濟謂之冷秘。即用附子劑。

方輿載宣明論倒換散。大黃荆芥二味也。

小便閉

猪苓湯 加車前子或滑石。桃核承氣湯。

八味丸 產前後小便閉用之。

施整胎術。泄閉術。男子脈緊者。或用之。

大黃甘遂湯 治小便閉。劇證。

黃丹膏 黃丹錢十 巴豆錢五 右二味先研巴豆。內黃丹加蜜少許。相和

塗紙貼臍下一寸五分

六物解毒加反鼻湯 治微毒家小便閉 方中十倍土茯苓三倍大黃

加反鼻二錢以水二合五勺煮取五勺頓服累用累驗土茯苓上品細剉用

治小便不通方 朴消一味細研爲散每服二錢七酒調下

治小便不通臍下急痛脹悶欲絕 鹽二升右一味鎔中炒令極熱布帛

裹熨臍下以小便通快爲度

古云小便閉皆宜吐之以提其氣氣升則水自降 丹溪云吾以吐通小

便用瓜蒂之類

聖惠轉胞條入味丸治小腹急痛不得小便

又云以蒲黃裹患人腎令頭至地二度即通

小便閉人正散有奇效倒換散亦有效梅毒家小便閉亦人正散有效

淋

猪苓湯加消石湯 治諸淋并膿淋血淋加車前子或浮石

大黃牡丹湯加反鼻

六物解毒加阿膠滑石湯 治膿淋小便赤澀莖中痛者

土茯苓上品細剉二錢 通草 忍冬 川芎 滑石 阿膠各七分 大黃 甘

草各三 右八味以水三合煮取一合半內膠烱盡分溫服忌海腥煎

炒鹵鹽房事等件一日服三劑盡不愈者加至四五劑至重者七倍土

茯苓三倍大黃倍餘藥。加反鼻二錢。以水四合。煮取二合五勺。再以水三合半。煮取二合。俱合和。空心一日一夜服盡。雖膿淋至重者。用此湯七日而無不奏效矣。若或大勢已解。莖中有痛者。日用七寶丸一分許。七八日而無不愈者矣。屢用屢驗。服藥中宜日食鷄卵三四枚。鷄肉愈佳。此先輩之試驗也。

黃連解毒湯 治血淋

桃核承氣湯 大黃甘遂湯 諸淋秘結少腹滿者兼用之

承氣丸 七寶丸

崔氏療尿血方 大黃

末芒消

末各半七 右二味冷水和頓服之立止

治熱淋

聖 消石一味研細蜜水服

惠美氏方書淋門有猪苓湯加附子此方冷淋定有效按淋疾小便赤澀莖中痛者用猪苓湯或加車前子大黃出膿者猪苓加消石湯血淋猪苓湯加浮石或兼用承氣丸不愈者用黃連解毒湯或因腹候兼用桃核承氣湯世所謂自徵毒來膿淋者用加味六物解毒湯或大黃牡丹湯兼用輕粉丸古云淋疾脈盛大而實者生虛細而瀉者死方輿載入正散通天再造散一貫云遺尿者臍上一二寸右之方有凝結者用縮泉散則自消消則遺尿亦愈縮泉散方鷄屎二錢桂枝五分右二味爲末酒服方寸匕日三灸十六俞章門凡腰部佳入膠尤良灸七日而大抵愈本草鷄屎燒灰一味酒服又淋疾膿出者海浮石燒爲末溫酒服一錢日二有



效。一婦人年三十患腰淋小便。晝夜四百餘行。尿道痛甚。號泣聲徹四隣。且經閉二年。常坐臥草蓐之中。易醫廿二人。而不治三年。請余。余卽與加味六物解毒湯。七倍上品土茯苓。三倍餘藥。加反鼻二錢。濃煎一日服盡。七日而經水下。四五日痛漸緩。尙用前方。通計二十八日而痊。去草蓐坐臥如常。而尿道痛不全治。又日與七寶丸一分。十日許而全愈。

### 消渴

白虎加人參湯 大渴。舌上乾燥而煩。欲飲水數升者。

麥門冬加石膏湯

調胃承氣湯 中消消穀。善饑不甚渴。小便赤數。大便硬者。入消穀爲準。腎氣丸 男子消渴。小便反多。以飲一斗。小便一斗。紀聞云。此症小便

生泡如膏。入門云。小便混濁。如膏淋然。

栝蒌瞿麥丸 小便不利者。有水氣。其人若渴。一老醫曰。入夜舌乾。不

得眠者。經久必爲消渴。宜用此煉蜜緩緩服。

文蛤散 非文蛤亦可用。常之海蛤。煎用大効。

炙甘草湯 加黃連知母。或黃耆鹿角。

繅絲湯 治三焦渴如神。

如無繅絲湯。却以原蠶繭殼絲煎湯代之。大効。

治消中。日夜尿七八升者。千金鹿角炙令焦。末以酒服五分。日三。漸加至

方寸七。

蝸牛散

蝸牛燒存性

燒存

右爲細末。每日一錢。至一錢五分。白湯送下。

妙伯益三

治渴利。小豆汁方。

聖藥

小豆不隔多少

右一味。水煮熟。攪爛。細布絞取汁。不拘時

頻服。

消渴有蟲者。苦楝根皮。焙乾。入麝香少許。水煎空心服。

本

本草云。

小麥作粥飯食。

薏苡仁煮汁飲。

田螺煮汁飲。

蜆并田螺

浸水飲。

冬瓜汁。

梨汁。

藕汁。皆治消渴。

天花粉者。治消渴之聖藥。

正傳

天花粉餅。代飯日可食。

消渴三禁。飲酒。房室。鹹食。

金干

岐伯曰。脈實。病久。可治。脈弦小。病久。不可治。

正傳

方輿載生津湯。其方自外臺來。麥門。黃耆。栝蘂。甘草。人參。黃連。牡蠣。地黃。

知母。右九味。或加石膏。

紀聞云。或用千金鉛丹散。其方鉛丹。胡粉。甘草。

澤瀉。石膏。栝蘂根。白石脂。赤石脂。人味等分爲散。每服二錢。水調下。日三

夜一。鉛丹久服。腸痛則宜減之。

中風

瓜蒂散

五十以下偏枯。痰涎滿胸者可吐之。腹氣不堅實者決不可與。

吐方

按正傳獨聖散。則一物瓜蒂散也。其主治云。治諸風痰盛。及諸癰。痰飲。

壅滯等症。

藜蘆湯 治證同前。

吐方考云。藜蘆華產爲可。尤多毒用之。若二分。若三分。田中氏云。中風用此湯。功勝於瓜蒂。

備急丸 卒中風口噤者。

按全書。解毒雄黃丸。主治云。治中風牙關緊急。及痰涎咽喉腫閉。牙關緊閉。開口灌下。予用備急丸。其功同於雄黃丸。

瀉心湯 附子瀉心湯 大柴胡湯 小建中湯

四逆散加乙切草 家翁用之。

大青龍湯 古今錄驗續命湯 治中風癱。身體不能自收。口不能言。冒

昧不知痛處。或拘急不得轉側。不遂痰喘有熱爲準。

烏頭湯 半身不遂。及左右手足。蛇蟻者。烏頭湯微汗之。門入 中風自汗

來者。脈多緊也。用之。

葛根加朮附湯 桂枝加朮附湯 眞武湯 振振搖者。

人味丸 南呂丸 十棗湯 姑洗丸

控涎丹主治云。治痰涎留在胸膈上下。變爲諸病。或頸項胸背。腰脇手足。膊臂隱痛不可忍。筋骨牽引釣痛走易。及皮膚麻痺。似乎癱瘓。不可誤作風氣風毒及瘡疽施治。又治頭痛不可舉。或睡中流涎。或咳唾喘息。或痰迷心胸。並宜此藥。數服痰涎自失。諸疾尋愈。按控涎丹。原出聖濟。名趁痛丸。治風毒走注疼痛方也。三因名之控涎丹。控涎十棗二

方所主治略同。只有輕重之分耳。十棗之輕者。用控涎。控涎之重者。用十棗而可也。

大承氣湯 食厥者。

重者兼備急圓 腹滿爲準。

桃核承氣湯 因瘀血者。

濕漆丸 同前

黃耆桂枝五物湯 身體不仁。如風痺狀者。按此湯勿減生薑。減則無

効。

七寶丸 按要訣。中風昏沉。不省人事。痰涎壅盛者。用養生丹。予用此丸。

元生膏 蟬針

中人半身不遂。而精神如故。不如癱者。內用對症方。外貼此膏於不遂之手足六七七日。糜爛處。施蟬針。去惡血。復貼膏。施蟬針。如斯二三月施治。則病十治八九。病人倚杖緩步。而行三四里。大効。

治三年中風。

千金

松葉一斤。細切以酒一斗。煮取三升。頓服。汗出立瘥。

治中風不語。

服本

大豆煮汁。煎調如飴。含之并飲汁。又殭蠶七枚。爲末酒

服。

炒豆紫湯

服本

治中風口噤。用烏豆五升。清酒一斗。炒令烟絕。投酒中。

待酒紫赤色。去豆量性服之。按千金大豆紫湯。豆淋酒。聖濟大豆酒。

皆同方也。千金云。中風口喎。日服一升。破傷風。產後痙病。并諸病。服之。

大効

白礬散

聖濟

治中風舌強不得語。

白礬

生用

桂枝

各二兩

右二味搗羅爲

散每服一錢匕安舌下有涎吐出卽語。

韭汁

治中風失音。

日華

竹瀝湯

千金

治四肢不收心神恍惚不知人不能言。

竹瀝

二升

生葛汁

一升

生薑汁

三合

右三味相和溫暖分三服平日日晡

夜各一服

又有荆瀝竹瀝姜汁三味等分方

又治中風口噤不知

人者方服荆瀝一升又方服淡竹瀝一升

卒中風口噤不得開灸機關

千金翼名類車

二穴穴在耳下八分少近前灸五壯卽

得語。

回生散

家方

治中風口噤

每服二錢酒送下又荆芥薄荷等分煎服有奇效。

一醫云中風風引湯有效凡初中時昏沉口噤不能進藥急以生半夏

末吹入鼻中或用通關散搐鼻內提起頭髮立甦有嚏可治無嚏不可治

或急以手指掐刻人中卽醒其或不醒者急以三稜針刺手十指甲角十

井穴搯去黑血就以氣針刺合谷二穴人中一穴覺稍醒卽多灌香油或

加麝香一二分或姜汁亦可。

世濟

初病暴仆昏悶不省人事或痰涎壅盛舌強不語兩寸脈浮大而實急用

吐法人迎脈緊盛或六脈浮盛者急續命湯表之。大法中風脈浮遲者

言急疾者凶。正傳

若中人髮直吐清沫。搖頭上攢面赤如粧。汗綴如珠。或

頭面赤黑。眼閉口開。手撒遺尿。聲如鼾睡。俱不可治。要訣

山東泮云。中風

者。心胸間蓄熱也。宜石膏劑。按中風有鼾者。脈浮大。痰涎壅盛者。遺尿

者凶兆。後藤氏用反鼻酒。載附錄。方輿載通關散。參連湯。滌痰湯。無

憂散。反鼻酒。

脚氣痿躄

越婢加朮湯 治下焦脚弱。脈浮惡風。無大熱爲準。

越婢加朮附湯 按千金。越婢湯卽此方。主治曰。治風痺脚弱方。方後云。

覆取汗。

烏頭湯 治脚氣疼痛。不可屈伸。煎法可從大烏頭煎。方

八味丸 治脚氣。上入小腹不仁。

桂枝加朮苓附湯 以上之五方。無衝心狀者用之。

木防己湯 同去石膏。加茯苓。消湯。此二方中加吳茱萸。氣急。心下

痞堅。有衝心狀者。用之。兼用仲呂。紫圓。紫圓等。

吳茱萸湯加橘皮。紫蘇湯。半夏厚朴加吳茱萸。橘皮湯。乾濕脚氣。氣

急而胸動劇者。將衝心之兆也。撰用右二方。脚脛施蟬針。時時用紫圓

一二分。或三四分。下之。則無不愈矣。若小水短少。胸膈滿悶。短氣喘息。

嘔吐者。是衝心也。宜決意用紫圓一錢。蟬針。足上廉。下廉。絕骨。承山。之近所。不拘經穴。除動脈并禁刺穴。寒痺

處悉施蟬針。出血出紫黑血者尤有效。血止即診。巨里動則安定也。此爲驗。大抵一日兩腳水蛭十五枚許爲限。日日施之。四五日或六七日而止。妙不可言。

元生膏 冬春此膏代蟬針。

犀角 毒氣攻心煩悶者。

每服五分。日二或三。

仲呂丸 紫賓丸 紫園 七寶丸 赤小豆藥 灸入所。

金干

生薑湯 治脚氣胸滿吐逆不下食。或吐清水涎沫。 生薑 五兩 右一

味絞取汁。煎令熟。每服半合。以熟湯半盞調勻服之。

治脚氣衝心悶亂不知人。 林 大豆一升。水三升。濃煎取汁。頓服半升。如未

定。可更服半升。

松葉酒 方見中風 治脚氣骨節疼痛。

虎骨酒 治脚氣差後腰脚不遂者。 生地黃 十六錢 牛膝 七錢 桂枝木瓜

虎脰骨 各五錢 蝮蛇 二錢 右六味。漬醇酒八合。三日去渣。每飲一杯。日二

夜一。

或曰脚氣衝心。金匱風引湯有效。

要訣云。脚氣喘急者。此係入腹。仍佐以養生丹。 水銀

銕也

楊大受云。脚氣是爲壅。治當以宣通之劑。使氣不長成壅也。壅既成而盛者。致惡血而去其重勢。外臺云。脚氣脈三種。以緩脈爲輕。沉緊爲次。洪

數者爲下。

方輿載大小檳榔湯。木某湯。檳蘇湯。外臺犀角湯。大檳榔湯。

方。檳榔

六分

生薑

錢一

橘皮紫蘇木瓜吳某黃

各五分

右六味以水二合。

煮取一合。

或曰檳榔末用則大效。

按聖惠方此方加木香少許主治

云治脚氣衝心煩悶喘促凡乾濕脚氣巨里動甚者將衝心之兆也禁附

子劑犯之必殺人宜用吳某黃消黃甘遂巴豆等下之脚氣嘔吐有半夏

無效者或用犀角無效者將衝心用紫圓一錢大效脚氣氣急之症初脚

脛數所施蜚針出血則衝心氣急之候脫然去此予所經驗也又痿躄

者脚脛有毒也三陰交絕骨邊貼元生膏有效輕者灸亦效內用對症方

不可附子者用黃耆桂枝五物湯方中勿減生薑南茅街米商伊勢屋喜

兵衛主管某年二十三脚氣一身洪腫巨里如奔馬滿悶短氣嘔吐不下

食大小便不通衆醫辭去予與水銀三錢小便通一合許前證如故復與

元生丸小便利亦一合許而無驗決意與紫圓一錢吐瀉二十餘行下蛔

蟲五條前證頓退調理二十日而全愈京橋五郎兵衛街紙戶伊勢屋

作兵衛主管嘉兵衛年二十一患脚氣腫滿始無衝心之狀予與木防己

去石膏加扶苓芒消湯六七日一朝衝心氣急嘔吐甚與紫圓一錢暫時

而吐復與紫圓一錢吐瀉十七八行下蛔蟲六條前證頓退復與木防己

湯二十日而全愈

痛風 腳膝風

桂枝附子湯

甘草附子湯

風濕相搏骨節煩疼掣痛不得屈伸近之



則痛劇汗出短氣小便不利惡風不欲去衣或身微腫者。

痛風大抵此湯症多有焉。

烏頭湯 病歷節不可屈伸疼痛。脈緊者用之。

桂枝芍藥知母湯 諸肢節疼痛身體尪羸脚腫如脫頭眩短氣溫溫欲

吐。肢節疼痛爲準。鶴膝風或加當歸川芎。

葛根加朮附湯 越婢加朮附湯 麻黃加朮湯 不可附子者。

越婢加朮湯 同前

古今錄驗續命湯 姑洗丸 治風毒走注疼痛。聖

七寶丸 痛風有不宜附子劑者。初用麻黃加朮等。六七日熱解後。後膝

氏解毒劑兼用七寶丸。

蒸劑方家 蓮葉 苦蕒忍冬各等分

右三味盛袋以水一升許。煮令熟。狹于

板紋以熨痛處。加烏頭益效。按痛風劇症。遍身走痛。如刺日夜不眠。

叫號聲徹四隣者。雖內用烏附劑。非外用蒸劑。則不能就眠。晝夜熨之。

六七日。則大勢已解。而病人能睡。至此休蒸劑。又服前方數日。痛不全

去者。兼服七寶丸一分或二分。七八日而無不愈者矣。

反鼻酒 松葉酒 蟬針 元生膏 治歷節風痛。獨活 羌活 松

節各等分 用酒煮過服。外

又方川木通二兩 水煎頻服。服後一時許。遍身發痒。或發紅丹。勿懼。遍身上

下。出汗即瘥。藥要

威靈仙爲痛風要藥爲末酒下或丸服以微利爲效

本

沒藥同虎脛骨末酒服治歷節風痛不止

本

入門痛風門下體痛條痛

甚加乳香沒藥熱者合大承氣湯下之

本

按以上奇方不可附子者宜用

一貫云痛風痛夜甚者用桂枝茯苓丸料兼紅藍花酒又金鈴散痛風

痔疾用之牽牛子一味爲散每服五分或七分酒服日三

方輿載千金

犀角湯大防風湯金鈴散赤龍皮湯

療鶴膝風方

烏頭

桑寄生

雲母

丁香

防己

天麻

各等分

右六味爲粗末分取一錢五分漬醋一合製造方五寸許箱石菖根鋪其

底厚五分所燒石

大如雞子

置石菖上灌所漬之醋于石藥氣發揚急蓋之令

不漏氣爲要即移箱於患所之下以衣覆之乃去蓋藥氣徹肉中而汗出

於患所如此者日數次腫日減而復故

安政乙卯冬關東大地江震戶

士民被壓傷者夥矣時患卒鶴膝風者數人皆惡寒發熱身體痛或右膝

或左腫大而痛不能起居初與越婢朮附湯而發汗三四日而身痛去但

膝頭腫大而痛不去與桂枝芍藥知母湯膝頭施蟬針數枚每日取血月

餘而全愈

按痛風雖舌有胎身有熱口中和者宜用烏頭附子也口中

和者一切鹹味烟草類不變味是也大便秘者可日兼用黃鍾姑洗丸等

也

頭痛

大承氣湯

入門頭風門云有偏痛年久便燥目赤眩暈氣鬱血壅而

然宜大承氣湯下之。一男子卒偏頭痛甚，叫號驚四隣，諸治無效，經

三日，予與大承氣湯三貼，下利數行，而全愈。

白虎湯 舌上黃黑者，方舌上乾燥，頭盡痛，無渴亦可用。

小柴胡湯 大柴胡湯 因腹候用之，或加石膏。

吳茱萸湯 乾嘔吐涎沫，頭痛者。

桂姜棗草黃辛附湯 頭痛，無熱，唯惡寒，大便自可，脈沉細，全陰狀者。

六物解毒湯 主微毒頭痛。方中十倍土茯苓，三倍大黃，倍餘藥煎法。

服法：禁忌如淋疾，門加味六物解毒湯，用之不差者，或兼施七寶丸，或

貼元生膏於百會，六七日，蟬針去惡血，如此四五次，則無不瘥矣。

元生膏 蟬針 世稱宿疾頭痛，藏無他病者，必頭有惡血也。施元生蟬

針即效。

應鐘散 茶清送下。姑洗丸 南呂丸 瓜蒂散 鹽湯

李東垣曰：頭痛久不已，則令人喪目，胸膈有宿痰之致然也。先以茶調

散吐之。按外臺葛氏卒頭痛如破，用鹽湯吐之，方輿載常山甘草湯。

張子和亦用瓜蒂散。

本草云：頭痛欲死，消石末吹鼻內。又一物瓜蒂吹鼻中。

按小兒卒頭痛甚，反覆顛倒，發作有時者，蛔蟲也。宜用鰾鰾菜湯，婦人月事之時，及產前後，頭痛輕者，當歸芍藥散料，兼用單香附子散，宿疾頭痛輕者，以三稜針刺懸顙懸釐，絲竹空，瞳子膠等。一書云：真頭痛

者手足厥冷。爪甲青。引膠巖泥丸盡痛。若其厥冷上肘膝者死。速灸百會數十壯。作大劑參附湯。頻服免死者。間有焉。頭痛脈浮滑易治。短

瀉難治。

訣

肩背痛

葛根湯 項背強几几

桂枝加葛根湯 葛根朮附湯 大陷胸湯 因留飲而肩背強者。又龜

背者兼之。

姑洗丸 大陷胸之輕者。有持云。治項背強痛。或臂不能舉者。

當歸四逆加吳茱萸生薑大黃湯 疝氣從肋骨邊至脊及肩。強痛者。

南呂丸 應鐘散 元生膏 蟬針 元生膏貼患部。後施蟬針。夏秋直

施蟬針即效。

紫圓 醫通云。當肩背一片冷痛。背脊疼痛。古法用神保丸。

神保巴豆丸也

一貫云。龜胸龜背一也。龜胸。後必成龜背也。對症方多加山慈姑。令長服。兼用紫圓。間日夜服。自二三分加至四五分。小兒者用一分許。十五歲以下可治。十五以上不治。方輿載六物敗毒湯。提肩散。本事方椒附散。

心痛 胸痺結胸

枳實薤白桂枝湯 胸痺。心中痞。留氣結在胸。胸滿。脇下逆搶心。

枳薤薤白白酒湯 胸痺之病。喘息咳唾。胸背痛。短氣。寸口脈沉而遲。

枳薤薤白半夏湯 胸痺。不得臥。心痛徹背者。

按心痛微背，疑似真心痛者，先與此湯，兼用大陷胸湯，九痛丸，備急丸亦用。

大陷胸湯 心痛及結胸，將成龜胸者，皆用之。

九痛丸 治九種心痛。

備急圓 心痛用此丸。聖

小陷胸湯 梔子豉湯 心中結痛者。心痛，有一種為懊惱狀者，用之。

茯苓杏仁甘草湯 胸痺，胸中氣塞，短氣，茯苓杏仁甘草湯主之。橘枳薑

湯亦主之。胸痺輕症，氣塞短氣，爲準。

橘皮枳實生薑湯 此方主治與前方異，宜從方。

桂枝生薑枳實湯 心中痞，諸逆心懸痛。

薤白附子散 胸痺緩急者，急症用之。緩急二字，解見本書

一貫云：白酒湯之劇症，痛甚手足厥冷者，此散有效。

大建中加烏梅湯 因蟲者。

人參湯 甘草乾薑湯

姑洗丸 失笑散

桃仁承氣湯 心痛脈澀有死血。丹

必效療蠅心痛方。外 熊膽如大豆，和水服，大效。

心胸痛奇方：嚴酢半合，鷄卵一箇，相援頓服，神驗。武田

胸痺痛如錐刺，服韭汁，吐去惡血。本草 升洗藕汁

靈樞云，真心痛，手足清至節，心痛甚，旦發夕死，夕發旦死。古人云，非藥所能治也。和田氏云，真心痛，痛在膻中，煩躁，反覆顛倒，脈結代，用大陷胸

九痛丸而難治。

真心痛自古爲必死，然宜用此方救之。芭蕉搗取汁，生

酒調和服。

養生記引  
濟愈方云

入門云，瘀血痛，飲湯水嚥下作鮑，乃素食熱物血死

胃院，桃仁承氣湯。

輕者四物湯加桃仁紅花 醫通云，蟲痛，面如白班，唇

紅能食，或口中沫出，痛有必休止。又云，心膈大痛，發厥嘔逆，諸藥不納

者，趁勢以鷄羽翎探吐，痰盡而痛愈。按先是張介賓有此說，聖濟并諸

書，心痛不用吐劑。古云，脈沉細而遲者，易治，浮大弦長，皆難治。方輿

載千金陷胸湯，烏頭赤石脂丸，檳榔鷄風散，枳縮二陳湯，高良薑湯。

治卒暴心痛。

事林廣記

五靈脂

抄一錢半

乾薑

炮三分

爲末，熱酒服，立愈。一書云水煎內  
薑浸三勺服

按白酒宜用醇酒也。家君有白酒辨，北洲吉益氏云，禮記曰，其酒清白，

皆謂美酒也。此蓋東洞先生之遺言也。詳見本書。

### 腹痛

大承氣湯 卒腹痛而痛，煩悶口噤，欲死者。

備急圓 心腹脹滿，卒痛如錐刺，氣急口噤。

桂枝加芍藥大黃湯 桂枝加芍藥湯 小建中湯

小柴胡湯 胸脇苦滿，腹痛者。

大建中湯 心胸中大寒痛，嘔不能飲食，腹中寒，上衝皮起出見，有頭足

上下痛而不可觸近。

附子粳米湯 腹中寒氣雷鳴切痛胸脇逆滿嘔吐  
黃連湯 胸中有熱胃中有邪氣腹中痛欲嘔吐者  
靈黃散 治血氣刺痛兼治疝痛從少腹上衝心者  
灸 內關 中脘 氣海 神闕 皆灸之 水分 膈俞 脾俞 胃俞

右八處灸治疝并陰症腹痛

桃核承氣湯 腹痛因瘀血者

桂枝茯苓丸料加大黃紅花湯 治瘀血作腹痛者兼治痘後腹痛結毒

并瘡疥內攻腹痛 丹溪因跌撲損傷瘀血作腹痛者用桃核承氣湯

加當歸紅花蘇木入酒童便煎服下之

七寶丸 化毒丸 此二方治久腹痛

一書云久腹痛生漆丸有效

蒸劑 方 腹痛甚者熨之

一老醫曰產後少腹痛用下劑而不愈者桂枝茯苓丸料加當歸紅花延

胡索大效延胡索少腹痛專藥也云

荻野氏云少腹痛無食積蟲積皆蓄血與疝也 河間心腹痛不可忍

乳香沒藥酒煎服 綿綿痛無增減沉遲者寒痛也乍痛乍止脈數者熱

痛也痛不移處者是死血也肚腹作痛或大便不通按之痛甚瘀血在內

也時痛時止面白唇紅者蟲痛也 回春 蟲痛肚大青筋往來絞痛痛定能

食發作有時不比諸痛停聚不散又云瘀血痛必著一方 門入 和田氏云

久腹痛。不減食。則不治。宜以米一合五勺。作一日食也。作粥最佳。禁一切青菜。油膩。粘滑。水飲。乾硬物。而施治。則無不愈矣。方輿載安中散。高良薑湯。手捻散。

腰痛

苓姜朮甘湯 腰以下冷痛。腰重如帶五千錢者。千金此方加桂枝。澤

瀉。杜仲。牛膝。名腎著散。粗散酒煮。去滓服。

當歸四逆加吳茱萸生薑湯 治疝氣腰痛。打撲腰痛輕者。

桃核承氣湯 治打撲腰痛。經閉腰痛。日輕夜重者。

桂枝茯苓丸 料加當歸大黃 治前症輕者。

當歸四逆湯 或加附子。

八味丸 虛勞腰痛。少腹拘急。小便不利者。

大黃附子湯 腰痛。脇肋痛。不大便。脈緊。因疝者。

仲呂丸 元生膏

本草腰痛門。外治條云。痰注及撲損痛。芥子同酒塗。

治腰痛正傳 大黃生薑煎服。

醫通云。腰痛。大便閉者。用大柴胡湯。微利之。按平生秘結四五日。而腰

痛者。下之愈。

灸腰眼八竅千金 章門病因

保命歌括腰痛門云。委中二穴。主瘀血痛。宜用三稜針刺出血。大效。回



春云。日輕夜重者。瘀血也。按要訣云。腰痛。有寒。有濕。有風。有虛。有閃挫。方輿觀云。腰痛病因。寒。瘀。打撲。帶下。瘀血也。愚按大凡寒。瘀。瘀血與濕也。寒。瘀。輕者。當歸四逆輩。重者。附子劑。兼下劑。瘀血重者。桃核承氣湯。輕者。加味桂枝茯苓丸料。又有苓薑朮甘湯症。屬濕。後世名腎著。腎著者。腎受冷濕。著而不去之義也。傷寒。中濕。痘疹等之腰痛者。客證也。寒。瘀。并瘀血。腰痛甚。不得屈伸者。以元生膏貼于腰。拔出一毒。則二三日而腰痛如忘。能屈伸。其法詳于疝及打撲門。方輿載附子劑。酒服。散藥。乾漆劑。酒服。散藥。子和無憂散。禹攻散。當歸浴湯。

眼

大青龍湯 葛根湯 黃連解毒加車前子湯 苓桂朮甘加車前子湯

大柴胡湯 大承氣湯 桂枝茯苓丸 桃核承氣湯 右桂桃二方治

婦人屬血證眼疾。

應鐘散 黃鐘丸 四苓散加唐蒼朮 治雀目。

七寶丸 赤眼。赤色已去。無痛生翳者。每日服一分許。

洗眼方 黃連解毒湯。加菊花紅花甘草。且加白礬少許。

治誤傷目方 生通草葉。搗絞汁。滴入眼中。若無生者。以乾者細剉。水煎。

頻頻洗之。

又生水仙根。搗絞汁。滴入眼中。

鍼灸法 晴明。風池。太陽。神庭。上星。顙會。前頂。攢竹。絲竹空。承位。目窓。客

主人承光諸穴皆可用鍼或以三稜針出血入關亦可刺凡近目之穴皆禁灸大骨空小骨空合谷翳風肝俞足三里二間命門水溝手三里諸穴宜灸方與

眼科錦囊云風眼之名本邦之俗稱而非漢名也然書中間有風眼之名

目實是同名異證如所謂風眼爛弦頭風風眼甚多矣不可混同矣官本邦之風眼

皆刺症漢上之風眼者輕症也

又曰風眼治法用吐劑或烏頭附子之類有奇效不兼用攻

下則至使眼珠破裂更在太陽尺澤委中刺絡放血又於百會顳顬貼用

發泡膏或以糊劑塗著足蹠屢用塗藥墮鼻之劑至於眼痛劇者灸少陵

小炷三壯及三里三陰交女室一日女膝在腫之部赤白肉之分際蓋奇穴也各二十壯和田氏云風

眼宜急用備急紫圓類若遲疑則眼球破裂而至於失明按風眼證滿

目丹黃劇痛兩眼浮腫寒熱頭痛如割狀殆似陽證傷寒至其劇甚則諸

言妄語瞳孔破綻竟致盲瞶急用紫圓一錢大下之大勢已解而後用大

青龍湯隨其腹證兼用瀉心大承氣桃核承氣等 蟬針 以水蛭數枚

令啞眼之內眥及外眥眦內赤肉之處血滿自脫則以濕紙拭血數十度

而血自止日一次施之四五日而大勢已解則隔日施之六七度病減十

之八九赤眼治法無捷於斯 元生膏 小兒眼疾以此膏貼百會四五

日而有奇效大人蟬針元生兼施則效速且項背強者貼此膏於風門肺

俞邊即效 艮山翁目赤腫痛用七味敗毒散 和田氏瘡疥愈後作眼

病者用敗毒加石膏湯 家翁用涼膈加石膏湯

治爛弦風方

膽礬

或用土呂志寸

枯礬

右二味水解。洗患所極效。

治眼目暴翳或疼痛

一切瓜蒂吹鼻中。令嚏。此一小吐方也。

治稻麥芒入目中

蘘荷汁注目。即出。并眼目澁痛。點之。蘇恭

治麥芒入目

大麥煮汁洗之。

孫真

治飛絲入眼

蕪菁根或葉揉爛。帕包滴汁。二兩點。即出。晉方

治飛絲入目

芥菜汁點之。如神。潘玄方

治塵芒入目

蓮藕汁入目中。

晉方

治赤眼腫痛

梨實絞汁點之。

惠聖

按眼疾者。宜託專門。然僻邑無專門。則如風眼急證。至失明。故記風眼赤眼治法之大略爾。

方輿載六物敗毒湯。連翹湯。夏枯草湯。茱萸散。謝道人大黃湯。通聖散。通聖散方後云。生翳膜者。加茱萸二錢。因結毒者。加土茯苓四錢。

耳

小柴胡湯

大柴胡湯

葛根加大黃湯

應鐘散

柴胡加石膏湯

耳前後腫者。又治咳嗽後。耳聾者。

彭

茶桂朮甘合瀉心湯

耳鳴者。

柴胡薑桂加鐵砂湯

耳鳴有動悸者。

鷓鴒菜湯

小兒耳聾。因蟲者。

七寶丸

治梅毒將耳聾者。

聾耳流膿方

菖蒲根

水洗取汁

先以綿杖子。擦出膿令淨。次將菖蒲汁灌

入。盪洗數次全愈。最妙。

又以水銃洗耳中。入椰子油。

又韭汁入耳中。亦效。

治耳聾方

千金

菖蒲

附子

各等分

右爲末以麻油和。以綿裹內耳中。

治耳卒聾閉

外臺

芥子末入乳汁和。以綿裹塞之。

又方巴豆

十粒

松脂

半斤

右二味搗爛。熬如棗核。塞耳中。

又方附子一味。以醇醋微火煮一宿。削如棗核。以綿裹塞耳中。

又方醋二合。溫灌耳中。以綿塞定半日許。必有物出。即差。

又本草有猫尿及龜尿人尿各一味。滴入耳中方。皆治耳聾云。

入門云耳鳴。乃是聾之漸。

按耳聾者難治。唯因聾而聾者。可治也。治法以椰子油內耳中。數日後

以水銃洗耳中。則如脂物出。而全愈。

元生膏 貼耳下或百會風門邊。 蟬針。

灸 肩井三里 肺俞膏肓

鍼 刺尺中取血

一處女麻疹後。兩耳聾閉。一醫將精香油。滴入於右耳中。至次日。將刺耳

匙子徐徐探耳內。挑出凝垢一箇。大如芽兒小指。右耳忽覺清聰。左耳亦

用此法。而俱清聰。久患頓除。方輿明

醫通耳病。用涼膈散家翁亦用之。

鼻

葛根加石膏湯

鼻軌者發汗之。又治腦漏頭痛者。

小柴胡加石膏湯

治鼽鼻有息肉不聞香臭方。金瓜蒂細辛。右二味各

等分爲末。以綿裹如豆大塞鼻中。

治鼻塞氣息不通。

聖

瓜蒂一味爲散。少許吹鼻中。

竹葉石膏湯

治鼻塞或兼頭痛者。

方

鼻塞不聞香臭者。或用此湯。子

和用白虎湯。此症多有大逆上氣。故用之。

紀

黃連解毒湯

有酒客鼻紫赤。而非真酒查鼻者。用此湯。而不用傳藥。又

真酒查鼻輕者。用此湯可也。

三黃梔子湯

華

治酒皸鼻劇者。

大黃

黃連

地黃

葛根

紅花

芍藥

梔子

各一錢

甘草

三分

右八味。以水四合。煮取二合。渣再以水四

合。煮取一合半。日二劑。若病輕者。小劑減水可也。服湯數日。覺患處痛

癢。酒將查鼻膏搽之。搽後大發熱者。是毒欲盡也。熱既發之後。外傳則

須止。內服則不須止也。

此方與之文以微事精詳故取之

皸鼻膏

同

乳香

硫黃

巴豆

輕粉

各等分或粉煨半

右四味爲末。蜜煉傳

患處

按酒皸鼻。重者。鼻頭紫赤而腫。生小疹。有痒無痛。用三黃梔子

湯。塗皸鼻膏。塗藥則大抵發痛。宜日日亂刺。或施蟬針。輕者。硫黃杏仁

二味。等分爲末。以滾湯煉之。每夜擦之。時時亂刺。不服藥而愈。禁酒番

椒油膩魚肉等。

一貫云，鼻痔，瓜蒂散門入有效。按鼻痔不剪去根蒂，則不治，宜託於專門。一書云，鼻淵自梅毒來者，大物解毒加桔梗湯，十倍土茯苓，腦漏用薰藥。元生膏，鼻病大抵此膏貼百會效。蟬針。

方輿載通聖散云，鼻痔，鼻淵，酒釀鼻，此方有效。又載桔梗解毒湯，竹葉石膏湯，辛黃湯，辛荑湯方，辛荑，防風，細辛，川芎，白芷，五味也。擇加大黃石膏類。鼻不聞香臭者，皂莢勝於瓜蒂，吹鼻中佳。有息肉不聞香臭者，用瓜蒂辛黃湯，鼻病一切用之。桔梗解毒，因毒鼻梁將破壞者，用之。醫通鼻病用涼膈散，家君亦用。本事方，用犀角煎。

牙齒

葛根加石膏湯 牙疳并牙齒痛有表證者，或項背強者。

瀉心加石膏湯 牙疳并齲齒者，或牙疳出血者。

桂枝桔梗湯或加黃連 齒痛者。

調胃承氣湯 歷年齒痛，黑爛脫落，口吸涼稍止者。門入

小柴胡湯 大柴胡湯 小建中湯 右三方因腹候用之。

加減烏梅圓料 治蟲牙痛甚。

依本方，去桂附加桔梗，苦參地黃，烏梅，細辛，乾姜，黃連，當歸，蜀椒，人參，黃柏，桔梗，苦參，地黃，右十一味水煎先

噉漱，後嚥下，加連翹益佳。

黃連解毒湯，加石膏犀角。

備急圓 七寶丸 元生膏 蟬針

按牙疳。俗稱波久佐。初寒熱頭痛。牙齦腫痛。變紫色。試以指按牙齦。膿血微出。氣息甚臭。頰頰下邊。累累結核。此症似暝眩于輕粉。口中糜爛之狀。漸久則齦縫肉脫。齒牙動搖。或脫落。雖小患難治也。日久齒牙盡脫落。則膿自止。治法。鍼齦縫出血。塗朱礪加入人中白散。與瀉心加石膏湯。或日用七寶丸一分許。走馬下疳者。牙疳之急證也。初寒熱如疫。牙齦腫痛。變紫暗色。乍潰爛出血。或唯紫血大涎。齒牙動搖。多脫落。其毒浸淫於唇舌及頰頰。幾處亦穿孔。流臭水。或兩頰俱脫落。或唇鼻共缺盡。而臭氣滿一室。六七日。或十餘日而死。治法。急與備急圓五六分。或一錢。取下。鍼牙齦出血。石榴皮煎汁加枯礬少許。屢漱口。人中白加朱礪散十分一。傳之。與黃連解毒湯。加石膏犀角。一女子二歲。患走馬下疳。忽人中生黑點。暫時如蠶豆大。其毒及唇。并牙齦兩頰脫落。急用備急圓。下利四五行。用涼膈散。隨愈。漸漸生肉。和五氏按蟲牙痛不止者。貼元生膏於耳下。半日許。發水泡。無不愈者。然齧齒不拔去病牙。則不全治也。又有牙齦腫痛之人。頰之裏面亦腫痛者。試以指按頰則微內而痛。其痛處。從外施蟬針出血。則即效。耳輪及鼻端。唇腫痛者。皆施蟬針為妙。家翁牙齒病。用涼膈散。方輿載甘露飲。涼膈散六味丸。有持云。余嘗患牙疳。服瀉心。涼膈。其他種種方劑無效。服六味丸全愈。

口舌

瀉心加石膏湯 黃連解毒湯 小柴胡加石膏湯 麥門冬加地黃湯

口舌乾燥者或乾燥而糜爛者

當歸芍藥散加麥門五味子湯 口舌如無皮狀者如不應加附子

理中湯 口舌生瘡大便不實者 若手足逆冷腹痛者加附子

硃礪散方家 治鵝口瘡并口舌生瘡糜爛 硃砂二錢 辰砂五分 右二味相

和搽舌上煉蜜塗亦佳 按此散口瘡者傳之咽喉腫痛者吹之若不

愈者人中白五錢加此散一錢用之奇效口瘡糜爛日久延及胸中者

綿裹如無患子大含之嚥津凡口舌病陽症用傳藥用附子劑者不用

傳藥也

礪甘散同 治口中糜爛者 礪砂 黃柏 甘草各等分 右三味爲末

貼患處少時含之而後吐之佳

元生膏 蟬針 口瘡久不愈者肩背頸項百會耳下頰下貼此膏六七

日施蟬針去惡血如法四五回則無不愈或含漱劑用黃連解毒湯又

青黛黃柏等分絹裹含之嚥津

城南散 治口瘡 昆布燒存性 梅肉連核燒存性 巴豆去殼 枯礬 右四

味研末傳瘡處 此方城州烏羽煙藥舌瘡之秘方也山脇氏傳之云

金粉散同 治舌疽神方 礪砂七錢 鬱金七錢 辰砂一錢 白檀 烏梅各五分

金屑三分 右爲細末七分艾葉和紙裹爲二十一條一日喫一條



要訣云。會有舌上病瘡。久蝕成穴。累服涼劑不效。後有教服黑錫丹。遂漸愈。

痰泡者。舌下如小豆粒者出。爲水泡。大者如梅。色赤透微有痛。舌本強不能言語。以指按之。軟而有水。鍼之則黃液或如白脂者出。吹金鎖匙。用黃連解毒。或柴胡加石膏。重舌者。舌下生息肉。尖起如舌端。長者五六分。七八分。又有左右生者。腫痛舌強不能語言。流涎頷下結核。大人少。小兒多。治法。鍼患處。吹金鎖匙。冰硼之類。與瀉心加石。柴胡加石。頷下結核。上貼發泡。尚不治者。剪斷息肉。用前法。木舌。木者不柔軟之意。舌腫短縮。不出齒牙之外。木強而不能卷舒。發熱惡寒。舌胎黃黑。牙關緊急。不能開口。痰涎多出。妨飲食。至重者死。治法。服藥。吹藥。與重舌同。頷下及耳下。貼發泡。待舌下之絡脈怒脹。變紫色。而用鍼瀉血。先輩云。漢土無舌疽之名。和名也。要訣云。會有舌上病瘡。久蝕成穴。金鑑云。舌疳者。百無一生。此定舌疽矣。初舌尖。或舌下。或舌心。或左或右。固結如豆。或如栗子。經久。瘡頭腐蝕。而爲凹。食鹽醋辛辣熱物而不痛。毒至深故也。腐蝕日深。固結月蔓。舌難轉動。語言蹇澀。至一年或二年。舌缺盡而死。初無痛。亦從腐蝕生痛。或發寒熱。治法。有痛者。瀉心湯加石膏。涼膈散加石膏。無痛者。附子劑。外用五寶散。冰硼散。城南散。華岡氏金粉散。最有效。右秘錄之略文也。全文見本書。金鎖匙。冰硼散。見正宗。

龔氏云。凡舌腫脹甚。宜先刺舌尖。或舌上。或邊傍。出血泄毒。以救其急。惟

舌下廉泉穴。此屬腎經。雖宜出血。亦當禁鍼。慎之。張子和曰。余治一婦人木舌脹。其舌滿口。諸藥不愈。余以銚鍼小而銳者。砭之五七度。腫減三日方平。計所出血。幾至盈斗。方輿載涼膈散清熱補氣湯。附子湯。人味丸。說約。口舌病。用白虎湯。

咽喉

甘草湯 桔梗湯 少陰病。二三日咽喉者。可與甘草湯。不差者。與桔梗湯。甘草湯。痛甚者有效。桔梗湯。吐粘痰者。用之。

半夏散及湯 少陰病。咽中痛者。咽痛兼痰咳者效。

半夏苦酒湯 少陰病。咽中傷。生瘡。不能語言。聲不出者。家傳煎法。將磁器盛苦酒五勺。以半夏極細末五分。鷄子白一枚。調勻。攪令相得。安火上。令人九沸。下火。少少含嚥之。嚥時捫鼻。不令氣入可。

大青龍湯 葛根加石膏湯 大柴胡加石膏湯 備急圓 元生膏

針 鍼

按喉痺。喉癰。纏喉風。乳蛾。西洋總謂之咽喉焮腫。秘錄云。喉痺者。咽喉之癰。而又曰喉癰。又焦氏筆乘曰。喉閉。痺非麻痺之義。中藏經曰。痺閉也。咽喉閉塞之謂也。爲刺縫。臨摹。剖割等。日勞肩腕者。多有此患。初起項背強痛。頭痛。發熱惡寒。而咽喉腫痛。醫視咽之法。以杉箸二枝。紙裹壓病人之舌。令自引氣息於內。則能視也。大抵從咽之左右腫而及齒牙之盡處。及舌本。爲癰紫色。飲津唾亦痛甚。牙關緊急。不能隨意開口。

語言蹇澁。頤之下邊累累結核。幾廢飲食。是尋常之喉痺。而易治。決無死矣。經六七日。則自潰膿血出。速愈也。急喉痺。謂之走馬喉痺。古云。暴發暴死。迅速之病也。急喉痺。腫之及外者。謂之纏喉風。卽急喉痺之一證也。急喉痺之候。咽喉。暴腫痛閉塞。痰涎壅盛。聲啞。呼吸不利。咽喉之外。亦微腫變色。舌上黃胎。或黑胎。惡寒發熱。頭痛劇。其狀如疫。藥餌一滴亦不下。二三日而死。凡喉痺之死症。其腫處深於常之喉痺。食道氣管共閉塞。幸自潰者。亦膿血入氣管。絕呼吸而死也。治法初發項背強者。與葛根加石膏湯。金鎖匙吹喉中。輕者或消散。腫痛益甚。欲成膿者。與大柴胡加石膏湯。用備急圓下之。膿已成。則宜鍼。若用鍼早則增痛。宜候赤腫上生白點。鍼之。色變紫暗者。亦瘀血凝滯之候。宜鍼而去膿血。膿血多出。則痛如失。飲食亦從進。不日而愈。纏喉風者。驅風解毒湯。多加石膏。石膏咽喉病有效。若咽喉壅閉。藥餌一滴亦不下者。咽喉左右貼大發泡。鍼尺澤。足少商瀉血。一貫云。喉痺纏喉風。名異而其因一也。施其治亦同。成膿者。緩症也。初甘草。桔梗。苦酒湯等所主也。急喉痺。纏喉風者。急症也。用雄黃解毒丸。若無。則用白散。或用礬巴散。卽枯礬巴豆二味也。又云。驅風解毒湯。多加石膏令冷服。中神氏云。纏喉風。瓜蒂末吹咽中。吐粘痰一升餘。卽愈。方輿輓云。急喉痺。巴豆末吹咽中。速效。華岡氏云。纏喉風。鍼咽中。吹金鎖匙。用驅風解毒加石膏湯。劇者刺肩井少商。大出血。方輿載六物敗毒湯。涼瀉散。升麻

湯加味四物湯。雄黃解毒丸。馬牙消一味含藥。子和曰。大抵治喉痺用鍼出血。最爲上策。但人畏鍼。委曲傍求。瞬息喪命。凡用鍼而有鍼創者。宜搗生薑一塊。調以熱白湯。時時呷之。則創口易合。喉痺用鍼而創口痛者。傅生季有效。餘處鍼創痛者。亦效。紀

# 證治摘要卷下

東都 中川成章斐卿輯

## 妊娠

乾姜人參半夏丸 治惡阻。

小半夏湯 同加茯苓湯。

按惡阻用右之方而不應者。盛水二合於器中。投伏龍肝一錢攪。如作甘爛水法。而暫置靜處。待其澄清。取其水一合半。煮右之諸方。則不吐而能應神驗。

猪苓散 治惡阻大効。予苓朮猪苓爲湯用。累用累驗。

烏梅丸 方家 惡阻因蟲者。每服五分。日二或四。屢効。

桂枝茯苓丸 婦人宿有癥病。經斷未及三月。而得漏下不止。胎動在臍上者。爲癥瘕害妊娠。當下其癥。

當歸芍藥散 婦人懷妊。腹中疴痛。

芎歸膠艾湯 妊娠下血者。千金云。因頓仆失踞。腰腹痛者。每孕必墜者。

鯉魚 雞肉 雞卵 婦人有每孕二三月至四五月墮胎者。宜鯉魚作臠食之。一月三次。又雞肉時時煮食之。雞卵酒煮日食之佳。此方在外臺及本草。婦人藏無他病。每孕墮胎者。予每令食此三物。至臨月分娩。

母子共康健。屢效。若嫌鯉雁之腥者。作鱸食。

凡決定妊否之法。詳于本書。又兒胎居偏者。胎將墜。經若水下者。婦人不時顯仆者。致胎動者。右足彎急者。吾門皆用整胎術。

葵子扶苓散。妊娠有水氣。身重小便不利。洒淅惡寒。起則頭眩。如防

己効。餌食赤小豆。

大簇丸。黃鐘丸。按妊婦不三食一便。則生燥暴。而分娩不易。秘結者。

宜撰用此二丸。

惡阻諸藥無効者。候其肩背。若凝結者。宜施鍼灸。方與

產前後

桂枝茯苓丸料。候產母腹痛腰痛。見漿水下方服。名催生湯。按和田

氏催生用芎歸湯。芎歸二味各等分。水酒各半煎。加桂枝減半。益効。此方原在千金。後藤香川亦用。

臨產雞子生吞一枚。

娩後即雞子生吞一枚。

按是外臺及本草所用。用之則產婦益氣力。果驗。

回生散。方家治血暈神方。荆芥穗。爲末水服二錢。重者童便服。角弓

反張。豆淋酒下。荆芥二錢煎服亦効。

治血暈方。千金半夏末吹鼻中。或皂莢末內鼻中。

又以炭火投苦酒中。燉其氣。

又服熊膽一分。或一二三分。

禁暈術

遏崩術

見產論

桃核承氣湯

治胎死腹中。若胞衣不出及惡露澀滯。腹痛發暈者。

靈黃散

治血氣刺痛并血暈。

一云失笑散。刺痛者。須臾從少腹上衝心也。

芎歸膠艾湯

四逆加入參湯

按產後先宜問血下多少。血下少而血

暈者。桂枝扶丸加大黃湯。兼靈黃散或回生散。施禁暈術。重者桃核承

氣湯。血下多而血暈者。芎歸膠艾湯加三七。兼回生散或血餘霜一錢。

施遏崩及禁暈揪起術。重者四逆加入參湯。此症多難治。

桂枝加附子湯

產後汗出者

千金

外臺云。產後忽悶冒。汗出不知人者。

是暴虛故也。取破雞子吞之。便醒。若未醒。可與童便一升。甚驗。丈夫小

便亦得。

療胞衣不下者方

家方

雲母一錢爲末。和生薑汁以水送下。或白湯。或酒

服亦佳。

又方皂莢末。吹鼻中。卽下。

又方鹿角爲末。每服一錢匕。溫酒下。未下再服。

方輿云。胞衣不下者。用桃核承氣。有刺痛則兼失笑散。又去血過多。胞衣

不下者。或用附子劑。

良方心胸脹痛者。用寧命丹。

下胞術見本書

按產後腹痛。及少腹

痛。有與破血。消黃劑下之而不愈者。宜桂枝扶丸料。加當歸延胡索。兼失笑

散。百發百中。和田氏云。失笑產後之聖藥。一醫云。延胡索少腹痛之專藥。

信然

癰疽之症。有當  
發寒中陽症。

家君云。分娩後六七日。子宮腫而不收。如少腹有塊者。宜用桂枝丸料。按之痛者。子宮也。不痛者。塊物也。勿謬認用桃核牡丹湯等。

大豆紫湯

千金

治產後百病。及中風痲痺。或背強口噤。或但煩熱苦渴。或

頭身皆重。或身癢。劇者嘔逆直視。

大豆

合一

清酒

二合

右二味。以鐵

錘猛火熬豆。令極熱焦。煙出以酒沃之。去滓。服一升。日夜數服。小汗則愈。一以去風。二則消血結。如妊娠傷折胎死在腹中。三日服此酒。即瘥。按產後發瘧。角弓反張者。以此酒多服。回生散妙。又聖濟云。頓服竹瀝一升。即愈。

按子癰。用柴胡龍骨牡蠣湯。多加鐵粉効。立野氏云。子癰用殺蟲劑而治者。十中八九也。

枳實芍藥散

產後腹痛煩滿不得臥。

下瘀血湯

服枳實芍藥散不愈者。此爲腹中有乾血著臍下。此方主之。

亦主經水不利。

產後血閉不下者。益母草汁入酒服。

聖惠

大承氣湯

產後七八日。無太陽證。少腹堅痛。此惡露不盡。不大便。煩躁

發熱。切脈微實。再倍發熱。日晡時煩躁者。不食。食則譫語。利之即愈。

當歸建中湯

治婦人產後。虛羸不足。腹中刺痛不止。吸吸少氣。或苦少

腹拘急。痛引腰背。不能食飲。

方後云。若去血過多。崩傷內。則不止。加



地黃六兩。阿膠二兩。合八味湯成內阿膠。

小柴胡湯 三物黃芩湯 婦人在草蓐。自發露得風。四肢苦煩熱頭痛者。與小柴胡湯。頭不痛但煩者。三物黃芩湯主之。和田氏云。此二方產後將成蓐勞者。用之。

當歸生薑羊肉湯 產後腹中疴痛。並治腹中寒疝。虛勞不足。按我邦無羊。代鹿肉。或雞肉佳也。千金產後虛損門。有鹿肉湯二方。聖濟產後虛羸門。有烏雞湯一方。蓐勞者。宜日食雞肉。雞卵。鹿肉。鯉魚等。

參連湯 熊參湯 東洋一閑齋二先生。血暈用此二方。

瀉心湯 家君血暈并俗稱血道藥者。用此方。

或合茯苓  
水甘湯

大黃牡丹皮湯 產後小腹有塊者。或產後惡露澀滯。成水腫者。有神効。用消石佳。

按和田氏產後水腫。用琥珀湯。五苓散加琥珀反鼻湯也。

承氣丸 產後秘結者兼用。

按女子腹面倒首也。說載本書。轉胞治術。子宮脫。脫肛。膀胱脫。諸術見于本書。

紀聞云。產後痙病。荆芥末二錢。豆淋酒攪和下。四五服而有效。又破傷風妙。產後喘。十之七八難治。大小青龍無効。參蘇飲或有效。人參蘇木二味也。廣東人參佳。若口鼻黑氣起者。加附子。產後大渴引飲。十之八九必死矣。用括翼湯。

方輿云難產及胎衣不下者用獨聖散吐劑也又通關散吹鼻中 方輿載獨聖散及通關散蟹爪散葵子阿膠湯牛膝散回生湯交加散蜀漆湯括蕁湯參蘇飲奪命丹

經閉

桂枝茯苓丸料 經閉未結塊者或頭痛或腹中拘攣或手足癱痺或眼中赤脈疼痛羞明者皆主之或加大黃又月事時腰腹痛者加當歸紅花延胡索兼用靈黃散神驗

桃核承氣湯 少腹急結者急結急迫結實之謂也

大黃牡丹湯 少腹有堅塊者

抵當湯 治瘀血者凡惡血在二陽。少腹脹滿。小便快利者一也。腹不痛其人言我痛者二也。急則以湯。緩則以丸。金匱云。經水不利下。

和田氏云經閉痼而不動者宜此湯華岡氏云此方無速效二三月而有

効宜爲丸以酒長服

下瘀血湯 臍下毒瘡及經水不利者 按此方爲丸酒服効

赤丸山 治宿疝癥瘕蟲癰勞瘵微毒骨痛即濕漆丸 生漆以令丸 大黃

麝粉各十錢 右三味以少蜜爲丸白湯送下自三分至一錢日一夜一

加少蜜者厭乾固者也 按此方經閉腹痛者用之有効方輿主治云

治乾血及蟲方方後云自三分至一錢終而復始以知爲度又生生堂

方書此丸主治云治諸毒在裏難發泄者有持云用此丸知者身體生

癢必發赤疹

夷則丸

治腹中有堅塊而見血症者。

以桃仁牡丹湯送下。每服六分

日三

浮石丸

治腹不滿其人言我滿而腹皮見青筋者。

按經閉數月少腹

滿而無塊者此方主之。

當歸四逆加附子湯

經閉惡寒足冷或腰脚痛脈緊者。

按此湯症大

便冷秘之症間有焉。

小柴胡湯

大柴胡湯

按經閉胸脇苦滿者用此湯兼用破血之諸丸。

鵲鴛菜湯

經閉因蛔蟲者。

礬石丸

經水不利下白物者。

予不爲丸爲散帛裹如無患子大深納

陰中下邊坐臥任意唯禁奔走三日一換之以愈爲度。

紅藍花酒

紅花二錢

右一味以酒二合煎減半頓服一半。

按金匱云治血氣刺痛經閉無刺痛亦可用。

元生丸

方家

經閉用諸藥而無効者此丸一分砂糖湯送下。

七寶丸

經閉因結毒者。

聖濟經閉條有水銀劑二方主治云臍下結

鞭疼痛又一方主治云肢節痛腹脇結塊羸瘦欲變成勞二方俱方中

有芫青礪砂。

一方

仁存

治經閉不行至一年臍腹痛腰腿沉重寒熱往來

芥子二爲

末每服一二錢熱酒食前服。

又方

千金

治室女經閉

牡鼠屎

一兩

炒研

空心溫酒服

二錢

本草云

服一錢

又馬鞭草通月經

又絲瓜爲末酒服通月經

和田氏云經水不通而逆行者必吐凝血者也用三黃湯臍下有塊者桃

核承氣湯宜施刺絡

艮山翁云經閉宜日食辣椒浴溫泉而佳也香

川氏血枯經閉腹痛者用當歸建中湯少腹滿如鼓脹小便難而不渴者

用大黃甘遂湯又用辣椒丸

張子和治經閉大抵用吐方而後用破血

劑蘭說蓬砂治經閉有番紅花蓬砂沒藥等方

或曰蟄蟲蝗之類也

出石中川友三以蝗代蟄蟲有效見王字形于背者是也

東郭翁云經

閉數月用破血劑無寸效經一年餘而腹無塊者香附子一味爲末每服

一錢酒服日三經二月而有效

方輿載千金地黃煎丸良方牛膝散

赤白帶下崩中漏下

桂枝茯苓丸料

或加大黃

按磐石丸主治云中有乾血下白物由是

觀之白亦血也赤白帶下初起宜用此湯兼磐石丸

芎歸膠艾湯

治崩中漏下去血過多加三七或加附子或兼用犀角

按病源云衝任氣虛不能約制經血故忽然崩下謂之崩中又云血非

時而下淋瀝不斷謂之漏下

溫經湯

病下血數十日不止暮即發熱少腹裏急腹滿手掌煩熱唇口

乾燥

按有此症而腹無塊者此湯主之又瘦弱之婦每月經水過多

少腹無力食不進者此湯加黃連有效

黃土湯 漏下有附子劑症大抵脈緊也。用此湯則不日血止者也。

黃連解毒湯 婦人年及五十以上經水不絕者。或經水一月二度來者。

大抵心下痞脈數也。按壯熱亦此  
湯症間有焉

當歸建中加地黃阿膠湯 血症心中悸而煩者。須用此湯。腹中急痛亦佳。

小柴胡湯 大柴胡湯 柴胡姜桂湯 此三方因腹狀用之。兼用破血丸。

苓姜朮甘湯 當歸四逆加吳茱萸生薑湯 帶下腰痛脚冷下白物者。撰用此二方。或兼灸治溫泉。

當歸芍藥散 礬石丸 下白物不止少腹有塊者。

四逆加入參湯 艮山先生曰。崩血甚四肢厥冷自汗者。四逆湯或加入參可也。東郭翁云。余遇產後暴崩。或致暈者。則用此方。其功非他方可企及也。

解毒劑加桂芍歸 所下之物臭氣甚者。必因結毒也。此劑主之。醫事  
說約和田氏云。白帶下者。有一種因毒者。此膿淋之類也。臭氣至甚矣。用解毒劑。甚者兼輕粉丸。

夾鐘丸 漏下腰腹疼痛下血至少淋瀝者。兼用此丸。

治白崩方千金 灸小腹橫紋當臍孔直下百壯。又灸內踝上三寸左右。各

百壯 灸八膠小

治五色帶下方

金

服大豆紫湯日三服

治崩中漏下赤白不止

金

燒亂髮酒和服方寸匕日三

又方

金

鹿角燒末酒服日三

蒲黃散

金

治漏下不止方

蒲黃

升

鹿茸當歸

各二兩

右三味爲末酒

服五分七日三不知稍加至方寸匕

蒲黃丸

聖

治月候過多血傷漏下不止

蒲黃

三兩

龍骨

二兩

艾葉

一兩

右三味爲末蜜丸梧子大每服二十丸煎艾湯下日再

方輿云血崩及諸失血危急者煎用人參二錢不知服至數劑又下白物如脂者用無憂散兼坐藥灸治溫泉皆兼宜按無憂散子和方也予未試又同書有烏賊骨牡蠣二味等分方赤白帶下久下不止者用此散而止云未試或云治婦人白沃不已方

風化石灰 右一味酸醬草搗汁和丸

病因考帶下門云治方灸溫泉乾過臘魚告天雀鵲

方輿載逍遙散及歸脾湯獨參湯瓜子仁湯括蕒根湯無憂散烏茜丸

乳病

葛根加桔梗石膏湯 乳腫乳癰未成膿者用此湯外塗鮓魚膏

鮓魚膏

方家

搗生鮓魚肉爲泥塗乳房產後則倩他小兒而令吮乳後輕

輕揉軟乳房則消散也產前易消散產後難消散

葛根加反鼻湯

伯州散

乳癰將成膿者用此二方

大黃牡丹湯 乳癰毒深，膿少，不大便者。

芪歸建中湯 乳癰膿潰後，盜汗出者，或加龍骨牡蠣，或加附子。

小柴胡加石膏湯 治乳核乳癰，神驗。外以蔥湯蒸之，貼水銀膏。即秘錄神水膏

柴胡去半夏加枳實橘皮連翹湯 治乳癰不成膿，不消散，久不愈者，外用前法，貼神水膏亦得。

單橘皮湯 本草黃橘皮附方。引張氏云：婦人乳癰未成者，即散。已成者，

即潰。痛不可忍者，即不疼。神驗不可云喻也。用真陳橘皮湯浸去白晒

麴炒微黃爲末，每服二錢，射香調酒下。初發者一服見效。又青橘皮

附方。引丹溪云：婦人乳癰，因久積憂鬱，乳房內有核如指頭，不痛不癢，

五七年成瘡，名乳癰，不可治也。用青皮四錢，水一盞半，煎一盞，徐徐服

之，日一服，或用酒服。

七寶丸 乳癰初發，青橘皮湯兼用此丸。

水銀膏 排膿湯

按吾先師奧綠山翁：乳癰初起，乳核乳癰，皆用單青皮湯，有奇效。

治乳癰初發，腫痛結鞭，欲成膿，令一服差。樺皮散方。聖 以北來真樺皮燒

灰，酒服方寸匕，令睡，及覺已差。乳癰腐爛亦用唐瑤經驗本草

療乳癰腫痛方。山醫氏方 天瓜 當歸 甘草 各五錢 乳香沒藥 各一錢 鹿角

續三 右六味爲末，溫酒送下。

治乳癰疼痛。聖 車前子 一兩 爲末，每服二錢匕，溫酒調下。

又方

聖濟

打雞子一枚熱酒調下。

治乳汁不出，蘊積在內，結成癰腫，此名妬乳。

聖濟

露蜂房煨灰

右一味研

細，每服二錢，煎水一盞，至六分溫服。

鹿角散

宗正

治乳癰新起，結腫疼痛，增寒發熱，但未成，鹿角尖三寸，用炭

火內煨，稍紅存性，碾末，每服三錢，食後熱酒調服，甚者再三服，必消。

治乳癰結鞭疼痛。

聖濟

和泥蔥斤半

右一味細剉，以水四升，煮十數沸，於

瓷瓶子內盛，熏乳腫處，冷即再煖，以差爲度。

又方

聖濟

露蜂房五兩

右一味剉碎，以醋五升，煎至三升，傾於瓷瓶子內，

乘熱熏乳上，冷即再煖，以差爲度。

聖惠方云：白麵治乳癰不消，炒黃醋煮爲糊，塗之即消。

乳泉散

方家

治產後乳汁不出，或少者。

露蜂房霜十錢

地黃五錢

右二味

爲末，每服一錢，以醴酒送下，日三服。

聖濟云：露蜂房炒末酒服，括蔓根末酒服，皆能下乳汁。

本草云：穿山甲炮研，酒服二錢，能下乳汁，名漏泉散。

儒門事親：乳汁不下，條曰：夫婦人有本生無乳者，不治，或因啼哭悲怒，鬱

結氣，盜閉塞，以致乳脈不行，用精猪肉清湯調和美食，於食後調益元

散五七錢，連服三五服，更用木梳梳乳，周回百餘遍，則乳汁自下也。

回乳方

本草

大麥蘖炒研，白湯服二錢，麥芽二三兩炒，水煎服亦効，宜

用新者。



和田氏云。乳巖用青皮。頻灸肩髃肘膠。及七九以上。

牛山云。乳汁不通。則結核成乳癰。初結核寒熱者。速揉和乳房。則乳汁下。

結核自消。又云。將成乳癰者。白芷貝母各二兩爲末。溫酒送下。神驗。

秘錄云。小兒有嚙乳頭如蝟而腐爛者。名之乳疳。亦曰乳頭破裂。乳兒則益爛而難愈。不乳兒則乳汁充滿而痛。成乳癰雖小瘡難治。宜攤中黃膏於綿片而貼瘡。欲乳兒則去中黃膏。攤遊奕膏於紙而貼之。不當齒於瘡口。又不濕瘡口而可也。凡乳病禁鍼線勞肩。看乳相并乳母之乳汁法。見于本書。

聖濟乳癰門曰。新產之人。乳脈正行。若不自乳兒。乳汁蓄結。氣血蘊積。卽爲乳癰。產後乳結癰門曰。產後多有此疾者。以乳汁蘊積與氣相搏故也。方輿載柴桂湯。排膿湯。梓葉湯。蒲公英湯。櫻皮湯。

### 小兒初生雜治

甘連大黃湯 小兒初生。當急進之。吐下穢物。甘草 黃連 大黃各五分

右三味以水一合。煮取五勺。以絹裹艾如乳頭。貼取吮之。

紫圓 千金云。兒服如麻子一丸。百日兒服如小豆一丸。

一貫云。小兒初生。有心下至臍下。如梅核。累累三四枚者。此胎毒也。宜急治之。經二三月。則難治。甘連大黃湯。加鬱金紅花。不消散者。用山蘭湯。兼用紫丸。則必消散矣。又顏色青白陰狀者。用五香湯。其重者。用四逆湯。雖然至小兒用四逆。則多難治也。病源云。小兒始生。肌膚未成。不可暖衣。

暖衣則令筋骨緩弱。又云薄衣之法。當從秋習之。不可以春夏卒減其衣。則令中風寒。從秋習之。以漸稍寒。如此則必耐寒。又云。不能進乳哺。則宜下之。又云。小兒始生。生氣尙盛。無有虛勞。微惡則須下之。又云。不下則致寒熱。或吐發癇。或致下利。此皆病重。不早下之所爲也。千金方變蒸條云。若良久熱不可已。少與紫丸。微下熱歇便止。若於變蒸之中。加以時行溫病。或非變蒸時。而得時行者。其診皆相似。惟耳及尻通熱。口上無白泡耳。當先服黑散以發其汗。熱當歇便就瘥。若猶不都除。乃與紫丸下之。散黑

者麻黃杏仁  
大黃三味也

又云。蒸者甚熱。而脈亂汗出是也。近者五日歇。遠者八九日歇也。當是蒸上。不可灸刺妄治之也。又云。凡乳兒不欲太飽。飽則嘔吐。每候兒吐者。乳太飽也。以空乳乳之。即消。

幼幼集成簡切辨證 小兒熱症有七 面腮紅 大便秘 小便黃

渴不止 上氣急 足心熱 眼黃赤 小兒寒症有七 面皎白

糞青白 肚虛脹 眼珠青 吐瀉無熱 足脛冷 睡露睛

簡易方云。小兒臍風。獨頭蒜切片安臍上。以艾灸之。口中有蒜氣。即止。保嬰錄亦云。入門云。撮口風。面目黃赤。氣喘。啼聲不出。舌強唇青。撮口聚面。飲乳有妨。又臍風。其症臍腫突。腹脹滿。或日夜多啼。不能飲乳。甚則發搐。撮口。口是爲內搐。不治。凡臍邊青黑。爪甲黑者。俱死。按直指方。臍風撮口。用紫丸。又袖珍小兒方。治臍風撮口。瓜蒂散吹入鼻內。啼則可。

療。良方云。每日頻於無風處。看小兒上膊頰內。有白泡起。以指甲刮破。拭淨之。治襁褓中小兒臍風撮口法。聖右視小兒上下斷。當口中心處。若有白色如豆大。此病發之候也。急以指爪正當中指之。自外達內。指令匝。微血出。亦不妨。又於白處兩盡頭。亦依此指。令內外斷。應手當愈。治小兒臍久不乾。赤腫膿出。聖當歸焙 右一味。爲末極細。少少著臍中。頻用之。小兒諸病。但見兩眼無精光。黑精無運轉。目眇無鋒芒。如魚眼。貓眼之狀。不治。聖凡診小兒。大指按三部。一息六七至平和。八九至發熱。五至內寒。聖三歲後則以一指轉側。辨其脈。五六歲後。脈六七至爲平脈。聖

千金云。兒初生。叫聲連延相屬者壽。聲絕而復揚急者不壽。臍小者不壽。自開目者不成人。目視不正數動者大非佳。汗不流不成人。小便凝如脂膏不成人。頭四破不成人。早坐早行。早齒。早語。皆惡性。非佳人。陰不起者死。陰囊下白者死。赤者死。卵縫通達黑

者壽。古右兒命短長法上之按。草也。三文載于本書。

家翁云。初生小兒。胸肋膨脹者。胎毒也。紫丸主之。按予家。初生小兒。經二十四時而乳。有胎毒者。經三十六時而乳。小兒以顙門之動緩者。爲無病之兒。又握手而不開者。爲壯健。開手者不成人。赤子小便之狀如蓐形者。壯健而能育也。屢試屢驗。後世方書。有虎口三關視手紋法。其論糊塗。不可從矣。小言云。臍帶將脫時。不可浴兒。浴則發臍風。臍帶脫。則宜灸

瘡口。小艾一炷而佳也。但悉灸濕處不拘形。經五六日而瘡口愈後。宜令浴。必無臍風撮口之患。

鵝口

甘連大黃湯 或加石膏 瀉心加石膏湯 有熱者宜此湯兼紫丸。

紫圓 鵝口用右之二湯兼用此丸。

朱礪散 方見口舌門 用絹裹手指蘸水拭口。三五次。塗此藥。

按聖濟有枯礬辰砂二味等分之塗藥。吾先師用之。有效。華岡氏用金鎖七冰礪散。內服涼膈。甘連大黃。黃連解毒等也。和田氏云。鵝口用附子者。百人有一人必死。方輿載涼膈。附子瀉心。錢氏白朮散。

吐乳

小半夏湯 同加茯苓湯 吐乳初發。用此二方。秘結者。兼紫丸不應者。

以伏龍肝汁煎用。

吳茱萸加黃連湯 治吐乳將發驚者。 吳茱萸 黃連 生薑 各六分

人參 大棗 各二分 右五味。以水一合五勺。煮取五勺服。

旋覆花代赭石湯 一貫云。吐乳暖氣腹鳴者。此湯有效。予未試。

厚朴七物湯 家君吐乳腹滿者。用之兼紫丸。

紫圓 理中加茯苓湯 吐乳下利者。或加附子。

七寶丸 活幼口云。幼兒乳不止。服此立效。風粉一錢。鹽七粒。去皮研勻。丸麻子大。每服三丸。鹽湯下。

用輕粉丸。

按戴氏嘔吐噎膈

四逆湯 吐乳發搐者 一貫云吐乳下利者或用甘草乾姜湯吐乳諸藥無效者炒米煎服有效吐乳後發搐惡候也發搐而吐乳者不然也吐乳發搐宜四逆湯

友人越川氏云吐乳將發驚者易其乳母則愈愈而後復令吮其乳汁佳雖實母乳汁可易之必愈妙

吐乳候法 小兒有飽乳而含乳汁於口徐徐吐乳者又有乳兒即抱持而動兒體吐乳者皆此非病也乳兒而不少動兒體吐乳如湧者爲之吐乳也

病源云凡小兒霍亂皆須暫斷乳又曰小兒吐利不止血氣變亂即發驚癇也

入門云吐瀉不止久則變成慢驚與疳

### 丹毒

大青龍湯 葛根加石膏湯 小柴胡加石膏湯 大柴胡湯 黃連解

毒湯 丹毒攻心者急用此湯兼承氣或紫丸

調胃承氣湯 紫圓 鍼 雲門尺澤委中亂刺丹上出血 蟬針 施

丹上

犀角 方輿云丹毒無大熱色甚赤眼中生血絲或煩躁者毒劇也宜用此

入門丹毒門云赤腫遊走遍身不定其始發於手足或頭面胸背令人煩

悶腹脹其熱如火痛不可言若入小腹陰囊如青傷者死又曰治法先用針砭去血外用拔毒涼肌之藥敷又曰凡丹毒變易非輕如經三日不治毒氣入裏腹脹則死按病源論丹毒二十九種千金引肘後云丹毒須針鑱去血聖濟云治法用鋒割明不可緩故也玉案云丹毒火症也小兒出胎後多有此症近則五六日或十日或半月遠則踰月後或兩三月其病形不同一貫云丹毒發於陰股上至臍及心下者難治發面部下至腹及脚者易治按病源云留火丹之狀發一日一夜便成瘡如棗大正赤色又丹發兩臂赤起如李子謂之鬼火丹也由是觀之丹毒突出而腫者希有焉千金有丹毒塗藥赤小豆末以雞子白調塗丹上乾即易按丹毒宜春冬鍼之夏秋施蟄針而後塗此藥東郭翁曰丹毒無陰症凡患丹毒人十中七八腹石硬也丹毒自上來者鍼俗曰腕力瘤處出血最效

方輿有犀角消毒飲連堯湯

夜啼客忤

甘麥大棗湯 驚啼加鐵粉

甘連大黃湯 紫丸 停乳者用此湯兼紫丸

柴胡龍骨牡蠣湯 驚啼或用此湯

小建中湯 小柴胡湯 大柴胡湯 此三方因腹狀用之

小言云夜啼用紫丸等無效者灸不容天樞二三日數十壯甚驗 聖濟

云。嬰兒氣弱。府藏有寒。每至昏夜。陰寒與正氣相擊。神情不得安靜。腹中切痛。故令啼呼於夜。名曰夜啼。接病源。及千金之論。蓋而不足取也。時珍曰。小兒夜啼。多是

停乳腹痛。余每以蠟僵巴豆藥一二丸服之。屢效。經驗良方云。小兒腹

痛啼哭。如口角青者。蟲症也。抱起稍止。臥之則大啼。蓋臥則蟲攻上。起則蟲攻下故也。按初生小兒。有發熱鼻塞不通。不能吮乳。大啼者。用麻黃

湯則愈。若不愈者。胎毒在頭也。以家方芫青膏貼百會。則必愈。累用累驗。

方輿云。夜啼客忤。一二歲之間病也。方輿載千金生地黄湯。

### 馬脾風

麻杏甘石湯 馬脾風初發。用此湯。兼甘遂丸或紫丸。

越脾加半夏湯 此湯麻杏甘石之一等重者也。

瀉心湯 紫圓 姑洗丸 七寶丸 救喘丸方家 化毒丸 小言云。用

二分效。

醫學綱目云。暴喘。俗傳爲馬脾風也。大小便噎。宜急下之。用牛黃奪命散。後用白虎湯平之。馬脾風在百日內者不理。按奪命散。黑白牽牛。大黃。檳榔。四味散藥也。三歲兒每服二錢。冷漿水下。涎多加膩粉少許。又同書有辰砂。輕粉。甘遂。三味無價散。曰治馬脾風悶亂。入門馬脾風。用麝香丸。聖濟喘急門。有砒石。瓜蒂。小言云。馬脾風惡病也。重於驚風。可十治一二。按馬脾風。小兒之喘息也。故病源。千金及翼外臺。聖濟。無馬脾風病名。往古長幼共謂之喘也。馬脾風後世之俗稱也。方輿載參連湯。

急慢驚

葛根湯 金匱曰太陽病無汗而小便反少氣上衝胸口噤不得語欲作剛痙。

按驚風壯熱者宜用此發汗。

還魂湯

方見卒死

此湯即傷寒論麻黃湯加麻黃一兩者也無汗表實卒然昏

冒者用之與便閉裏實用備急等者不同宜詳診察焉。

小柴胡加大黃湯

袖珍小兒方云療急驚風有熱者。

柴胡龍骨牡蠣湯

驚惕不安動氣盛者。

石膏黃連甘草加鐵砂湯

治急驚有熱瘈瘲劇者。

本方加鐵砂一錢

煎服或入蜜服。

按滋德堂方有救急驚神方石膏十兩辰砂五錢研

末用生蜜調下是亦類方也和久田氏和田氏此症用風引湯。

大承氣湯

痙爲病胸滿口噤臥不著席脚攣急必齧齒。

瓜蒂散

子和曰小兒三五歲或七八歲至十餘歲發驚涎潮搐搦如拽

鋸不省人事目睛喘急將死者

中略

輕者爲驚風天吊重者爲癇病風搐

可用吐涎及吐之藥。

按子和風搐反張往往用吐劑

詳于事類

紫圓

走馬湯

急驚腹滿口噤便秘者宜用此下之屢驗千金云凡灸

癰當先下兒使虛乃承虛灸。

姑洗丸

急驚痰涎壅盛者或兼用之。

理中加附子湯

真武湯

慢驚風下利者。



通脈四逆加豬膽汁湯 白通加豬膽汁湯 慢驚慢脾風下利者與通

脈四逆多灸神闕尚不愈者可與白通加豬膽汁湯如無豬膽則以熊

膽代之亦可白通人尿也男兒三歲爲佳醫方集解用五歲尿

灸慢驚風 神闕 氣海 天樞 章門

鍼 方輿云小兒稱驚風者詳診之若有青紫筋者乃爲痧病可放而已

本莊氏云小兒有可刺絡之證如急慢驚直視咬牙之類是也

肘後療驚癇癇掣

幼幼新書

右取熊膽一兩豆大和乳汁及竹瀝汁服去心

中庭效驗

七寶丸 急驚發汗後或用此丸有奇效本草水銀條云治小兒驚熱

潮附方云小兒癇疾急驚墜涎本草小兒驚癇門云水銀輕粉並主驚

癇風痰熱痰聖濟急驚門有水銀劑二十餘方

有持云慢驚爪章門有知覺者宜施治還魂湯急驚妙藥手足掣抽宜龍

膽湯 病因考驚癇門云治方熊膽灸 按方輿載桂枝加桂湯風引湯

龍膽湯參連湯衝心者用參連其劇者加熊膽二分名熊參湯又載烏蝎

散通關散雄黃解毒丸 聶久吾云慢脾風者即慢驚失治而甚者耳其

實難大分別亦不必別立治法 寇氏驚風論曰微傷寒陰陽二證之治

而可也 小言云驚風者胎毒成塊不時奔騰者也瀉心大小柴胡參連

白虎熊參湯紫丸等可撲用又云小兒夢驚夢成驚者灸章門效 千金

驚癇條云未下有實而灸者氣逼前後不通殺人又云大動手足掣癇者

盡灸手足十指端。又云。病發身軟。時醒者。謂之癇也。身強直反張如弓。不時醒者。謂之瘈也。又云。兒有熱不欲啼乳。臥不安。又數驚。此癇之初也。服紫丸便愈。不愈復與之。聖濟云。小兒急驚之狀。身體壯熱。痰涎壅滯。四肢拘急。筋脈牽掣。項背強直。目睛上視。牙關緊急。古人謂之陽癇。又云。小兒慢驚者。癇病發於陰也。其發則手足痠癢。頭目搖動。牙關緊閉。神情如醉。休作有時。潮搐不定者。謂之陰癇。薛氏曰。眠見睛者。虛也。眠不見睛者。實也。和田氏曰。慢驚口噤。爲笑狀者凶。入門諸驚門云。重者。牙關緊急。搖頭竄視。張口出舌。角弓反張。身體掣顫。手足搐搦。四肢踳攣。局方謂之入候。

候癇法

千金

弄舌搖頭。

身熱小便難。

意氣下而妄怒。

臥夢笑。手足

動搖。

臥惕惕驚。手足振搖。

身熱目時直視。

身熱頭常汗出。

鼻口

青時小驚。

小兒髮逆上。啼笑。面暗色不變。

眼不明上視喜陽。

鼻口

乾燥。大小便不利。

此十一條。候癇法之微萃也。千金有此一條。別爲癇之初也。全文見本書。

按三因方云。小兒發

癇。俗云驚風。由是觀之。癇雅語。驚風俗稱也。至宋醫俗共謂之驚風也。

外臺引肘後療卒得癇方。

釣藤甘草各等分煎服。本草驚癇條云。此方

主小兒寒熱十二驚癇胎風。

預防驚風灸方。并論驚風不治之症。皆詳

于本書。

疳癖

茯苓飲加澤瀉黃連湯

治小兒疳疾。小便渾濁。如米泔。食易飢。肚大青

筋瘦弱者。或枳實代甘草。或兼鷓鴣菜丸。或消黃丸。每日宜餌食鰻  
鱺山蛤蟾蜍雞子之類。

小柴胡湯 柴胡姜桂湯 大柴胡湯 此三方疳疾有熱者用之。或因  
腹狀用之。

小建中湯 腹痛者。

理中加茯苓湯 下利不渴者。

猪苓湯 下利有渴者。

紅礬丸

方見黃帝

疳疾好食生米土炭紙灰土器等者。三四歲兒。則每日服  
此丸五六分。七日而有效。不用煎湯而可也。

鷓鴣菜湯

紫圓

疳疾有蟲者。用此湯。兼用紫丸。

七寶丸 疳眼遮睛者。有用此丸。症每日用五六粒。

灸章門 有持云。疳疾形氣未衰者。宜灸章門。其效勝於藥石。播州有治

疳名醫。十之八九灸章門。

病因考。疳疾門云。治方灸自九至十四。痞根章門。用熊膽。餌食山蛤鰻鱺

治小兒疳積腹脹如鼓。

世濟

蝦蟆

去頭足皮腸。止用本身四腿。以白水

入鹽酒葱椒煮熟與吃。以愈爲度。

治疳勞秘方

大青烏霜

鰻鱺霜

各等分

右二味爲糊丸。隨兒長少。斟

酌與之。

牛山曰。疳疾多生脾胃實熱。不宜補藥。可用殺蟲劑。白礬遮眼者。鱈魚肉

灸食效。本莊氏痘眼生昏翳者，用兔屎丸。按本草兔屎主治云：目中浮翳，勞瘵，五疳，疳瘡，痔瘻，殺蟲解毒。附方引普濟方云：痘瘡入目生翳，用兔屎，日乾爲末，每服一錢茶下，卽安。和田氏曰：疳疾疳勞，烏鴉霜爲末，白湯下，大效。又小兒腹有塊，所謂癰疾者，後世家用淨府湯無效，濕漆丸有效。按癰疾者，小兒之積聚也。錢氏云：癰塊者，僻於兩脇，聖濟云：僻在左右者癰也。因此考之，吾門所用柴胡消黃等也。又素靈千金，無疳疾，病源稱傷飽，哺露，大腹丁奚者，今之疳疾也。至宋盛稱之。錢氏曰：凡小兒疳在內，目腫腹脹，瀉痢青白，體漸瘦弱，疳在外，鼻下赤爛，頻揉鼻耳，或肢體生瘡。玉案疳疾門云：其症體常熱，黃瘦，小便如泔水，惡心腹脹，毛髮粘，面色痿黃，生白點，肚有青筋，頭上生瘡瘍，大便瀉下之類也。方輿載千金八神湯，及錢氏白朮散，毓嬰丸。紀聞云：行遲語遲，不因毒者，六味丸有奇效。胎黃之症，兒生下遍體黃色如金，醫通用茵陳劑。醫林云：或衣被太暖所致也，宜漸漸減綿厚衣被。云云予夏時嘗診赤子衣被太暖而發黃色，予叱之令減衣被，黃色漸漸去。

## 痘瘡

葛根湯 桂枝加葛根湯 麻黃湯 大青龍湯 初熱至出齊，撲用此四方。

桂枝加黃芪反鼻湯

伯州散 順痘起脹至瀰隱，用此湯。若起脹不十分者，兼用伯州，令餌食。

鹿肉等。

黃連解毒湯 痘色過赤無艷有熱者用前方兼用此湯熱去痘潤澤則

止此湯用前方又發斑者亦兼用此湯或用此湯兼用犀角。

黃芪當歸生薑人參湯 山 療痘無險惡症而難貫膿者 黃芪 當歸

各一錢 人參錢一 生薑七分

右四味以水二合煮取一合分溫二服或加

附子又加鹿茸反鼻類。

犀角 錢氏曰痘瘡稠密不拘大人小兒生犀于銀器中新汲水磨濃汁

冷飲服之又犀角主治時珍曰痘瘡稠密內熱黑陷或不結痂又頰曰

角尖又勝生犀 按痘瘡稠密三四歲者起脹至滿膿每日用犀角一

錢十二三歲者日用二錢神驗。

大柴胡合調胃承氣湯 治熱毒熾盛不能起脹惡熱心煩舌胎口乾不

大便或渴或煩躁外則乾枯焦紫者 按玉機微義如此症用涼膈散

主治云痘瘡已出發熱作渴脈實悶亂便實者。

白虎湯 主痘純紅臉赤而眼紅口氣熱唇口腫痛煩躁悶亂循衣摸牀

小便赤大便秘身如火發斑諸語實熱等症並治口氣臭。

和田氏曰煩躁無渴者用黃連解毒湯此因毒攻心也。

桃核承氣湯 治痘毒深劇醫所不能療 南涯翁痘瘡熱毒熾盛乾枯

焦紫將為黑陷者用此湯。

按痘瘡至用白虎承氣多難治也。

猪苓湯 瀉膿時下利者。

禹餘糧丸<sub>方家</sub> 下利不止者。

熊膽 治毒氣欲衝心者。

真武湯 灰陷白陷下利者。

茯苓四逆湯 煩躁者。

麥門冬湯 竹葉石膏湯 此二方治收醫時發渴者。

桂枝茯苓丸加大黃紅花湯 治收醫時腹痛者是熱毒凝滯瘀血作痛

也。

柴胡去半夏加括蕞連翹湯 治結痂後發熱或渴者若身熱壯盛大便

秘結小便赤澀者兼用承氣丸或每日用犀角五分有效。

承氣丸 紫圓 初發熱出齊之間用之。

麻黃附子細辛湯 治痘隱隱在皮裏不透表無熱惡寒或痘一出而內

陷如蚊迹或大便澀全陰狀者。蓋此症百人中有一人耳。

鍼 委中尺澤 艮山翁曰熱毒熾盛將痘色爲紫色者。

灌浴方 米泔八升入酒八合以病人坐盤中灌浴周身急被浴衣不須

拭乾臥覆取微似汗毒邪從汗外發沒者復起黯者忽赤紀聞云此方

治痘毒盛如發斑蚊點難發者。

痘疔以鍼挑破出毒血諸痘隨即灌膿若挑破不痛不出血者難治。紀

聞云痘疔大小不一痛至甚者也色赤者輕紫黑色者重逆痘有此症。

本間氏曰。痘疔發面部者。尤急可施治。內服宜痘瘡主劑中多加犀角也。

痘癰及丹毒。用水蛭大者五六枚。放腫毒頭上。吮去惡血。可以消丹癰癰腫。紀聞云。用鍼尤佳。內服涼膈散。若攻心者。黃連解毒。加消黃。痘疔癰丹毒。多不治者。

正宗痘癰門云。大如桃李。此多發在收醫之後。身涼不渴者爲吉。

痘瘡傷損者。白蜜七分。絲瓜水三分相和。重湯溫之。筆蘸塗。日六七次。方與

痘癰悶者。塗蜜。方與

痘起脹前後。有紫黑惡痘。二三顆交出者。宜鍼痘上出血。若多出者。針委

中尺澤。內服涼膈散。方與

蕃紅花湯。治痘毒煩悶者。蕃紅花分二。右一味。以水一合。煮取五勺。

溫服。此方有持之經驗也。又云發脹之力。反鼻勝乎鹿茸。南陽亦云。

先輩云。痘難收醫者。後必雜症生焉。痘後面黑者爲佳。如無痕跡者。恐生他疾。痘痛而手不可近者。爲吉候。小言云。或曰痘瘡灰白。痒搗者。用雞

肉煎汁有效。

眼科錦囊云。預防痘瘡入目。上好熊膽調和淨水點眼目。日兩次。必無一

失。東郭南陽亦云

痘毒迫咽。藥食不得下者。雄黃解毒丸有效。按痘科鑰。痰塞喉中者。

礬巴散吹喉中。白礬巴豆也。痘瘡看法。治痘入目法。并詳于本書。方輿載外

臺四物解肌湯。順逆湯。錢氏獨聖散。涼膈散。手捻散。連翹去麻黃湯。

麻疹

葛根湯 麻黃湯 大青龍湯 小柴胡湯 治寒熱似瘧者。入

小承氣湯 治便秘三四日者。入

白虎湯 黃連解毒湯 壽世云。麻疹已出。謔語煩躁作渴者。白虎湯合

解毒湯。

瀉心湯加地 芎歸膠艾湯 此二湯。或加犀角。主諸失血。醫通。犀角地

黃。加荊芥。

四苓散 猪苓湯 白虎湯 醫通曰。泄瀉爲麻疹之常候。熱邪得以開

泄也。發熱時瀉。小水短澹者。四苓散加木通滑石。入門云。煩渴作瀉者。

白虎湯兼猪苓湯。

黃芩湯 白頭翁湯 乾姜黃芩黃連人參湯 醫通云。麻之作痢。爲熱

邪內陷。在正沒或沒後。而痢下色白者。黃芩湯。下膿血者。白頭翁湯。瀉

久而成痢者。乾姜黃芩黃連人參湯。

桃花湯 得效方云。麻後痢。桃花湯有效。赤石脂和產。形如蠟色粉紅。或

淡紫。刀痕有光澤。煎汁清澄。無土臭者。可用。

越婢加半夏湯 治麻疹後。咳嗽不止者。方

柴胡去半夏加括蕁連翹湯 大柴胡湯 或加石膏。

犀角 麻疹後。餘毒有熱者。宜選用右之方。



入門云。沒後餘熱內攻。循衣摸牀。譫語神昏。喪智者。死。按此症宜黃連解毒犀角白虎承氣等類服之。或十救一二矣。麻疹者。火熱之病也。春秋之間。患之者。至輕矣。盛暑之時。患之者。至重矣。麻疹中。或麻疹後。患痢而多死矣。是無他。人身之火熱。與天之火熱相搏故也。麻疹候法。詳于本書。

打撲金瘡破傷風

瀉心湯 治打撲損傷。昏眩不醒。及血出不止者。金瘡亦用。重者下九痛丸。

桃核承氣湯 治打撲不傷。瘀血凝滯。腫痛者。

桂枝茯苓丸料加芎歸湯 治打撲輕症。此湯兼用。

承氣丸 芫菁膏方家

蟬針 大打腰脊。而瘀血凝滯而痛。不能屈伸者。急用桃核承氣湯。攤芫菁膏於綿片。大三四寸。以貼患處。日二次。一二日。而其痛如失。能屈伸。累用累驗。後用蟬針或亂刺。去惡血。打撲輕者。直用蟬針亦佳。

武羅牟都煎華 治打撲損傷。合歡花無花以木皮代之 續斷 樟腦 右三

味等分。以火酒煮。燉患處。

楊柏散同前 治跌撲損傷方。楊梅皮 無名異 小麥粉 黃柏各等分

右四味爲散。和醋或雞子白。以敷患處。

扶苓杏仁甘草湯 治有瘀血者。其人喜忘。不欲聞人聲。胸中氣塞短氣。

方。千金傷損門和田氏云。此湯症。打撲後發。疑似癰症之症者也。

芎歸膠艾湯。按千金傷損門。大膠艾湯。即此湯加乾姜一兩。其主治云。

治男子傷絕。或從高墜下。傷五藏。微者唾血。及金瘡傷經者。

走馬湯。治打撲劇症。和田氏東郭先生醫談有治驗。

桂枝加朮附湯。打撲經年月者。此湯或兼梅肉散。武田氏

按千金。打撲氣絕者。與熱小便二升。三因方亦用。入門云。內傷血入藏府。熱者童便入酒少許服立效。又云。人中白末每五分。酒服效。又云。血冷則凝。不可飲冷水。引血入心即死。又危症簡便云。皂莢末急吹入鼻。如活生姜汁和香油灌之。又急取百會穴。灸三壯立甦。正宗云。用消黃劑。不醒者。用獨參湯。正體類要用參附湯。

和田氏曰。打撲久不愈者。蔓陀羅花水煎服發狂而愈。秘錄云。不問金瘡何處。創口發痂痛。脈浮數。惡寒發熱。頭痛大便秘。小便少。或嘔或渴。或口舌乾燥。或眩暈爲常也。若大脫血者。創口失潤澤。面色萎黃。唇舌刮白。妄言謔語。面赤如狂。脈沉微。四肢微冷。或喘。或嘔吐不止。或呃逆。或寒戰。或自汗出者。皆凶候也。又云。金瘡內服。輕重俱宜。人參調榮湯。大脫血虛候多者。宜獨參湯。人參湯。疼痛不止。寒熱久不止者。宜逍遙散。眩暈頭痛。心下痞。便秘者。宜與苓桂朮甘湯。瀉心湯合方也。按人參調榮湯。華岡氏所作方也。人物湯加蓬萊根。牛皮消者也。人參湯即理中湯也。又正宗金瘡門載獨參湯。人參湯二方外。止血藥等也。千金金瘡條云。血出

便以石灰厚傅裹之。既止痛。又速愈。無石灰。灰亦可用。聖濟云。五倍子。龍骨。血竭。皆單行止血。正宗飛血不止者。傅金刀散。松香。枯礬。生礬也。病源云。凡金瘡。卒無汁者。中風也。腕折中風。瘕候云。若風入瘡內。犯經絡所致。瘕者。脊背強直。口噤不能言也。聖濟云。金瘡中風水者。以封裹不密所致也。三因方瘕敘論云。傷寒汗下過多。與夫病瘡人及產後致斯病。又本草瘕風條云。金瘡折傷瘕疽。產後俱有破傷風濕。發瘕之症。按瘕與破傷風爲同病。見前文可知。破傷風之名。始于千金傷損門。紫湯卽大豆紫湯。主治云。破傷風入四體。角弓反張。口噤不能言。云云秘錄云。凡金創傷于利刀而發瘕者。至少打撲損傷。或竹木刺類。多發此症。紀大豆紫湯。金千方見中風門醫說云。以此酒用荊芥末二錢。能治瘕。紀

聞云。破傷風瘕。葛根承氣亦不應者也。此方有效。

治因金瘡中風反強者。雞屎白一合。豆淋酒方。聖濟雞屎白一合。大豆六合。右二

味炒。令大豆焦黑。次入雞屎白。同炒。乘熱瀉於三升酒中。密蓋良久。濾

去滓。每服五合。如人行五里。更一服。汗出佳。未差。卽更作服之。以汗出

爲度。服後。宜喫熱生薑稀粥。聖濟又有治瘕方。雞屎白一味。浸酒吞。

治金瘡中風必效酒方。聖濟蒜蒜破去心。右一味。以無灰酒四升。煮蒜。令

極爛。并滓。每服取五合。頓服之。

治傷折不能避慎。令人中風發瘕口噤。若已覺中風。頸項強直。身中拘急

者。急先服此湯。竹瀝飲方。聖濟竹瀝三升。右一味。溫之。分作五六服。發口

灌之。

武田氏秘錄云。瘰癧破傷風。桃核承氣湯。兼用紫圓。凡瘰癧病破傷風之類。急刺合谷一寸五分。後髮際四分。商隱白各三四分。三里五分。出血。凡產後之瘰癧。急先開子宮口。灸百會膻中。瘍科瑣言云。創口乾涸。則破傷風之徵也。脈微欲絕。舌強不語。或有少振慄之狀。攻心自汗出者。必死之症也。葛根加大黃湯。兼用紫丸。或續命湯。或番紅花以童便服。或如聖散水煎服。屢效。凡此症。藥宜多服。脈沉澁者。多作瘰癧也。宜用心。按破傷風。瘰癧尤難治也。不可附子者。宜以雞屎白豆淋酒。多服回生散。若不應者。可用紫圓一錢。方輿載獨參湯。回生湯。雞鳴散。接骨木湯。

蟲獸傷

元生丸

方家

風犬傷急可用此丸一分。或二分。酒下。或砂糖湯下。不知。加至

三分五分。服後小便淋瀝。或出血。或下利。是毒從二便去也。見咬之初。

先餌以赤小豆。蕎麥。麻油。川鱗。海魚。鳥獸及酒。一切膏粱之類。

元生膏

見咬之初。急以此膏貼傷口。日二次。經十三四日。日一次。凡貼

此膏。二十日。或三十日。令口不合甚妙。

黃連解毒湯

用元生丸一次。或二次。後用此湯二三日。以解其毒。後用

葛根加大黃湯。或解毒劑等。

蝦蟆膽

附治狗咬傷。

治狗咬傷。

瘍科瑣言云。風犬傷者。蟾蜍生肉浸醋

食以多爲妙。

紫圓 狗咬傷毒甚者，用之。南陽曰：傷口報痊，數十日惡風口渴，舉丸內吊，二渡閉結，呼吸及迫者，將發瘰，宜急理之，與紫圓而取下。又云：刺尺沃委中。

小品方云：若重發者，生食蟾蜍膽絕良。又云：煩亂嘔已作犬聲者，天靈蓋末水服方寸匕。

赤水玄珠云：經久宿毒，復發者，多難救。雄香散主之。

雄香散方

雄黃

五錢

麝香

二錢

右二味爲末，作二服酒下。

家翁治犬咬傷，葛根加大黃湯加馬錢子，傷口貼元聖。鼠咬傷，葛根加大黃湯，多加鼠尾草煎服。兼用雄香散，傷口貼元生膏。如風犬傷，法食狸肉或貓肉妙。若發斑，刺去惡血。本草云：雄黃主一切蟲獸傷。若無鼠尾草，以雄黃代之。若無麝香，以青黛代之亦可。古今錄驗有青黛雄黃等分，水服方，曰治諸毒蟲傷。和田氏云：鼠毒甚於犬毒，犬毒至死者少，鼠毒至死者多矣。有成腫者，有成勞狀者。南陽亦云：又云：鼠毒，馬錢子無效。有持云：一人鼠毒，寒熱如瘧，羸瘦如勞，遍身洪腫垂死，百治無效。一醫用雄香散，日日利水，洪腫速愈。予治諸蟲獸傷，屢效，實無比神方也。雄黃稱古渡者，赤色明徹，臭氣少者，真雞冠雄黃也。秘錄云：蝮蛇咬傷毒至甚，見咬則腫，見咬手則其事乍至肩背，足之毒乍及腰腹。治法以細帶緊繫腫不至處，鍼傷口五六次，大出血，其毒如油，交血出，血盡則但毒出，尤不限傷口。腫處皆鍼之，大出血，後雄黃末和中黃膏貼之，用越婢加朮附湯，腫

消後宜五物經毒湯。腫不消散者。每日宜刺而出血。若其毒至深。腐敗者。宜參考癰疽及脫疽治法施治。蜂螫重症。治法與蝮蛇咬傷同。按醫學綱目。療蛇咬。用雄黃麝香白芷。聖惠方。蛇咬心頭熱躁。眼前暗黑。白礬甘草末等分。水服一錢。卽止。山脇氏。原氏。本間氏。狗咬。用白玉湯。杏仁三錢。桃根白皮二錢。水煎服。和田氏。甘草解毒湯。加馬錢子雄黃煎成。內鐵醬少許。溫服。俱詳于本書。方輿載甘草解毒湯。通堅散。雄香散。

湯火傷灸瘡。瘰癧。

桂枝去芍藥加蜀漆龍骨 牡蠣湯 惡寒甚者。用此。

柴胡龍骨牡蠣湯 大熱者用此。又灸後發熱者。

一滴膏方 治金瘡出血及湯火傷。諸疼痛者。乳香 椰子油各一兩 小

麥二合 麻油二合 右四味。先以小麥內麻油中。煮之二時許。小麥變黑

色。以浮游爲度。漉過去麥。內二味。烱解。以綿絮撮切者數片。內膏中。鋪之。

三味蒸劑方 三黃丸

按華岡氏。謂湯火傷不可傳燥劑者。確言也。傳之火毒內攻也。凡湯燄之及滿面者。急去腐皮。攤一滴膏於綿片。貼之。日二次。若惡寒者。與救逆湯。至翌日。有腐皮殘者。則以蒸劑或湯蒸之。去腐皮而貼膏。若壯熱者。與柴胡龍骨牡蠣湯。凡湯火傷有腐皮殘者。則後成瘡痕。取盡腐皮。則愈。後面部復。故無一點之痕。屢試屢效。若湯火傷。經二三日。腐皮急

難去者，日蒸而去腐皮，後貼膏，如此三四日，以能取腐皮盡爲妙。若患人四五歲，則宜不愈之間，傍人看護，不令搔面而可也。又湯火燒手指者之治法，詳于本書。千金方云：凡火燒損，慎勿以冷水洗之，火瘡得冷，熱氣更深，轉入骨，壞人筋骨難痊。又云：治火燒悶絕不識人，以新尿冷飲之。瘍醫大全云：火傷宜用羌活一兩煎服，俾火毒得汗外泄，庶免內攻。武田氏秘錄云：湯火傷內攻者，石膏黃連甘草湯，又火毒甚者，用紫圓下之。又遍身燒灼者，急萊菔汁，或童便隨使用之，後以好酒盛甕中，令病人浸入其內，則雖重不至死。此法出于廣筆記及本草彙言。龔氏曰：一人夜間回祿，烟薰致死者，以蘿蔔搗汁灌之，卽甦。按灸瘡不早愈，最效。何則？毒從此去故也。若久爛而不愈者，中黃膏加紅礬少許，貼之卽愈。凡不問何瘡，久爛不愈者，貼之屢效。又紅礬一味末，傅嵌甲瘡妙也。以鹽湯洗而後傅也。治漆瘡蟹黃塗方。聖生螳蟹。右一味取黃塗傅瘡上，日三五度。按漆瘡輕者，以生柳葉煎湯洗之，又芒消浸湯洗之，有效。重者無如生蟹者，不限黃播碎全身塗之，旦食之，則無內攻之患。

漆瘡作癢，譚氏方用蜀椒煎湯洗之。相感志云：凡至漆所，嚼川椒塗鼻

上，不生漆瘡。

本草蜀椒所方

諸骨哽竹木刺

療魚骨鯁在喉中，衆法不能去。

外

取飴糖丸如雞子黃大吞之，不去，又

吞。又方。小嚼薤白令柔。以繩繫中央。持繩一端。吞薤到哽處。引哽當隨出。又方。作竹篾刮令滑。綿纏內咽中。令至哽處。可進退引之。哽即出。

療食諸魚骨鯁久不出方。本右以皂角末少許吹鼻中。得鯁出。多秘此方。

治誤吞針方。聖磁石一握右一味口含之。即出。

誤吞針刺咽喉疼痛者。用亂麻筋一團。搓龍眼大。以線穿繫。留線頭在外。湯濕急吞下咽。頃刻扯出。其針頭必刺入麻中同出。如不中節。再吞再扯。以出爲度。

養鯨噎咽。遂巡至死。本朝釀醋灌鼻孔中。立噴出。

竹木刺硬深難出者。用蟻姑搗爛塗刺上一時許。其刺自然吐出。取去之。則愈矣。華岡翁亦云。按翁又云。針折入肉者。磁石末和膏貼之。即效。凡竹木刺硬深者。可託專門。

瘍科秘錄云。骨哽先完嚙米飯一塊。則自脫者也。若不脫者。用吐方爲良。策吐則骨哽等亦從而出。宜揆用雙礬水。吐酒石雙礬水方。礬石。丹礬。各五分。水一合。右三味混和。頓服。

微瘡

葛根湯 大黃牡丹皮湯 六物解毒湯 七寶丸 紫圓 黃連解毒  
加石膏湯 朱礬散方見口 解毒劑香 梅肉散 蟬針 伯州散



加味六物解毒湯

方見麻疾門

元生膏

丹霞條

山

治上部結毒。頭痛。癰瘰。及咽喉腐爛。方鉛

一分

水銀

二錢

朱

砂

錢一

沉香

錢二

人參

分五

右五味。盛鉛土釜上。火鎔化。內水銀。柳著拌

令相得。傾注于紙上。研至如泥。入朱砂沉香人參末三味。和調二十四分。填貯紙管。火燃吸煙。晝夜二次。

化毒丸

山

療微毒沉深。兼理偏枯。及一切瘡毒。腹痛等。薰陸

錢一

大黃

雞冠雄黃

亂髮霜

各三錢

生生乳

錢一

右五味糊丸。辰砂爲衣。每服一分。

日二夜一。病重者。日用至五六分。

下疳初起。與葛根湯。四五日後。用六物解毒湯。六七日熱解。而用七寶丸。凡六日至七日。服紫圓。瘡愈。口中腐爛者。用黃連解毒。加石膏湯。石榴皮煎汁。加枯礬少許。含漱。日七八次。朱礬散。水解塗舌上。腐爛愈後。與解毒劑。二十日許而止。若陰莖皮腫者。宜以鍼或蟬針。日去惡血。若痛劇。臭氣甚者。毒盛也。可用梅肉散。大抵七寶紫圓。丸散方之分量。半減而用之。有效。尿道內發下疳瘡。香川氏謂之竅內下疳。華岡氏謂之內疳瘡。世所謂自微毒來膿淋也。難急治。宜緩治之。用加味六物解毒湯。兼七寶丸。日一分。若陰莖腫者。用蟬鍼。或鍼去惡血。又有用大黃牡丹湯。秘錄猪苓加大黃湯。兼粉丸。便毒消散。則爲結毒。故難成膿者。亦令強成膿。爲上策也。宜與葛根湯。兼用伯州散。或負重任。日強力足。勞脚則起脹。若尙不起脹者。白芥子末。酒和塗瘡上。或貼元生膏。則必成膿也。膿潰則宜從腫瘍

之治法。後六物解毒湯兼用七寶丸。日一分或二分。若秘結者。或用牡丹湯。楊梅瘡初用葛根湯發之。後用六物解毒湯。熱解後。用七寶丸。痛劇者。用梅肉散下之。本間氏云。有瘡口膿汁凝固作蓋。漸成堆者。是不貼膏故也。又曰難愈者。宜化毒丸丹霞條。一貫云。下疳。下劑有效。梅肉丸。疳瘡痛甚者。可早用梅肉也。梅毒初有時時寒熱盜汗等症。宜先發表而後下之。經日數。則無若症。脈見沉細者也。方此時宜用五寶輕粉化毒等。又有用輕粉而下血者多死者。一家傳云。梅毒久不愈。頭有腫。按之爲凹而膿出。面色青黃。或頸項有瘰癧者。餌食雞肉有效。又爲痿躄狀者。入反鼻酒劑等良。梅毒一切諸藥無效者。鼯鼠霜酒服妙也。又瘡毒推藥方。胡桃七箇爲末。傳鼻柱。卽鼻骨之毒。忽移他。予傳之於或俗家也。試之妙。凡服輕粉後。覺胸中如有飲或嘔者。石膏有效。武田氏秘錄云。結毒實狀而重者。生乳劑。虛狀者。餌食雞肉。實狀而諸藥無效者。宜薰藥。凡毒結眼者。非薰藥無效。凡女子之結毒。多兼瘀血。見勞狀者也。宜兼用濕漆丸五寶丹。治上部結毒。食不進者。有大小柴胡症。按吾門梅毒骨痛。烏頭湯兼七寶丸。元生膏貼結毒有效。一男子咽喉結毒。絕食五日。以膏攤於綿片。徑四寸。以貼結喉上。一夜而發水泡。翌日食糜粥。貼之六七日。而能飲食。數日而愈。其他結毒於頭項手足等者。貼之。治數人。屢效。秘錄云。結毒治法。宜先與桂枝加朮附湯而動毒。後用輕粉化毒薰藥等。身體疲勞者。令餌食雞肉鰻鱺類。按本間氏咽喉結毒。用薰藥涼膈加石。重者

五寶丹。手足結毒。用解毒湯。化毒丸。頭顱結毒。用薰藥。防風通聖散。梅癰。用解毒湯。翹玄湯。薰藥。陰囊結毒。專斷截也。凡結毒。專外治者。可託專門。按凡病人。每病患附子劑之症者。希有焉。其人患下疳等。則宜與葛根。加朮附湯等。後與桂枝加朮附湯。不用他藥而愈。此症用輕粉丸。則多死矣。五郎兵衛街。近江屋某。三十五歲。嘗患傷風。或頭痛。或腰痛。或泄瀉等症。每病非附子劑。則不愈。爾後患下疳。予與葛根加朮附湯。家人疑予非專門。託外科治之。與輕粉丸。下利數行。變症蜂起。不日而死。一男子二十歲。患蠟燭瘡。素陰莖長四寸。腐蝕而爲二寸半。先考與桂枝加朮附湯。二十日。不用他藥。而腐蝕止。生龜頭而復故。只陰莖短於平素一寸半。方輿載四物解毒湯。及萎蕤湯。桔梗解毒湯。葳靈仙湯。芪歸湯。再造散。五寶散。紫金丹。凌冬飲。連翹湯。敗毒湯。通聖散。四順清涼飲。逐毒散。

### 癰疽

葛根湯。癰疽初發。惡寒發熱。頭項強痛者。宜發表之。

發背初起未成。及諸熱腫。以濕紙搗上。先乾處是頭。著艾灸之。不論壯數。痛者灸至不痛。不痛者灸至痛乃止。其毒即散。不散亦免內攻。神方也。李

兵部  
手集

若不堪熱痛者。宜隔蒜灸。先以濕紙覆上。立候紙先乾處。爲瘡頭。記定。然後用獨蒜。去兩頭切中間三分厚。安瘡頭上。用艾炷於蒜上灸之。每五炷換蒜再灸。如瘡大有十數頭。作一處生者。以蒜搗爛攤患處。鋪艾。蒜敗再

換。

桂枝加黃芪當歸湯

伯州散

將成膿則宜與此湯兼此散。或合排膿

湯。

大柴胡湯

黃連解毒湯

調胃承氣湯

大黃牡丹湯

至十四五日

大便秘結。口舌乾燥。或生黑胎。或嗜冷水及瓜菓。腹滿譫語者。宜撰用

此四方。

當歸芍藥散去澤瀉加參芪湯

黃耆當歸生姜人參湯

方見  
痘門

耆歸建

中湯

排膿湯

割截之後。

與芪歸桂枝合排膿湯。兼用伯州散。若膿

稀薄。則與歸芍散去澤瀉加參芪湯。兼伯州。餌食雞卵。或芪歸姜參湯

加鹿茸。若腐肉難去。只稀膿出。穢氣薰蒸。漸漸腐敗而深陷。脈微弱。身

體羸瘦。微惡寒者。右加減歸芍散料加附子。若腐肉已去。膿將盡。盜汗

出者。芪歸建中。或加龍骨。若消渴者。麥門冬湯加五味子。括蕁根。若四

肢鬱急者。芍藥甘草附子湯等。皆津液枯竭故也。

要訣云。癰疽未潰之際。增寒壯熱。狂言妄語。如見鬼神。膿去已多而大熱

不休者。似爲難治。蓋毒之得膿。猶傷寒表症之得汗。汗已而反大熱。則爲

壞傷寒矣。又云。出膿過多而羸瘦者。芍歸湯。方與凌冬飲。諸腫毒服之。

未成者內消。已成者即潰。其方忍冬黃芪各一錢五分。當歸三分。甘草一

分。右四味。以水二合。煮取一合。加酒更煎數沸。溫服有奇效云。予未試。

華岡氏曰。癰愈後。半年或一年之間。不可食蕎麥麻油。方與載敗毒散。

及連翹湯、涼膈散、凌冬飲、梓葉湯、櫻皮湯。

### 疔瘡

葛根湯、越婢湯、大青龍湯、面疔初發，急用水蛭三四十枚，令吮血後，宜撲用。右之三方，翌日亦施蟬針，如前日大出血，四五日則大勢已解者也。

黃連解毒湯加連翹犀角、三黃湯加石膏、表熱已去，裏熱者撲用之。大承氣湯、裏熱甚，舌上黑胎，便秘腹滿，煩悶將死者。大小柴胡湯、患處化膿後，桂萸寒熱往來者。

加減當歸芍藥散料、膿多出，腐肉盡去，熱漸退痛減者，宜此湯。本草引肘後方云：疔腫垂死，菊花一握，搗汁一升，入口即活，此神驗方也。冬月采根，按試此方，有神驗。菊花實治疔聖藥也。

秘錄云：有紅絲疔者，發於合谷及掌背，指縫指節及附上指縫指節，初生一點之小瘡，尖圓而如疥癬，四畔微嫩腫，紅絲自瘡上起，立走注也。發于掌背者，上攻至腋，發于附上者，至膝，惡寒發熱也。治法：針刺紅絲盡處，出血則不上攻而自消也。疔心亦針刺而出血，此症無至死者。紀聞云：疔發于手足腹背者可治，發于面者危矣。發于人中及口吻者，多死也。痘疔，針刺而貼破敵入衽，內服柴胡去半夏加括蕓連翹大黃湯，或黃連解毒湯加犀角。錄按千金云：凡療疔腫，皆刺中心至痛，又刺四邊十餘下，令血出。又本間氏曰：疔瘡不施針刺刀截之法，則多難救也。實確言也。

青洲翁云。患疔者。可嚴禁沐浴。素問曰。膏梁之變。足生大疔。按癰疽癰毒亦然。宜淡薄飲食而免此患。

瘰癧

翹玄湯 山脂家方

治蛇盤瘰癧。頸筋凝硬。

連翹 錢一

玄參

木通 各七

升

麻 羌活

山梔 各三

薰陸

甘草 各二

右八味煎服。

夏枯草煎 華

治瘰癧神方。

夏枯草 新鮮者百二十錢

鯽魚 八十錢去腸胃及極物

貝母 八錢

對以

以鯽魚紅

右三味。先以醇酒二升。漬夏枯草一日一夜。煮取五合。絞去滓。入鯽魚。更煮半日許。如膏下火。又去貝母。但食鯽與汁。三日而盡之。

若吐血則止服。

瘍科瑣言云。真瘰癧。未變色者。用夏枯草煎二劑。則消散也。應者能食。不應者嘔吐。又云。不可用斑蝥礬石等。瞑眩甚。且有翻花之憂。又云。瘰癧與乳岩同物也。秘錄云。真瘰癧。九死一生。難治。未成膿者。翹玄湯兼用夏枯草煎。此方尤有奇驗。用二三劑。則能消散也。間亦有殘核至小而不全消者。不治亦不爲害。用此二方而不消散者。宜令成膿。葛根朮附湯兼用伯州散。馬刀瘰癧生于頸核大橢圓而如馬刀。宜柴胡加石湯。夏枯草煎。不消散者。與葛根加反鼻湯。此症易成膿。不爲難治。微遠化膿者。易治。不化膿者。翹玄湯兼用丹霞條。摩擦神水膏。尙不消散者。斷截如施便毒。難化膿者之術。斷截後。貼破敵。結核於頸及頷下。似瘰癧者。頗多。眼病。或咽喉病。或服輕粉。口中腐爛者。或中免毒者。或痘瘡。麻疹。頭瘡。久咳等。



至四十九日自消。按聖濟有蝸牛丸。蝸牛半碗。雞蘇半斤也。

治五種瘰癧壯癰散方聖 壯癰研 連翹瓦上炒過各一兩 右二味爲散。每服一

錢。七臨臥酒調下。

治瘰癧內消方聖 小麥淘淨 右一味。煮三五升。頻喫即愈。按本草瘰

癧門云。消瘰。小麥醋浸同海藻末酒服。

治瘰癧結聚不散。鞭如石聖 大蒜搗爛 麝香研令 右二味。和勻。傅於

帛上。貼之一日。二易。旋擣最好。

治鼠瘻方聖 蛻螂燒存性 用醋調如糊。先以鹽湯洗瘡。塗傅。日再易。

南星膏醫 治皮膚頭面生瘤。或軟或硬不通。生南星大者一枚。研如膏。無生者乾者爲末。

右醋調如膏。先將小針刺令氣透。以膏攤紙上。如瘤大小貼。覺痒則頻

易貼。

本草云。鯽魚生瘻。塗惡核腫毒。不散及癰瘡。

肘后云。芥子末和醋。塗瘰癧。

青膏 五爪龍細剉。以麻油一升煮之。令黑色。布濾去渣。內蜜蠟八十錢。

再煮。以盛陶器。安水中少時。乃成膏。如不成。則更加蜜蠟適宜。再煮之。

可也。一切瘰癧。貼之速消散也。又貼乳腫痛妙也。松岡玄達翁之試效

也云。

妙靈散朱氏 治瘰癧 滑石 右爲細末。每服二錢。

聖方同 治瘰癧破與未破。及膿血淋漓。其效如神。 牡蠣煨八 甘草二



右二味勻拌。每服二錢。

病因考云。獨顆者爲結核。續連者爲瘰癧。此症宜餌食肉物和氣血。能成稠膿而愈。不然則不成膿。只黃汁出難治。浴溫泉。且多灸肩井膏肓。身柱曲池等。說約瘰癧門。家方順氣劑。擇加果荅薏貝枯。或排毒劑。解毒劑。食療果羸餅灸。溫泉。漫遊雜記。瘰癧服瀉心湯。兼服再造散。又絲瓜黑燒酒服一錢。日三。灸法與病因考同方輿云。真瘰癧。自氣鬱滯生。又云瘰癧。自胎毒來者。土萆薢湯。兼用玄龜丹。又兼服再造散。初起未甚者。用忍冬花。蒲公英。各四五錢。以水二碗煎。朝夕代茶飲之。多飲有效和田氏云。瘰癧。雞肉多食良。灸法。與病因考同。外有肩顆肘膠膝眼。按後世之方書。瘰癧門載十六味流氣飲。予弱冠時。一女子患瘰癧。用流氣飲百餘日。無寸效。遂疲勞而死。華岡氏云。真瘰癧。與乳岩同物也。予意初與夏枯草煎。若不應。則宜翹玄湯。兼服七寶丸。日一二分許。然非久服之。則無效。三因方。瘰癧門。必勝丸方中。有輕粉鯽魚。白花蛇散方內有膩粉。又蘭書以水銀爲解凝劑。瘰癧用之。若病人壯實。則薰藥亦定有效。可試也。

治疣方

川穀

甘草

少

右水煎多服而妙也。

方輿載夏枯草湯。瞿麥湯。小柴胡湯。逍遙散。土萆薢湯。桔梗解毒湯。再造散。逐毒散。伯州散。

疥癬瘰癧

葛根加反鼻湯或加大黃

桂枝加黃芪反鼻湯

濕疥重者。發表後。用

此

六物解毒湯

疥瘡出膿久不已者。土茯苓上品多用有效。持

蓖麻子散

元聖膏

蜈針

按疥瘡初發。香川氏用排毒劑。和田氏用

浮萍散。本間氏用五物解毒湯。即四物解毒加荊芥湯也。

病因考疥癬門云。治方土茯苓劑。食雞肉及鼠肉。則能發早愈。禁外傳藥。

和田氏云。疥瘡初發用發表之藥。七八日後用解毒劑。瘍科瑣言云。

疥瘡初發。宜發表。多食鼠肉狐肉。即能發也。行餘醫言。疥瘡門云。若用

外敷藥愈之。或浴冷泉取速效者。甚則直成暴水腫而死。證治要訣云。

疥癬疥。此雖皮膚小疾。不足爲害。然瘡有惡瘡。癬有頑癬。疥癬嚼膚。尤爲

煩擾。甚至經年累月。不能脫洒。凡病此者。不當專用外傳藥。須內宣其毒

可也。按濕疥重者。初起與葛根加反鼻湯。半月或一月許。時時食雞肉

鹿肉等。十分發而後。與桂枝加黃芪反鼻湯。二三月或四五月。膿盡欲愈

時。以蓖麻子散擦遍身。只當避頭面及頸腋。下肘膝。手掌足心陰處。肛門

邊。凡七日。休息一二日。而入浴桶。與六物解毒湯半月許而止。是治濕疥

之正法也。如此。則非止愈疥瘡。從來之宿疾。脫然而去。香川氏謂外瘡之

發出者。最是喜事。亦宜哉。正宗云。夫疥者。微芒之疾也。發之令人搔手不

閑。實煩擾之病也。思早愈之。而勿用七寶梅肉等。內攻而爲暴水腫。多至

死者。慎哉。慎哉。疥瘡初起。有可附子者。宜葛根加朮附湯。凡濕疥出膿時

盜汗出。故用桂枝加黃芪反鼻湯。又乾疥雖輕者。遠浴。五六月而後。可擦

蓖麻子散。決無內攻之患。或與葛根加荊芥湯。又疥瘡漸瘥。手足處處結聚。而出膿者。宜貼元聖膏於瘡上。或施蟬針妙也。頑癬初起。未蔓延時。貼元聖膏於瘡上。後施蟬針。或亂刺去惡血。內服葛根加大黃湯。膿瘡者。施蟬針。又貼元聖膏。或亂刺而出血。內服葛根加大黃湯。按香川氏謂疥癬膿瘡及腎囊風。禁外敷速愈藥。并溫泉者。確言也。予往往見犯此禁而死者。可慎。方輿載浮萍散及苦參一味湯。四順湯。再造散。治膿瘡楊梅皮湯。

和泉屋清助妻。年五十。頭上悉生小瘡。膿汁凝固。成痂不得梳者。一年。醫二三輩。療之不愈。請予。予與葛根加大黃湯。以剪刀除去百會穴處膿汁。凝固成痂者。徑三寸。貼元生膏。日取毒水。六七日。瘡爛處。施蟬針十餘枚。去惡血。復施元生蟬針。如前三次。則膿汁盡。落痂一月而全愈。此症元生之功大。

### 痔脫肛

當歸芍藥散。加入參地黃湯。芍歸膠艾加三七湯。瀉心湯。斷截痔。漏腸痔。則宜用加味歸芍散料。若出血過多。則用膠艾加三七湯。三七廣東人參也。

桂枝茯苓丸料合瀉心湯。桂枝丸料合黃連解毒湯。腸痔。脫肛痔。與桂枝瀉心合方。又內痔不宜大黃劑者。與桂枝解毒合方。脫肛痔陽症。大腫而疼痛者。用桂枝瀉心合方。腫上施蟬針而出血。屢試屢效。

本事方  
續集論

脫肛痔

桃花湯

傷寒論

脫肛痔陰症。無疼痛焮腫之患。平生只有便信。屢如廁。裏急後重。而大便不通。唯脫肛。脫肛則便信暫止。歸則復如廁。一日數行。漸漸脫肛長大。後每度下血。面色萎黃。宜此湯。或云柴胡去半夏加芒歸升麻赤石脂湯。神驗。

芎歸膠艾湯

黃連解毒湯

紅礬丸

方家

脈痔者無痛。下血一次一二

合。或三四合。俗稱波志利痔。宜撰用此二湯。虛里動高者。兼用紅礬丸。又有世俗稱切痔及裂痔者。此亦大便交點血者也。酒客多此症。大便則痛甚。肛門破裂也。不宜大黃劑。宜桂枝解毒合方。或歸芍散解毒合方。且灸長強。每日一百壯。

大黃牡丹皮湯

內痔。無腸內破裂。但痛甚者。催痔漏之兆也。宜與此湯。

雄黃薰

金匱

苦參湯

金匱

患痔人。肛門生蟲。謂之蟲痔。宜撰用此二方。苦

參湯。金匱不載方。金鑑載之。苦參一升。以水一斗。煎取七升。去滓。燂洗。日三。

六物解毒湯

七寶丸

微痔用此二方。

看法詳于本書

蟬針。脫肛痔及牡痔。施之有效。予素有牡痔。發則以水蛭八九枚。令啞

患處。不愈。則次日亦施之。即愈。

辰砂膏

方家

治一切痔痛。椰子油

辰砂

右二味。冬時直合和攤於

綿片。貼之。夏時加黃蠟適宜。內痔入此膏於肛門內。

治痔方

千金

以蒲黃水服方寸匕。日二。

外臺云治痔疾每大便常有血者。

治五痔小香連丸方

黃連

黃連

黃連

右一味爲末。以雞子清和。丸梧子

大。每服十五丸。溫酒下十服取效。

治血痔地榆散

地榆

地榆

地榆

右一味。搗羅爲散。每服二錢匕。飯飲調下。

日三服。

和田氏云。一切痔疾。除脫肛皆金鈴散有效。兼用於解毒劑等可也。

金鈴散

病因考云。今之下血者。多痔也。內痔痛甚者。後爲漏也。又云。脫肛

痔中之一症也。痔不下血者。灸腰眼入膠。脫肛者。宜餌食大牢及兔雞卵。

說約。痔漏脫肛門。家方解毒劑馬膏。或熊膽猪脂之類點之。肛脫者塗

之。以綿推入。食療。鱉肉。牛肉。雞肉。雞卵。灸。溫泉。兔肉。

治痔方

金

塗熊膽取瘡止。神良。一切方皆不及此。

鮓魚泥

治痔痛

鮓魚去鱗腸爲泥。塗痛處。

治痔痛

蝸牛四五十頭。以麻油煮。以爲膏爲度。

治痔痛

蟲痔坐藥

胡粉水銀各等分。調和。綿裹。夜臥入穀道中。

肛門痒不可忍。殆似蟲痔者。半夏末和姜汁。先洗肛門後塗之。即愈。

治痔疾

下部發腫。痛不能行者。半夏。研令極細。入龍腦少許。同研。用

津唾調。攤紙上貼之。良久有水出。漸消矣。

久冷五痔便。灸脊中百壯。五痔便血失尿。灸回氣百壯。穴在脊窮骨上。

金干

南陽云。痔疾下血。及久下血。用人參湯加茯苓。得大效。正宗痔漏下血。用加味四君子湯。醫說。腸癖用人參散。取奇效。皆同意也。又云。痔灸長強入膠。

治脫肛

一醫秘方

傷寒論桃花湯。赤石脂禹餘糧湯。二方合和。糊丸服。赤石

脂醋製

此方小兒最有效。

又方

直指方

慈石半兩。火煅醋淬七次。爲末。每服一錢。

又方

金干

以鼈頭炙研。米飲服方寸匕。七日二服。

治脫肛歷年不愈

金干

鼈頭一枚。燒令烟絕。治作屑。以傅肛門上。進以手

按之。

有持云。鼈頭內服外傅皆妙。

又方

金干

蒲黃二兩。以猪脂和。傅肛上內之。二三度即愈。

脫肛藥餌方

雞一頭。去羽腸。以牛黃六分。黑豆三合。入腹內縫。以香酒

三升煮之。以摘鑷拔出骨爲度。七日食。

一小兒三歲。痢後脫肛四寸。動則肛觸衣而痛。日夜號泣。里醫療之不愈。

經半年。予以陳壁土五倍子煎汁洗之。傅五倍子末。與柴胡去半夏加芪

歸升麻赤石脂湯。七日而半收。十五日而全愈。

灸法

金干

病寒冷脫肛出。灸臍中隨年壯。脫肛歷年不愈。灸橫骨百壯。

又灸龜尾百壯。

龜尾即後病處是也。

方輿載四物解毒湯。凌冬飲。排膿散。單牽牛散。再造散。輕粉丸。

卒死

備急圓

走馬湯

還魂湯

救卒死客忤死

麻黃

桂枝

甘

草一

杏仁

右四味以水八升煮取三升去滓分令咽之通治諸

感忤

千金方云主卒忤。鬼邪飛尸。諸毒初起。無不效。今已無。口熱不開。去下湯。傷人口不下者。分病人髮上左右足脛。引之藥下。復取一升。須臾立起。

按還魂湯千金方及翼外臺有桂枝二兩。肘後千金翼皆用麻黃四兩。

今從之。金鑑云。便閉裏實者。用備急丸。無汗表實者。用還魂湯。予意麻

黃分量多。而加桂枝者。微表有力。故用之。或曰。然則稱麻黃湯可也。予

答曰。麻黃湯麻黃三兩。此湯麻黃四兩。所以有還魂之名也。

救卒死方

金

吹皂莢末鼻中

又方

金

灸心下一寸。臍上三寸。臍下四寸。各一百壯差。

又方

附

灸臍中百壯。又方令人痛。爪其人之人中取醒。

千金翼卒死門。治卒忤方。灸人中三十壯。又灸肩井百壯。

療卒死而口噤不開者。外縛兩手大拇指。灸兩白肉中二十壯。

驚怖卒死

本

溫酒灌之即醒。

入浴暈倒

本

以冷水噴面。及澆周身。苦酒一升。灌口鼻中。

療入井塚悶冒方

本

急解患人衣。偃臥濕地上。以醋噴其面。蓋以草

薦半時許。即甦。

紹氏云。生姜一兩。酒煎頓服。

按偶欲入舊井及土室土窖。則當試下燈火於其中。其次乍滅。則勿急入焉。入則忽中惡氣而死。縱不死必病矣。宜灌醋二三升於其中。飲食

酒飯而後徐徐入焉。

療五絕方

金千

夫五絕者。一曰自縊。二曰墻壁壓走。三曰溺水。四曰驚寐。

五曰產乳絕。皆取半夏一兩。細下篩。吹一大豆許。內鼻中即活。心下溫者。一日亦可活。

案本草類目以縊死溺死壓死凍死驚死爲五絕。亦主此方。

救自縊死法。在金匱略之。

又方

金千

皂莢細辛末吹兩鼻中。

又方

金千

凡救自縊死者。極須按定其心。勿截繩。手抱起。徐徐解之。心下

尚溫者。以麝香覆口鼻。兩人吹其兩耳。

又方

金千

強臥以物塞兩耳。竹筒內口中。使兩人痛吹之。塞口傍無令氣

得出。半日死人即噫噫。即勿吹也。

又方

金千

藍青汁灌之。

願體集施金匱之法。灸湧泉。瘍醫大全云。必須心口尚溫。大便未下。舌未

伸出者。救治。

紹氏云。肛門出糞者難治。或云縊死。人中溫。而肉柔軟者。施拳家之活法。

則甦。若人中肉堅硬者不治。

救壓死法

三因

以死人安著。將手袖掩其口鼻。眼上一食頃活。眼開與熱

小便。若初覺氣絕而不能言。可急劈口開。以熱小便灌之。打撲者亦用

此。

按奇效單方云。心頭溫者。急扶起。將手提其髮。用半夏末吹入鼻內。少



甦以姜汁同香油打勻灌之。

救溺死法

千金

屈兩腳著生人兩肩上。死人背向生人背即負持走。行吐

出水便活。

又方

千金

解死人衣灸臍中。凡落水經一宿猶可活。

或云甦後灸臍中二三百壯。水死人忌烈火。寒氣內攻而至死。

方輿云。或曰溺死。肛門未翻者。以醋醋灌之。吐水而愈。一貫云。溺死令服酢。五六合至一升。又云溺死。腹著背者。肛門翻者。足小指不動者。不治。

按千金落水死條云。酢灌鼻。又本朝經驗。用熱醋一碗奇效。願體集云。水溺之人。夏月可救。冬天難救。冬天醒後。宜少飲溫酒。夏天甦醒後。宜少飲粥湯。又五絕療法云。溺死若五孔有血者。不活。有持云。溺死宜

按揉其腹。令吐水。

救甦死法

肘

臥忽不寤。勿以火照之。殺人。但痛齧其脚踵及足拇指甲

際。而多唾其面。則覺也。

又皂莢末吹兩鼻。

又以蘆管吹兩耳。

又方

千金

灸兩足大指聚毛中二十一壯。

救凍死法

本草

冬月凍死。略有氣者。炒灶灰包熨心上。冷即換。待氣回少

與酒粥。不可近火。即死。

灸神闕。氣海。關元十五壯。

肘後方云。凡卒死中惡。及尸蹇。皆天地及人身自然陰陽之氣。忽有乖離。否隔。上下不通。偏竭所致。故雖涉死境。猶可治而生。緣氣未都竭也。甲乙經曰。尸蹇者。死不知人。脈動如故。

癰

大承氣湯

大黃牡丹皮湯

七寶丸

瓜蒂散

紫圓

蟬鍼

元生

膏 鍼

神秘丸

龜井氏

治天刑病。

大楓子

錢五十

荆芥

大黃

槲皮

櫻皮

燒存性各

錢三 苦辛

燼甘石

錢各五

壺盧

燒存性一錢五分

右入味。

細末。

糊丸。

梧子大。

每

服一錢。白湯送下。日三服。服之十日。其夜臨臥。酒服芎黃散一錢。至十一日。早天。服紫圓。強人五分。羸者二分。白湯送下。輕者一劑。劇者二三劑。得愈。禁酒生冷魚鳥房事。

松香散 松葉散

千金方惡疾門云。有諸處不異好人。而四肢腹背有頑處。又云。有直置頑鈍。不知痛癢者。按後世所謂死肌也。此病口眼喎斜者。疑似於中風。發惡瘡者。疑似於微瘡。脫疽等。雖然。餘病者。無死肌。此病必有死肌。試刺鍼五分。或一寸。更不覺痛也。癰病初發難決者。宜先試刺鍼。有死肌否。而決癰疑也。張會卿曰。癰瘍疔刺之法。子和張先生。謂一汗抵千鍼。蓋以疔血不如發汗之周偏也。然發汗即出血。出血即發汗。二者一律。又曰。若惡血凝滯在肌表經絡者。宜刺宜汗。若惡毒蘊結於臟腑。非蕩滌其內。則不

能痊。若毒在外，非砭刺遍身患所。及兩臂腿腕兩手足指縫出血，其毒必不能散。全書廿四本草綱目水萍條發明。頌曰：治惡疾癰瘡遍身者，濃煮汁浴，半日多效。此方甚奇古也。方輿輓云：此方癰疾陽症者，試之三五日而有奇效。入浮萍一斤於尋常浴桶中，濃煮而浴之，日三四度，則不溫覆而汗自出。內服浮萍散，又云在陽者，禁酒肉，斷房事，盡其治則可全愈。但陰症合谷肉脫者，決不治也。秘錄云：素問并諸方書論癰之病因而云：受不正之風而發，予意不然。不慎飲食，縱食禽獸諸肉及叔鮓、鯢魚、鰻等，自然生敗血，作諸瘡瘍之病因也。其中敗血凝滯，劇者遂作癰風也。雖自發者起於此因，然傳父母之血脈而患者尤多。千金方云：余以貞觀年中，將一病士入山，教服松脂，欲至百日，鬚眉皆生，由此觀之，惟須求之於己，不可一仰醫藥者也。又云：一遇斯疾，即須斷鹽，常進松脂，一切公私物務，釋然皆棄，猶如脫屣。凡百口味，特須斷除，漸漸斷穀，不交俗事，絕乎慶弔，幽隱巖谷，周年乃瘥。瘥後終身慎房事，犯之還發。又云：神仙傳有數十人，皆因惡疾而致仙道。何者？皆由割棄塵累，懷穎陽之風，所以非止瘥病，乃因禍而取福也。

治惡疾方

千金

煉松脂投冷水中，二十遍，蜜丸服二丸，遇飢即服之，日三。

鼻柱斷離者，二百日服之。

瘥，斷鹽及雜食房室。

仙人治癰病神驗方

千金

取松葉不問多少，煮三五遍，令苦味盡，暴乾。

搗末，如麪，先食服二方寸匕，日三，漸增之，或可至四兩，隨人多少至一斤。

飢即服之。能愈萬病。又益壽延年。殺三蟲。食人五藏。動發若病難忍。四肢重不仁。婦人產後餘疾。月水往來不得續。男女少者。藥悉主之。本草有服食辟穀方。其文云。千金方。用松脂十斤。以桑薪灰汁一石煮五七沸。漉出冷水中。旋復煮之。凡十遍乃白。細研爲散。每服一二錢。粥飲調下。日三服。服至十兩以上不饑。饑再服之。一年以後。夜視目明。久服延年益壽。按凡治癩。四月至八月爲佳時。輕者用神秘及芎黃紫圓如法。施蟬針或鉗針於赤斑及瘀血處。取血三日一次。如此二月許而愈。後久服松葉散等。益佳。尤禁酒肉房事。全愈後。亦三年禁之。是治陽症輕者之法也。稍重者。多不得全愈者。縱偶得全愈。非終身禁酒肉房事。則病必再發。而不得爲久完人。須決意爲木食也。爲木食則病必不再發矣。我邦自古儒佛之道。並行修行。而倣浮屠氏之徒。則世人信仰之如鬼神。孫氏所謂因禍而取福者也。方輿載浮萍加大黃湯。通聖湯。再造散。逍遙湯。附錄

家方

養正丹

和劑

水銀

硫黃

研細

硃砂

研細

黑錫

去滓淨與水銀

各一兩

右用黑盞一隻

火上鎔黑錫成汁。次下水銀。以柳杖子攪勻。次下硃砂。攪令不見星子。放下。少時方入硫黃末。急攪成汁。和勻如餡。以醋洒之。候冷取出。研細。糯米粉煮糊丸。如菉豆大。每服二十九丸。加至三十丸。食前鹽湯棗湯任下。

靈砂丹

同

水銀一斤

硫黃四兩

右二味。新銚內炒成砂子。入水火鼎煨煉。

爲末。糯米糊圓。如麻子大。每服三圓。空心棗湯米飲并花水入參湯任下。量病輕重。增至五七圓。忌猪羊血菜豆粉冷滑之物。

治嘔吐。賴紅丸方

聖藥

丹砂

砒霜研各半錢

胭脂錢一

巴豆七粒

右四味

研細。鎔蠟少許。入油三兩。滴和藥爲劑。以油單裹之。大人旋丸如菜豆大。小兒如芥子。濃煎槐花甘草湯。放溫。下一丸。勿熱食。半時久。

通經丸

本方

治經閉

桂枝

青皮

大黃

山椒

莢朮

乾姜

川烏頭

當歸

乾漆

桃仁

各等分

右十味爲末。老米糊和醋丸。梧

子大。每服二十丸。空心溫酒服。

解毒劑

療微瘡。便毒。下疳。結毒。發漏。筋骨疼痛。諸壞症。及癰。臈瘡。諸惡

瘡。臈淋。

扶

通草

忍冬

大

芎

大黃

中

甘草

少

右水二合。煮取

一合。內土扶五錢。則水四合。煮取二合。加減法。土扶。樸椒。莽蓬根。牽牛

子。升麻。枳實。隨症出入。弱人。或泄瀉家。方中將代枳。大便秘結。或骨痛

甚者。須用將。咽喉痛。加桔。臈淋。或有水氣者。加茅苡。有水銀輕粉。毒用

土扶。苓最可也。

敗毒劑

治痛痺風毒。瘟疫類。一切眼疾。咽喉痛。瘡腫。疥癩。扶

大

桔芎

中

枳

小

柴

小

甘

小

生薑

五

右水二合。煮取一合。加

減法。痛痺防風。通草。忍冬。桂。附子。隨症出入。足痛加牛膝。骨節痛甚。加

將。咽喉痛。桔爲主。眼疾血多加梔。藜菊類。痛甚加將。焦。風眼加倍升結。

毒眼加將。

狗咬寬中丸

青黛

百草霜

各三錢

檳榔

木鼈

番木鼈

黑牽牛

杏仁

芩

連

大黃

雄黃

鐵粉

巴豆

各一錢

右爲末糊丸

大人三十丸小兒十丸白湯下。

合十三錢

元生丸

方家

主治經閉天刑淋疾水腫風火傷瘰癧馬刀不問新久或已

潰成漏深久不瘥或癰疔便毒一切頑瘡風濕流注脚膝引痛頭面發

塊或生瘡或中風手足不仁婦人帶下赤白或陰處腐爛等症 芫菁

桂

扶

芍

桃仁

牡丹

大黃

各五分

甘草

二分

右入味糊丸每服

一分砂糖湯送下。

救喘丸

同

治喘咳倚息不得臥者。

淡豆豉

十錢蒸過如泥

枯白礬

三錢

礬石

右三味丸綠豆大冷水或砂糖湯送下七丸甚者加至十餘丸忌食熱

物等若服後腹滿者用瀉心大柴胡之類下之或礬石代礬霜礬霜則

夜間露七夜收研細。

苓消丸

同

消石

十錢

扶苓

四錢

右爲末糊丸梧子大每服三五十丸以木

防己去石膏加扶苓煎湯下患水腫病人嫌消石之苦烈者用之佳近

來此丸代單霸王鹽丸有神驗名桓文丸。

元生膏

同

馬知利膏

十錢

芫菁末

新者二錢

製鐵粉法

鐵粉

一錢

鹽

八錢

以鐵粉入器中合鹽攪日曝乾以七攪日五六次三四

日而入土器。以炭火熬之二時餘。以變紫色爲度。製鐵鑊亦佳。

方輿所載後世方

六物敗毒散一劑 羌 桔 芎 甘 升麻 大黃 右以水二合。煮取

一合。方輿煮法如此。下皆倣之。

連翹湯 治傷寒熱毒。變作赤色。瘰癧。丹疹。腫毒。及眼赤痛。生障翳。悉主

之。自小品類廣 翹 芎 芎 甘 麻黃 升麻各四分 枳實 大黃各六分

右八味。熱盛者加芒消。

牛蒡芩連湯見方 香薷飲同 生脈散同

消暑湯 治中暑嘔而煩渴者。卽小半夏加茯苓。加石膏甘草。

良姜吳茱萸湯 治大吐大瀉後。轉筋甚者。吳茱萸。木瓜。食鹽。三味等分。同

炒焦煎服。

柴胡鱉甲湯方見 肘後療諸瘧方 鱉甲二兩 右一味擣末。酒服方寸

匕。至發時令服三服。兼用灸。無不斷者。

一方設整翁 常山檳榔甘各三錢 黑豆百粒 右四味。水煎服。

河間芍藥湯方集本方 參連湯丹 嘔吐全不食者。謂之噤口。胃火甚也。

用此方。濃煎。終日細細呷之。如吐再服。但一呷。咽卽開。

藥皮湯外 療熱病久下利。膿血方 黃蘗三兩 梔子二十枚 黃連四兩

阿膠二兩 右四味。

千金駐車圓 治大冷洞利腸滑。下赤白如魚腦。日夜無節度。腹痛不可

堪忍者。

如神丸 木香 黃連 阿片各二錢 乳香 沒藥各一錢 沉香五錢 右六

味爲末，糊丸。綠豆大。辰砂爲衣。每服一丸。冷水送下。日三。

無憂散和子 黃耆 木通 陳皮 桑白皮各一錢 胡椒 朮 木香各半錢

牽牛頭末四錢 右八味爲末。每服一錢。以生薑自然汁調下。治疝及留

飲帶下。錢

當歸湯外臺 療三十年下利。止諸痛方 當歸一兩 生薑八兩 大棗二十枚

右三味。以水四升。煮取一升半。分作三服。不差。後作之。

錢氏白朮散見方 紫散 下利後重。不下膿血者。檳榔 厚朴各三錢

桔梗 水莎 葛根各二錢 枳實 桂 蓬朮各十錢 右八味末用煎服

亦得。

楊起簡便方云。肚腹微微作痛。即瀉。瀉亦不多。日夜數行者。用蕎麥麴。

一味作飯。連食三四次。即愈。疝瀉久不止者效。

泄瀉經驗方見方 糯米一升。洗乾。炒末。入山藥一兩。每日用半盞。入砂糖

二匙。川椒末少許。以極滾湯調食。久泄食不進者效。

調中湯局方 治產後久泄。見方 甘 歸 桂 芍 附子 良姜

右七味。

枳實大黃湯即小承氣湯加枳實甘草 平胃散見方 桂枝薑香湯 桂 薑 木香

宿砂 吳茱 莢朮 甘 七味



養脾湯 理中湯加扶苓宿砂麥芽姜棗 平生虛弱之人。飲食易傷用

之。紀

千金吳茱萸湯 傷寒論吳茱萸湯加半夏桂枝甘草。

安瀾湯 一帆青 扶苓各二錢 右二味。水煎溫服。四五日。下利爲知。

療胃反大驗方 前胡 生姜各四兩 阿膠一兩 大麻子仁 吳茱萸各五合

桂三寸 甘十五寸 棗十枚 右八味以酒二升。水三升。煮取一升七合。分再服。

破棺湯 治膈噎。桃仁 杏仁 桑白 右三味。水煎溫服。

一方 治嘔吐。水莎 良姜 木香 烏梅 乾姜 丁香 六味。

獨參湯 治反胃嘔吐喘促。粥湯入胃即吐。張介

單香薷湯後肘 郁李仁湯 治心腹滿。大小便不通。氣急喘息者。脾氣腫

滿。發此證亦效。郁李仁 杏仁 橘皮 扶 檳 桑白。六味

紫蘇子湯 面腫氣急者。見脚氣

濟生腎氣圓八味丸加車前子牛膝 麻子湯 治偏身流腫。千金 麻子五升 赤小豆三升

商陸一升 防風三兩 附子一兩 右五味。先搗麻子令熟。以水三斗。煮麻子。

取一斗三升。去渣。內藥及豆。煮取四升。去渣。食豆飲汁。

麻子小豆湯 服桃花已渴者。大麻子一合。熱令黃香。搗研 赤小豆一合。以水

合 右二汁相和。上火三五沸服之。此千金療水氣遍身洪腫。百藥不

愈。待死者方。

連翹湯方見 治瘡疥內攻腫。

赤小豆湯

山

赤豆

錢五

商陸

生薑

各一錢

麻黃

七錢

連翹

五錢

桂

二錢

大

黃

三錢

右七味以水三合先煮小豆減一合內諸藥煮取一合日二劑

或三劑加犀角或反鼻亦佳

防己散

治妊孕腫滿喘促小便不利

防己

一錢

桑白

茯苓

紫蘇

各二錢

木香

錢五

姜煎服

琥珀湯

治產後水腫

琥珀

朮

扶

桂

猪

澤

反鼻

右七

味以水一合冬瓜汁一合合煮取一合

瓜子仁湯

方見隔室

實脾飲

見方

赤小豆

五合

赤小豆

一錢

大蘇

一錢

生

姜

五錢一錢五分

商陸根

錢五分

右並碎破同水煮爛去藥空心食豆旋旋噉

汁令盡腫立消

二神丸

治水腫鼓脹及脚氣

甘遂

極新

大黃

各等分

右二味爲末糊

丸桐子大每服五分或一錢溫水送下

瓜子仁湯

主治見鼓脹

分消湯

見方

壯原湯

同

半夏湯

外

主腹內左肋痠

癰硬急氣滿不能食胸背痛者

夏

桔

枳實

前胡

吳茱

鱉

甲

各三錢

續榔

二錢五分

生薑

四錢

人參

一分

九味

牡蠣奔豚湯

小

療奔豚氣從少腹起撞胸手足逆冷

李根

一錢六分

桂

八分

牡蠣

各三錢

甘

各三錢

右四味

瀉脾湯

千金

主脾病氣實胸中滿不能食

扶

朴

各七錢

夏

桂

生

薑

各九錢

芩

各三錢

人參

三錢

人參

三錢

人參

三錢

人參

三錢

人參

三錢

療腹中疝氣連心以來相引痛。緊急方。

外

朮 枳實

各三兩

柴胡

四兩

煎

甲二 右四味。

寬中湯

均一錢二分

桂 生薑

各六分

朴 甘 棗

枳實

各四分

七味。

當歸大黃湯

外

歸 芍 桂 乾薑

芩 黃

參 甘

大黃

右八

味。疝痛從肋骨邊至背及肩者效。

桂心湯

集

療寒疝氣來往衝心腹痛。

桂

四兩

生薑

三兩

吳茱萸

二兩

右三

味切以酒一大升煎至三合去滓分溫三服。

蜀椒湯

小

主寒疝氣心痛如刺繞臍腹中盡痛自汗出欲絕。

蜀椒

二百枚

附子

一枚

粳米

半升

乾薑

半兩

半夏

十二枚

大棗

二十枚

甘草

一兩

右七味

以水七升煮取三升澄清熱服一升。

烏梅丸

集

治蛇厥

烏梅

三十枚

椒

四錢

乾薑

十錢

黃連

十六錢

附子

三錢

右五味爲末蜜丸。

檳榔鶴虱散

療諸蟲心腹痛

外

歸 芍

桔 橘

桂 參

檳榔

鶴虱

右八味。

椒梅湯

諸蟲作痛口中清涎流出湯飲不進危在旦夕者。

烏梅

蜀

椒

生薑

煎服。

將軍湯

治精神不守言語錯亂妄見妄言少臥少饑狂走不常者。

黃一味水煎無時服之。

參連湯

治諸氣疾衝心直視煩悶或吐血不止者。

參連湯

參連各五分 右二味水煎加熊膽汁名熊參湯。

風引湯 除熱癰癩。大黃 乾薑 龍骨各四兩 桂三兩 甘三兩 牡蠣各二兩

寒水石 滑石 赤石脂 白石脂 紫石英 石膏各六兩 右十二

味杵麤篩以韋囊盛之取三指撮井花水三升煮三沸溫服一升治大人風引。

少小驚癇。痰癇日數十發。醫所不療。除熱方。巢氏云。調氣宣風引湯。

防己地黃湯 治病如狂狀妄行獨語不休無寒熱其脈浮。防己一錢

桂枝 防風各三錢 甘草二錢 右四味以酒一盃浸之一宿絞取汁生地

黃二斤咬咀蒸之如斗米飯久以銅器盛其汁更絞地黃汁和分再服

酸棗湯千金 治虛勞煩擾奔氣在胸中不得眠。酸棗五升 參 桂 生

薑各二兩 石膏四兩 扶各三兩 知母各三兩 甘一兩

歸脾湯 治健忘怔忡驚悸不寐者見方

流水丸見勞病 久病不寐者效。

單苦參丸 發狂用將軍瀉心類大勢解而後用此。

調中湯古今錄驗 療虛勞補益氣力方。麥門 扶各五錢 甘 桂 歸 芍

棗一錢 七味。

柴苓枳朮湯外臺 療法癰氣壯熱兼咳久為骨蒸驗方。柴八分 扶 朮

枳實各六分 積熱不歇即加芒硝取利。

逍遙散見方 五蒸湯古今錄驗 石膏一錢 竹葉八分 扶 地 葛根各六分 參

苓 知母各四分 粳米二分 甘二分 右十味。

竹葉飲 療骨蒸唇乾口渴欲得飲水止渴方 竹葉一握 麥門 夏各一

大麥二十枚 甘 生薑各三兩 粳米五合 七味

流水湯品小 主虛煩不得眠方 夏二分 米一錢 扶四分 或加生

地黃煎丸方見後 虛勞羸瘦腹滿不能飲食內有乾血肌膚甲錯兩目黯

黑者

甲子丸 治勞嗽方 五味 地骨皮各二兩 鱉甲三兩 右三味爲末煉蜜

圓如桐子大空心溫酒或鹽湯任意服三五十九

大武丸 治證同前下利者尤佳 乾牛肉產朝鮮 薯蕷 蓮肉 茯苓 小茴

香各十錢 右五味爲末棗肉搗膏入好酒和丸梧子大晒乾空心酒下

賴肝丸 治勞瘵方 賴肝炙干爲末糊丸桐子大白湯送下

四順散陳寶功 治肺癰吐膿五心煩熱癰悶咳嗽氣急不能安 貝母

紫苑 桔各八分 甘 杏仁各四分 爲湯或爲末服

桔梗湯古今錄驗 療肺癰經時不差方 桔 朮 歸 地 甘 敗醬

薏苡 桑白 右八味以水四合煮大豆半合取二合汁去豆內清酒

半合餘合諸藥煮之

黃昏湯千金 療效有微熱煩滿胸心甲錯是爲肺癰方 黃昏手掌大一枚 右

一味煎服

一方壽世保元 治婦人腹痛如錐刺每痛至死不敢著手此腸癰毒也 山

甲 白芷 貝母 殭蠶 大黃 右煎服打下膿血自小便中出卽

愈。

犀角地黄湯 治傷寒及溫病。應發汗而不汗之。內畜血者。及鼻衄吐血

不盡。內餘瘀血。大便黑。面黃消瘀血方。犀角<sub>兩一</sub> 地<sub>兩八</sub> 芍<sub>兩三</sub> 牡丹

<sub>兩二</sub> 右以水九升。煮取三升。分三服。喜忘如狂者。加大黃二兩。黃芩三

兩。其人脈大來遲。腹不滿。自言滿者。爲無熱。但依方不須有所增加。<sub>千金</sub>

獨參湯 吐衄甚。欲絕。脈沈。手足逆冷者。

射干麻黃湯 欬而上氣。喉中如水雞聲。夏 五味<sub>各六分</sub> 麻 生薑<sub>各四分</sub>

射干 細辛 紫苑 款冬花<sub>各三分</sub> 棗<sub>一分</sub>

厚朴麻黃湯 欬而大逆上氣。胸滿。喉中不利。如水雞聲。脈浮者。朴<sub>五兩</sub>

麻<sub>兩四</sub> 石膏<sub>如雞子大</sub> 乾薑 細辛<sub>各二兩</sub> 夏 五味子 杏仁<sub>各半升</sub> 小麥

<sub>一升</sub> 右九味。以水一斗二升。先煮小麥熟。去滓。內諸藥。煮取三升。溫服

一升。日三服。

澤漆湯 上氣脈沈者。夏<sub>半升</sub> 澤漆<sub>三斤以東。旋水五斗。煮取一斗五升</sub> 紫苑 生薑 白

前<sub>各五兩</sub> 甘 芩 參 桂<sub>各三兩</sub> 右九味。以水一斗。煮取五升。

溫服五合。至夜盡。

清肺湯 咳嗽用小青龍加石膏不已。將成勞嗽者。<sub>見</sub>

百合知母湯 疫邪解後。咳嗽喝喝。巨里動悸者。百合 知母 右二

味。

獨聖散<sub>和子</sub>

夫富貴之人。一切延誤。是飲食厚味。熱痰之致然也。先用獨

聖散吐之

三拗湯

見方

四君子湯

見方

千縉湯

見方

治喘者

倒換散

宣明

治癰閉大小便不通小腹急痛肛門腫痛

大黃

小便不通

荊芥

大便秘不通減半

右爲末每服一二錢溫酒調下

三黃湯

金

治下焦熱結不得大便

大黃

三兩

芩

二兩

甘

大閉加芒消一二兩

入正散

見方

通草湯

治膿淋小便赤澀莖中痛者

即六物解毒湯

加阿膠滑石

生津湯

麥門

耆

括藁

甘

參

連

地

牡蠣

知母

右九

味或加石膏

鉛丹散

方見

通關散

諸卒暴厥牙關緊急者先用此得嚏而進藥

細辛

牙皂

各等分

右爲末少許吹入鼻內有嚏可治

絳痰湯

見方

反鼻酒

癰偏枯痛痺瘀血結毒等灸藥湯泉不治則有

反鼻酒之可復療焉行氣活血散滯解癰其功屢著

反鼻

生補刺皮去腹頭尾取連骨淨

肉浸酒火焙乾五錢

交趾桂枝

三錢

芍藥

牛膝

各二錢

花椒

五分

右五味剉細布

袋盛浸好酒一升別入砂糖十五錢磁瓶密封勿令泄氣冬七夏三春

秋五日去渣取清煖細飲之常令酒氣相接勿令大醉若不好酒之人

各藥研末不用砂糖直白湯下

蘇恭紫蘇湯

蘇莖

四分

甘

橘

各六分

生薑

一錢二分

檳榔

二錢

小檳榔湯

外臺

療脚氣心煩悶氣急不安。夏 生薑 桂 檳榔 右

四味。

大檳榔湯

方見脚氣

木茱湯金干 治脚氣入腹困悶欲死腹脹。吳茱 木瓜

各等分

廣濟療脚氣氣急上衝心悶欲死者。

檳榔

三顆細末

生薑汁三分

童便二升新者

不須

二味攪頓服。

犀角湯

外臺

脚氣冷氣悶心下堅背膊痛上氣欲死者。吳茱 檳榔

青木香

犀角 半夏 生薑 右六味。

黑豆湯

同

療脚氣滿小便少者。檳榔 桑白 右二味以後方煎汁

二合煮取一合溫服日三劑或加吳茱生薑。黑豆一合半洗淨以水

一升二合煮取六合去滓更煮前藥。

附子湯

金干

治濕痺緩風身體疼痛如欲折肉如錐刺刀割。附九分 芍

桂 甘

扶

參各三分 朮四分 右七味。

紫蘇子湯

金干

治脚弱上氣。昔宋相東王在南州患脚氣困篤服此湯

大得力方。

蘇子 夏各一升 前胡 朴 甘 歸各一兩 橘三兩 棗二十枚

生薑

一斤

桂四分 右十味以水一斗三升煮取三升半分爲五服日三

夜一。

常山甘草湯

寒熱日再三發者。常山一錢五分 甘草七分

虎骨酒

方見諸藥

杉節湯 杉節二斤 檳榔七枚 大腹皮二斤 青橘葉四十片 作



一服水煎分三服。一日飲盡。如大便通利。黃水未愈。過數日。再進一服。病根去爲度。外用杉節橘葉煎湯洗之。神效。

橫蘇湯

大黃分二

木香

甘分各一

生薑分五

橘

枳實

桂 紫蘇分各三

檳榔分六

九味

大防風湯

治一切麻痺。痿軟。風濕挾虛者。

歸

芍

地 蒼

杜仲錢各一

芎

附分各七

參

羌

牛膝

甘分各五

朮分一錢

姜 棗

犀角湯

治毒流入四肢。歷節腫痛。

犀角分三

鈴

半角分一

前胡

芩

射干

梔分各五

大黃

升麻分各六

豆豉分一

右九味

赤龍皮湯

赤龍皮

防己

牛膝

忍冬

木通

羌活

大黃

防

風

甘

右九味

一方

羌活

防風分各等

右二味

金鈴散

治痛風及肛痔。

牽牛子炒末

右一味

每服一二錢

溫酒

若白

湯下。或加茴香。即是子和禹攻散。疝或用之。

柴胡加石膏湯

治少陽陽明。頭痛口乾。身熱惡寒拘急。

柴胡錢二

石

三

錢

姜

甘

一

錢

山牛湯

治微瘡。頭痛不止。

土茯苓錢四十

忍冬錢三

防風

天麻

黑參錢各一

辛黃仁

芎分各六

黑豆錢四十

芽茶錢一

右水煎溫服

先生曰。頭痛經久不差者。兼施十痊丸。或針出血。

提肩散

櫛皮錢一

櫛葉錢七

千屈菜錢七

右二味

治腎氣上攻項背不能轉側。

椒附散本方

大附子

一枚六錢以上者  
炮去皮穢末之

右每

末二大錢。好川椒二粒。用白麴填滿。水一盞半。生薑七片。同煮至七分。

去椒入鹽。通口空心服。

陷胸湯

治胸中心下結積。飲食不消。千金

栝蒌實

大黃

黃連各八分

甘

右四味。

附子丸

治九種心痛。即九痛丸  
去瘰癧者

附子三兩

巴豆

去皮心熱  
研如脂

參

乾姜

吳

某

右五味末之。煉蜜丸。如梧子大。酒下。強人初服三丸。日三服。

弱者二丸。兼治卒中惡。腹脹痛。口不能言。又治連年積冷。流注心胸痛。

並冷衝上氣。落馬墜車。血疾等。皆主之。

枳縮二陳湯

見方

治腰痛

經心

杜仲

桂

各三分

朮

扶

各四分

牛膝

澤瀉

乾姜

甘

各二分

服後飲酒為妙。

文仲葛氏療卒腰痛不得俛仰方

附子二分

桂八分

牡丹四分

右三味。治

下節。酒服一刀圭。日再。此主脇肋氣痛如打者。

小品療腰痛及積年痛者方

地

十分

桂

八分

朮

甘

乾漆

各五分

五味

搗末。以酒服方寸匕。日三。

當歸湯

當歸

三斤

酒

五合

洗眼方

白礬

連

甘

黃柏

紅花

右五味。

茱萸散

茱萸

二錢

芩

連

茯苓

甘

細辛

大黃

各二分

細辛

甘

各四分

芩

二分

芩

二分

諸道人大黃湯

療兩眼痛方。

芎

五分

大黃

細辛

甘

各四分

芩

二分

通聖散 因風鼻塞者，戴人使服通聖散，入生薑蔥根豆豉，同煎三兩服，大發汗，鼻立通矣。

辛荑湯

方見鼻

甘露飲

方見局

治牙疳去血，口臭，齒齦腫痛，腐爛。

方見方集

六味丸

口臭，牙齦赤爛，腮膝痿軟，或口鹹。

松葉煎

青松葉

花椒

丁香

桂

五倍子

水煎，頻頻含之。

涼膈散

見方

當道飲

治口舌腐爛而痛者。

車前子

夏枯草

各二錢

右二味，以水二合，煮取一合，去渣，內蜜四錢，烱消溫服。

清熱補氣湯

見方

方後云：不差者，與附子湯。

先生曰：產後口舌痛者，服消黃朱石類，未嘗得治。一老醫傳此方，後屢

試之，功力大出，意表。

羅不女牟土方

蘆薈末

沒藥

各三錢

明礬末

八錢

蜜

四錢

右四味，入燒

酒一合，調頻頻含之。

碧雪

治口瘡，咽喉腫痛。

靛花

蓬砂

煅消

蒲黃

甘

各等分

右

五味爲末，每用少許，搽舌上，細細嚥下，喉痛者，吹入之。

升麻湯

古今錄驗

升麻

石膏

牡丹皮

甘

各等分

右四味。

雄黃解毒丸

治急喉痺方。

雄黃

鬱金

各一兩

巴豆

十四粒

右爲末，醋

糊丸。綠豆大，熱茶清下七丸，吐出頑涎，即甦。未吐再服，如口噤以物斡

開灌之，下咽無不活者。又小兒驚風，痰涎壅塞，及馬脾風，或痘毒攻咽，

藥食不下者，冷水服五七丸，神驗。

加味四物湯 治虛火上升喉痛。并生喉瘡喉痺熱毒能降火甚效。回春

歸 芎 芎 地 桔 甘 黃柏 知母 花粉入竹

馬牙硝散 治喉癰及傷寒熱後咽痛閉塞不通。毒氣上衝馬牙硝細研。

每服一錢。綿裹含嚥。津以通爲度。

當歸散 婦人妊娠宜常服。歸 芎 芎 地 芎 各一 朮 右五味。杵

爲散。酒服方寸匕。日再服。妊娠常服即易產。胎無苦疾。先生曰。此方

有整胎之功。

芎歸湯方見 難產大加雲母。

獨聖散 難產及胎衣不下者。一吐之即出。

通關散 胞衣不出者。用此吹鼻中。得嚏即出。血暈亦效。

治動胎及產難子死腹中。并妊娠兩兒一死一生。服之令死者出。生者安。

神驗方千金 蟹爪一升 甘二尺 阿膠三兩 右三味。以水一斗。先煮蟹爪。甘

草得三升。去滓。次內膠。令烊。頓服之。不能分再服。若人困拗。口內藥。藥

入即活。

葵子阿膠湯千金 治胎死腹中。乾燥著背方。葵子一升 阿膠五兩 右二味。

以水五升。煮取二升。頓服之。未出再煮服。先生曰。水血下多。子道乾

澁難出者。此湯必效。若無藥物。以熱湯一盞。內鹿角。令消頓服之。或

塗油牝戶。亦是濟急之良法也。

回生湯 歸 芎 芎 地 朮 扶 連 甘 桂 芎 參 丁香

木香 莽蓬 大黃 右十五味。水煎。或攪用。此方雖不古。屢用屢效。

交加散 方夏 治瘕瘕。或顛振。或產後不省人事。口吐痰涎。歸 荊芥 各等分

右爲末。每服三錢。水一盞。酒少許。煎至七分。唯下咽。即有生理。

大豆紫湯 方夏 新製下瘀血丸 方夏 服枳實芍藥散。不愈者。此爲腹中

有乾血著臍下。此方主之。亦主經水不利。大黃 三錢 桃仁 各四錢

五錢 右四味末之。煉蜜和。爲三四丸。以酒一合。煎一丸。取半合。

蜀漆湯 金 治產後虛熱往來。心煩煩滿。骨節疼痛。及頭痛壯熱。晡時輒

甚。又如微瘧方。地 三錢 耆 一錢 知母 各四錢 蜀漆葉 桂 甘

各二 右八味。

栝蔞湯 治產後渴不止方。栝蔞根 八分 參 麥門 各六分 甘 地 各四

棗 十二枚 土瓜根 一錢 右七味。

二味參蘇飲 治產後瘀血入肺。咳嗽喘急。參 一兩 蘇木 二兩 右作一

劑。水煎服。若口鼻黑氣起。宜急用此藥。加附子五錢。亦有傳生者。

奪命丹 治瘀血入胞。脹滿難下。急服此藥。血即消。衣自下。附子 半兩

乾漆 一錢 牡丹 一兩 大黃 末一兩 右爲末。好醋一升。大黃末一兩。同熬

成膏。和前藥。丸梧子大。溫酒吞五七丸。

通仙丸 花麥大黃等分丸藥。

牛膝散 方夏 治月水不利。臍腹作痛。或少腹引腰。氣攻胸膈。牛膝 桂

芍 桃仁 延胡索 歸 牡丹 各一兩 木香 二錢 右爲末。每服一錢。溫

酒調下。或每服三五錢水煎。

紅藍花酒 先生曰。胞衣不出。及產後。遍身痛者。亦佳。

地黃煎丸 治月經不通。臍下堅結。大如杯盤。發熱往來。下利羸瘦。此爲

血瘕。金干 生地黄三十斤 乾漆一斤 右二味。以漆末。內地黃汁中。微火

煎令可丸。每服酒下。如梧子大。三丸。不知加之。常以食後服。紀開云此方乾血勞用之

羽澤散 治帶下方。白礬 杏仁 甘各二分 丁子 冰片各一分 右五

味爲末。薄絹袋盛。以納陰中。坐臥任意。但禁奔走。三日一換之。以愈爲度。

獨參湯 治血崩。及諸失血危急者。人參二錢 右以水一合。煮取五勺。

溫服。不知。服至數劑。蓋暴崩危急之際。非少少藥汁之所可得而救活矣。庸醫不辨。僅用人參五分。或一錢。以望其生。宜哉其不得功。

栝蒌根湯 栝蒌根 瓜蒌仁 百合 知母 薏苡 柴 芩 甘

右八味。

烏茜丸 烏賊魚骨四兩 茜根兩 右二味爲末。雀卵清丸。小豆大。每五

丸。或十丸。白湯送下。亡血勞病用之。

蒲公英湯民間方 蒲公英莖葉花并同 薯蕷七分 歸酒製 水莎五分 牡丹二分

右五味。以水三合。煮取二合。其滓再以水三合。煮取一合。一日服盡。試

令男子服之。亦覺乳房起脹矣。

治乳腫痛方 紫花地丁 搗絞汁。塗乳上。

五物紅花湯 甘 連 大黃 蔚金 紅花 右五味。

五香湯 外科 毒氣入腹，托裏。若有異症，加減之。沉香 木香 丁香

乳香 麝香 右五味。先生曰：寒症者，宜用此方。

山薷湯 山薷 紅花 蔚金 右三味。或擇加三稜、莪朮、木香、檳榔、大

黃甘草、丁子類。

有不乳、小便難者，用乳汁四合，蔥白一寸，煎三沸，灌之。

金花散 自梅花無盡藏來。連錢草 紅花 大黃 連翹 藿香

升麻 各二錢 沉香 檳榔 鬱金 乳香 木香 各一錢 右十一味爲末。

和膠飴多用效。治小兒頭瘡，世稱胃瘡者，大效。又治胎毒一身發瘡疥。

某黃連湯 治吐乳 吳茱 黃連 生薑等分也。

炒米煎 犀角消毒飲 治丹毒壯熱狂躁，睡臥不安。荆 防 各一錢

犀角 甘 各五分 牛蒡 四錢 微炒 如無犀角，代升麻，或加芩連石膏。

生地黃湯 金 千 治小兒寒熱進退，啼呼腹痛方。生地 桂心 右二味。

龍膽湯 治嬰孩寒熱，四肢掣攣，吐乳客忤諸驚癇方。龍膽 鈎藤

芍 柴 甘 大黃 右六味。

烏蠍散 既爲慢驚，外無入候，但吐瀉不止者。參 朮 扶 甘 川

烏頭 全蠍 南星 各一分 姜 棗 水煎。

入神湯 金 千 治心腹痞滿，萎黃瘦瘠，四肢痿躄，繚戾，服之可令克悅方。

芍 柴 各三分 大黃 參 各一分 乾姜 甘 各一分 龍甲 扶 各二分 右八

味。外臺有黃  
音無大黃

毓嬰丸 治疳方

大醬烏

去醬瓜燒  
黑四錢

鯁魚膽

黑燒一錢

黃蘗五錢

黃陸二錢

右四味糊丸。

芍藥四物解肌湯

外臺

升麻

葛根

芍

芩

右四味。

順逆湯

歸

芍

連

甘

桂

連翹

黃耆

生薑

九味。

錢氏獨聖散

治痘瘡倒靨陷伏。

用川山甲取前足背上者燒存性爲

末。每服四五分。以米湯入少酒服之。或紫草湯亦可。

手捻散

治當醫時。腹痛不醫。其痛著在中脘。乃熱毒凝滯。瘀血作痛也。

牛蒡

芍

桃仁

大黃

各五分

紅花

四分

桂

二分

右六味。

先生曰。諸瘡毒。腹痛者。屢驗。

連翹去麻黃湯

治結痂後。毒猶盛者。

獨參湯

治跌撲傷損。或金瘡。出血過多。昏沉不醒者。

雞鳴散

治墜壓傷損。瘀血凝積。痛不可忍。

大黃

杏仁

各二錢二分

右二

味。臨臥溫服。飲酒醉爲度。

接骨木湯

并

接骨木

歸

芍

芍

地

澤瀉

沉香

大黃

右

八味。

治打撲折傷方

活鯽魚

小者

右研如膏。內白砂糖和勻。傅患所。汁出

而愈。骨損者尤效。

蔥熨法

治跌撲傷損

用蔥白細切。杵爛炒熱。敷患處。如冷易之。腫痛



即止神效。

甘草解毒湯

甘草

忍冬

白礬

右三味以水二合煮取一合。獾犬

咬傷加馬錢子雞冠石煎成內鐵醬水少許溫服兼灸之數十日甚者

併用寬中丸頻頻下之嘗治數十人莫一誤者其他諸蟲獸毒皆能解

之此方越前奧村翁所立而適所翁傳之

狗咬傷

杏仁甘草口嚼搭傷處又宜銀杏塗傷處

四順清涼飲

宗正

治湯潑火燒熱極逼毒入裏或外被涼水火毒內攻致

生煩躁

內熱口乾大便秘實者

翹

芎

羌

歸

甘

防風

梔

各二錢

大黃

燈心水煎

三白散

以香油調敷

六物解毒湯

土茯苓

忍冬

通草

各一錢

芎

大黃

甘

各一分

四物解毒湯

銀花

戴椹

芎

各五分

大黃

三分

土草薛湯

治湯梅瘡及瘰癧咽喉惡瘡癰漏潰爛筋骨拘攣疼痛皆妙

景岳

用土草薛即土茯苓二三兩以水三鍾煎二鍾不拘時徐徐服之

若患久或服攻擊之劑致傷脾胃氣血等症以此一味為主加對證之

藥無不神效

萎蕤湯

萎蕤

歸

芎

連

通草

各一錢

甘

仙遺糧

二十錢

七味以水一升四合煮取七合一日服盡若病重者用土茯苓五十錢

水率亦準之

青痛或有上逆候耳鳴目生赤脈等證用之

桔梗解毒湯 療結毒咽喉口舌唇鼻破壞聲啞或成瘰癧者方 仙遺

糧八錢或十錢二錢至五十錢 桔梗錢一 甘草各三錢 黃芩各二錢 大黃各二錢 右七味

以水五合煮取三合渣以五合再煮取二合半一日服盡禁茶酒肉麪青菜一切結毒諸症無名腫毒腐敗經年不瘡者皆效

葳靈仙湯 歸芍 芍 梔 朮 甘草 大黃 牛膝 杜仲 龍膽

防風 葳靈仙各五分 赤龍皮一分 右十三味浸酒一夜以土茯苓一

斤分爲十二以其一合煎藥以水二碗煮取一碗渣再以水三碗煮取一碗一日服盡

芎黃湯 芎 大黃 荆芥 防風 右四味

薰洗方 治下疳瘡微瘡祕錄方今呼銀花煎 苦辛 川椒 金銀花

右三味用水三四盞煎數沸先薰後洗瘡口拭乾用三白散撒之各兩許

三白散 海牡蠣煨 葛粉 果贏 右三味末傅

耆歸湯黃耆 歸身 便毒疳瘡或髮際生瘡梳下薄磨如玃或手足肌膚紅點

如斑隱肉當服此方使正氣足而邪自除也 參 耆 芍 甘草各一錢

歸二 忍冬花 防己各一錢 升麻 防風 川山甲各八分 生薑 右

十一味

玄龜丹 治遠年近日楊梅結毒筋骨疼痛日久腐爛臭敗不堪聞或咽

喉唇鼻破壞諸藥不效者妙也 龜板取段火上炙焦用新酒洗淨去灰 龜板塗上反復炙三次以焦黃爲度

石決明

用九孔大者發紅童便內灌之一次

硃砂

明亮者各末二錢

共再碾極細。爛米飯爲丸。磨子

大。每服一錢。量病上下食前後筋骨疼痛酒下。腐爛者。土茯苓湯下。至重者四十日而愈。一本作硃砂六錢

十全丸

芎 芩

大黃

藥皮

各五分

輕粉

一錢

硃砂

一錢

連翹

苦

辛 烏蛇

地骨皮

各三錢

右十味。爲末糊丸。梧子大。每服十五丸。白

湯送下。日二夜一。

先生可用粉丸症。皆用此方。但下疳痛劇者。用梅肉丸。記

四順湯

原名四順清涼散

治血熱蘊結。壅滯不通。或一身盡熱。或日晡肌熱。或夜

發熱。皆血熱也。

歸 芎 甘

大黃

各等分

右四味。

治疳瘡痛甚。血不已者方。杏仁 雞子黃 右合研塗患處。

羅不女牟土方 下疳漸漸侵蝕。不可遏止者。當以此洗。若不愈者。宜石

聖湯。

石聖湯

石聖 三十錢以滾湯一升攪勻去渣不用

煇硝

四錢

膽礬

三錢

右二味。投石聖汁中。溫

洗數次。若爲水泡者。去膽礬加礬石一錢。

十味敗毒湯

治瘡瘍癰疽。寒熱脈緊有力。

羌 桂

芎

枳實

柴

胡

荊芥

防風

連翹

銀花

甘

生薑

生薑

涼膈散

治癰瘍熱毒熾盛。大便秘結。

破棺丹

會

治瘡瘍熱極。汗多大渴。便秘諸語。發狂等。即調胃承氣湯。爲

丸者也。

凌冬飲

諸腫毒服之。未成者內消。已成者即潰。

忍冬

者各一錢五分

歸三

甘一分

右四味水煎。加酒更煎數沸。溫服。消渴後服此藥。預防

發癰

梓葉湯

治癰疽及一切腫毒方。

梓葉二錢

忍冬一錢

甘草五分

右三味。

一無忍冬。有溫草。或加皂角刺。

櫻皮湯

治癰腫。癰疽。諸腫毒方。

櫻皮五錢

桃仁二錢

赤龍皮五錢

右三

味。以水一升。煮取七合。頓服。

鍼灸法。凡暴死者。多是疔毒。急用燈照遍身。若有小瘡。卽是其毒。宜急

施鍼灸。

夏枯草湯

治瘰癧已潰未潰方。

夏枯草二錢

甘草二分

右二味。或加

翹芎大黃。又明眼目。

瞿麥湯

張潔古

治項邊馬刀方。

翹

瞿麥

大黃

甘

右四味。食後

熱服。十餘日後。灸臨泣穴二七日。六十日決效。

浮萍散

治諸風癰疥癩瘡。

浮萍

歸

芎

甘

荆芥

麻黃

各等分七味。溫服出汗。

苦參湯

遍身痒痛。諸藥不效。久而如癩癧者。

苦參三錢

右一味。按葛

洪破棺散方。以此物酒煮服。

四順湯

乾疥癢痒。皮枯屑起。便秘者。

浴湯方

忍冬

防風

枳實

各十錢

荆芥

湯花

各二十錢

淡竹葉

三百枚

鹽升一 右七味熬。盛袋煎浴。凡七八日得愈。

楊梅皮湯

治藤瘡方

楊梅皮錢一

桔梗

扶各五

甘分 右四味。初日

以水一合一勺。煮取一合。二日以一合一勺。煮取一合。三日以一合一勺。煮取一合。四日以一合一勺。煮取一合。五日以一合一勺。煮取一合。以此爲一劑。大凡三劑得愈。如毒深者。服至五六劑。

萍湯

治惡疾遍身生瘡。浴浸半日。大效。本草

通天散

大黃

皂角刺各十

牽牛子

反鼻各六

鬱金錢五

右五味。

爲末。每服五分。或一錢。酒下。日一夜三。梅毒似癩眉毛脫者。久淋因毒者。用之。

辨附子瞑眩與中毒

門人稻良節問附子之用法於余。答曰。夫烏附之爲性也。猛烈也。用之有瞑眩而愈者。有不瞑眩而愈者。有徒中毒者。烏頭桂枝湯條云。其知者如醉狀。得吐者。爲中病也。又桂枝附子去桂加朮湯條云。如冒狀者。此瞑眩而愈者也。又用之其病頓愈。氣宇快然者。是無瞑眩而愈也。又用之其病須臾增劇。發頭痛眩暈。或身體不仁。或發熱上逆。嘔吐等症者。中其毒也。速止附子。復問瞑眩而吐者。與中毒而吐者。何以辨之。答曰。瞑眩而吐者。其病愈而後吐也。中毒而吐者。其病增劇而吐。是其別也。凡病用附子。卽愈心氣爽快者。爲方證相對也。外科療結毒與爲動其瘡毒。自有徑庭。然則附子之症候如何。答曰。仲景云。無熱惡寒者。又真武湯證曰。腹痛下利。附子湯證曰。口中和。由是考之。無熱惡寒。大便滑或澹。口中和者。可以爲

附子準的矣。凡大便秘結者，不中用之，只冷秘之症，用附子而大便快通，是冬節薄衣之人，或婦人月事之時，一身冰冷，少腹痛者，多有此症。然百人中一人耳。又痛風一症，用附子不數日則無功者，若大便難者，宜兼用大黃劑。又有久服附子而患眼疾者，遽止附子，不然恐後有致失明者矣。慎諸慎諸。

# 跋

漢張仲景氏之書。具悉治病之方法矣。然學而不精。泥而不通。則誤治者亦不少也。麓山中川先生。家世軒岐。嘗博撮古今之良方。有合于仲景氏之旨意者。躬親經驗者多年。久之編一書成。名曰證治摘要。以授之子弟。雖然醫者意也。善得其意。不膠于法。善通其變。而不誤于治。則先生之所深望於子弟也夫。元治甲子歲冬十二月。門人肥後支藩大村守約識。